

# HIERONYMI

## FRACASTORII SYPHILIDIS,

### SIVE MORBI

### GALLICI

### LIB. TRES,

## AD PETRYM BEMBVM.

### LIBER PRIMVS.



*VI casus rerum varij, quæ semina morbu  
Insuetum, nec longa vlli per secula visum  
Attulerint: nostra qui tempestate per oëm  
Europã, partimq; Asia, Libyaq; per vrbes  
Sæuijt: in Latium vero per tristia bella  
Gallorum irrupit, nomenque à gente rece-  
pit:*

*Necnon & quæ cura, & opis quid comperit vsus,  
Magnaq; in angustis hominum solertia rebus,  
Et monstrata Deum auxilia, & data munera cœli  
Hinc canere, & longe secretas quærere causas  
Aëra per liquidum, & vasti per sœdera Olympi  
Incipiam: dulci quando nouitatis amore  
Corruptum, placidi naturæ suauibus horti  
Floribus inuitant, & amantes mira Camœnæ.*

*BEMBE decus clarum Ausonia, si fortè vacare  
Consultis Leo te à magnis paulisper, & alta  
Rerum mole sinit, totum qua sustinet orbem:  
Et inuat ad dulces paulum secedere Musas:  
Ne nostros contemne orsus, medicumq; laborem,  
Quicquid id est. Deus hæc quondam dignatus Apollo est:  
Et paruis quoq; rebus inest sua sæpe voluptas.  
Scilicet hac tenui rerum sub imagine multum  
Naturæ, satiqt; subest, & grandis origo.*

*Tu mihi, quæ rerum causas, quæ sœdera noscis,  
Et cœli effectus varios, atq; aëris oras,  
Vranie, (sic dum puro spatiaris olympo,  
Metirisq; vagi lucentes ætheris ignes,*



Concentu tibi diuino cithæ sydera plaudant)  
 Ipsa ades, & mecum placidas Dea lude per umbras,  
 Dum tenues auræ, dum myrtea sylua canenti  
 Aspirat, resonatq; canis Benacus ab antris.  
 Dic Dea, quæ causæ nobis post secula tanta  
 Insolitam peperere luem? num tempore ab illo  
 Vēta mari occiduo nostrum peruenit in orbem,  
 Ex quo lecta manus soluens de littore Ibero  
 Ausa fretum tentare, vagiq; incognita ponti est  
 Aequora, & orbe alio positas perquirere terras?  
 Illic nanque ferunt æterna labe per omnes  
 Id morbi regnare vrbes, passimq; vagari  
 Perpetuo cœli vitio, atq; ignoscere paucis.  
 Commercii ne igitur causa accessisse putandum est  
 Delatam contagem ad nos, quæ parua sub ipsis  
 Principijs, mox & vires & pabula sensim  
 Suscipiens, sese in terras diffuderit omnes?  
 Vt sæpe in stipulas cecidit quum fortè fauilla  
 De face, neglectam pastor quam liquit in aruo,  
 Illa quidem tenuis primum, similisq; moranti  
 Incedit: mox, vt paulatim increuit eundo,  
 Tollitur, & victrix messem populatur & agros,  
 Vicinumq; nemus, flammæq; sub æthera iactat.  
 Dat sonitum longe crepitans Iouis auiæ sylua,  
 Et cœlum latè circum, campi; relucet.  
 At vero, si rite fidem obseruata merentur,  
 Non ita censendum: nec certe credere par est  
 Esse peregrinam nobis, transq; æquora vētam  
 Contagem: quoniam in primis ostendere multos  
 Possumus, attactu qui nullius hanc tamen ipsam  
 Sponte sua sensere luem, primi; tulere.  
 Præterea & tantum terrarum tempore paruo  
 Contages non vna simul potuisset obire.  
 Aspice per Latij populos, quiq; herbida Sagræ  
 Pascua, & Ausonios saltus, & Iapygis oræ  
 Arua colunt: spectæ, Tyberis quæ labitur, & quæ  
 Eridanus centum fluuijs comitatus in æquor,  
 Centum vrbes rigat, & placidis interfluit vndis:  
 Vno non ne vides vt tempore pestis in omnes

Sanijs?



Scujt? Ut sortem pariter transgimus vnam?  
 Quinetiam externos eadem per tempora primum  
 Excepisse ferunt: nec eam cognouit Ibera  
 Gens prius, ignotum quæ scindere puppibus equor  
 Ausa fuit, quàm quos disternat alta Pyrene,  
 Atque freta, atque Alpes cingunt, Rhenusq; bicornis;  
 Quàm reliqui, quos lata tenet gelida ora sub Arcto.  
 Tempore non alio Pœni sensistis, & omnes  
 Qui letam Aegyptum metitis, sæcundaq; Nilo  
 Arua, & palmifera sylvas tondetis Idumes.  
 Quæ quum sic habeant sese, nempe altius isti  
 Principium labi, rerumq; latentior ordo,  
 (Ni fallor) grauiorq; subest, & maior origo.

Principio quæq; in terris, quæq; æthere in alto  
 Atque mari in magno Natura educit in auras,  
 Cuncta quidem nec sorte vna, nec legibus iisdem  
 Proueniunt, sed enim, quorum primordia constant  
 E paucis, crebro ac passim pars magna creantur:  
 Rarius ast alia apparent, & non nisi certis  
 Temporibusue, locisue, quibus violentior ortus,  
 Et longè sita principia: ac nonnulla prius, quàm  
 Erumpant tenebris & opaco carcere noctis,  
 Mille trahunt annos, spaciosq; secula poscunt.  
 Tanta vi coeunt genitalia semina in vnum.  
 Ergo & morborum quoniam non omnibus vna  
 Nascendi est ratio, facilis pars maxima visu est,  
 Et faciles ortus habet, & primordia præsto.  
 Rarius emergunt alij, & post tempore longo  
 Difficiles causas, & inextricabile fatum,  
 Et serò potuere altas superare tenebras.  
 Sic Elephas sacer Ausonijs incognitus oris;  
 Sic Lichen latuere diu, quibus incola Nili  
 Gens tantum, regioq; omnis vicina laborat.

De genere hoc est dira lues, quæ nuper in auras  
 Exijt, & tandem sese caligine ab atra  
 Exemit, duosq; ortus, & vincula rupit.  
 Quam tamen ( æternum quoniam dilabitur æuum )  
 Non semel in terris visam, sed sæpe fuisse  
 Ducendum est, quanquam nobis nec nomine nota

Haftenus



Haectenus illa fuit : quoniam longaeva vetustas  
 Cuncta situ inuoluens, & res, & nomina delet:  
 Nec monumenta patrum feri videre nepotes.  
 Oceano tamen in magno sub sole cadente,  
 Quam misera inuentum nuper gens accolit orbem,  
 Passim oritur, nullisq; locis non cognita vulgo est.  
 Vsq; adeo rerum causae, atque exordia prima  
 Et caelo variare, & longo tempore possunt  
 Quodq; illic fert sponte aer, & idonea tellus,  
 Huc tandem annorum nobis longa attulit aetas.  
 Cuius forte suo si cunctas ordine causas  
 Nosse cupis, magni primum circumspecte mundi  
 Quantum hoc infecit vitium, quot aduerit vrbes.  
 Quumq; animaduertas tam vastae semina labis  
 Esse nec in terrae gremio, nec in aequore posse,  
 Haud dubie tecum statuas reputesq; , necesse est,  
 Principium, sedemq; mali consistere in ipso  
 Aëre, qui terras circum diffunditur omnes,  
 Qui nobis sese insinuat per corpora vbiq;  
 Suetus & has generi viuendum immittere pestes.  
 Aër quippe pater rerum est, & originis autor.  
 Idem saepe graues morbos mortalibus affert,  
 Multimode natus tabescere corpore molli,  
 Et facile affectus capere, atque inferre receptos.  
 Nunc vero, quonam ille modo contagia traxit,  
 Accipe : quid mutare queant labentia secla.  
 In primis tum Sol rutilus, tum sidera cuncta  
 Tellurem, liquidasq; auras, atq; aequora ponti  
 Immutant, agitantq; : vtq; ipso sidera caelo  
 Mutauere vicem, & sedes liquere priores,  
 Sic elementa modis varijs se grandia vertunt.  
 Aspice, vt, hybernus rapidos vbi flexit in Austrum  
 Phoebus equos, nostrumq; videt depressior orbem,  
 Bruma riget, duratq; gelu, spargitq; pruina  
 Tellurem, & gelida glacie vaga flumina sistit.  
 Idem, vbi nos Cancro propior spectauit ab alto,  
 Vrit agros, arent nemora, & sitientia prata,  
 Siccaq; puluereis aestas squallescit in aruis.  
 Nec dubium, quin & noctis nitor, aurea Luna,



Cui maria alta, omnis cui rerum obtemperat humor:  
 Quin & Saturni graue sydus, & æquior orbi  
 Stella Iouis: quin pulchra Venusq; & Martius ignis,  
 Ac reliqua astra etiam mutant elementa, trahantq;  
 Perpetuum, & late magnos dent vndiq; motus:  
 Præcipue sedem si quando plurima in vnam  
 Conuenere, suo vel multum deuia cursu  
 Longe alias tenuere vias. hæc scilicet annis  
 Pluribus, & rapidi post multa volumina cœli  
 Eueniunt, Dijs fata modis voluentibus istis.  
 Vt vero euenisse datum est, numerumq; diesq;  
 Exegere suos, præfixaq; tempora fatis,  
 Proh quanta aërios tractus, salsa æquora quanta,  
 Telluremq; manent: alibi quippe omnia late  
 Cogentur spatia in nubes, cœlum imbribus omne  
 Soluetur, summisq; voluti montibus amnes  
 Præcipites secus syluas, secum aspera saxa,  
 Secum armenta trahent: medius pater impete magno  
 Aut Padus, aut Ganges super & nemora alta, domosq;  
 Turbidus, æquabit pelago freta lata sonante.  
 Aestates alibi magnæ condentur, & ipsæ  
 Flumina speluncis flebunt arentia Nymphæ.  
 Aut venti cuncta inuertent, aut obice clausi  
 Excutient tellurem imam, & cum turribus vrbes,  
 Forsitan & tempus veniet, poscentibus olim  
 Natura, fatisq; Deum, quum non modo tellus  
 Nunc culta, aut obducta mari, aut deserta iacebit,  
 Verum etiam Sol ipse nouum (quis credere possit)  
 Curreret iter, sua nec per tempora diffluet annus.  
 Ast insueti æstus, insuetaq; frigora mundo  
 Insurgent, & certa dies animalia terris  
 Monstrabit noua, nascentur pecudesq; feræq;  
 Sponte sua, primaq; animas ab origine sument.  
 Forsitan & maiora audens producere tellus  
 Cœumq;, Enceladumq; feret, magnumq; Typhœdā,  
 Ausuros patrio superos detrudere cœlo,  
 Conuulsumq; Ossan nemoroso imponere Olympo.  
 Quæ quum perspicias, nihil est, cur tempore certo  
 Admirere nouis magnum marcescere morbis



*Aëra, contagēsq; nouas viuētib; agris  
Sydere sub certo fieri, & per secula longa.*

*Bis centum fluxere anni, quum flammea Marte  
Lumina Saturno tristi immiscente, per omnes  
Auroræ populos, per quæ rigat aquora Ganges,  
Insolita exarsit febris, quæ pectore an'  
Sanguineum sputum exagitans (miserabile visu)  
Quarta luce frequens fato perdebat acerbo.  
Illa eadem Assyriæ gentes, & Persidos, & quæ  
Euphratem, Tigrimq; bibunt, post tempore paruo  
Corripuit, ditesq; Arabas, mollemq; Canopum:  
Inde Phrygas, inde & miserum trans aquora vecta  
Infecit Latium, atq; Europa sæuīt omni.*

*Ergo age iam mecum, semper sese æthera circum  
Voluentem, superumq; domos, ardentiaq; astra  
Contemplare, animumq; agitans per cuncta, require,  
Quis status illorum fuerit, quæ signa dedere  
Sydera, quid nostris cælum portenderit annis  
Hinc etenim tibi fortē nouæ contagis origo  
Omnis, & euentus tanti via prima pateſcet.  
Aspice, candentes magni quæ Cancer olympi  
Excubat ante fores, & brachia pandit aperta.  
Hinc diræ facies, hinc se diuersa malorum  
Ostendent portenta: vna hac sub parte videbis  
Magna coisse simul radijs ardentibus astra,  
Et coniuratas sparsisse per aëra flammās:  
Flammās, quas longe tumultu Sirenis ab alto  
Prospiciens senior vates, quem diu per omnes  
Cœlicolumq; domos duxit, docuitq; futura  
Vranie: miserās, inquit, defendite terras  
O superi, insolitam video per inania ferri  
Illuminem, & magnos cœli tabescere tractus.  
Bella etiam Europæ miseræ, bella impia, & agros  
Ausoniam passim currentes sanguine cerno.  
Dixit, & illa etiam scriptis ventura notauit.*

*Mos superum est, vbi secla vagus sol certa peregit,  
Ab Ioue decerni fata, & cuncta ordine pandi,  
Quacunq; euentura manent terrasq; , polumq; .  
Quod tempus quum iam nostris venientibus annis*

*Instaret,*



*Instaret, rerum summus sator, & superum rex*  
*Iuppiter acciri socios in rebus agendis*  
*Saturnum, Martemq; iubet: bipotentia Cancer*  
*Limina portarum reseat, dijsq; atria pandit.*  
*Conueniunt, quibus est fatorum cura gerenda.*  
*Impiger ante alios flammis ferroq; coruscans*  
*Bellipotens Mauors, animis cui praelia & arma,*  
*Vindictaq; manent, & ouantes sanguine cædes.*  
*Post placidus curru inuectus rex Iuppiter aureo*  
*Insequitur (ni fata obstant) pater omnibus æquus.*  
*Postremus, longaq; Via tardatus & annis*  
*Falcifer accedit senior, qui haud immemor iræ*  
*In natum veteris, nato & parere recusans,*  
*Sæpe etiam cecidit retro, & vestigia torsit,*  
*Multa minans, multumq; animo indignatus iniquo.*  
*Iuppiter at solio ex alto, quo se solet vno*  
*Tollere, percenset fata, & ventura resoluit,*  
*Multum infœlicis miserans incommoda terræ,*  
*Bellaq; fortunâq; virum, casuraq; rerum*  
*Imperia, & prædas, adapertaq; limina morti:*  
*In primis ignota noui contagia morbi:*  
*Morbi, qui humanæ nulla mansuescat opis vi.*  
*Assensere Dei reliqui: concussus Olympus*  
*Intremuit, tactusq; nouis defluxibus æther.*  
*Paulatim aerij tractus, & inania lata*  
*Accepere luem, vacuasq; insuetus in auras*  
*Marcor ijt, cælumq; tulit contagia in omne.*  
*Sine quod ardenti tot concurrentibus astris*  
*Cum Sole, è pelago multos terrâq; vapores*  
*Traxerit ignea vis, qui misti tenuibus auris*  
*Correptiq; nouo vitio, contagia visu*  
*Perrara attulerint: aliud sine æthere ab alto*  
*Demissum late aerias corruperit oras.*

*Quânq; animi haud fallor, quid agat, quoue ordine cælum,*  
*Dicere, & in cunctis certas perquirere causas*  
*Difficile esse: adeò interdum per tempora longa*  
*Effectus trahit, interdum (quod fallere possit)*  
*Miscentur fors, & varij per singula casus.*  
*Nunc age non id te lateat, super omnia miram*



Naturam, & longe variam contagibus esse.  
 Solis nam saepe arboribus fit noxius aer,  
 Et tenerum germen, florumq; infecit honorem:  
 Interdum segetem, & sata leta, anniq; labores  
 Corripuit, scabraq; vssit rubigine culmos,  
 Et vitiata parens produxit semina tellus.  
 Interdum poenas animalia sola dedere,  
 Aut multa, aut certa ex ipsis memini ipse malignam  
 Luxuriem vidisse anni, multoq; madentem  
 Autumnum perflatum Austro, quo perditus omne  
 Caprigenum genus è cunctis animantibus vnum  
 Corruit. à stabulis latas ad pabula pastor  
 Ducebat: tum fortè, alta securus in vmbra  
 Dum caneret, tenuiq; gregem mulceret auena,  
 Ecce aliquam tussis subito irrequieta tenebat,  
 Nec longe mora mortis erat: nanq; acta repente  
 Circùm præcipiti lapsu, renomensq; supremam  
 Ore animam, socias inter moribunda cadebat.  
 Vere autem (dictu mirum) atq; æstate sequenti  
 Infirmas pecudes, balantumq; horrida vulgus  
 Pestis febre mala miserum penè abstulit omne.  
 Vsque adeo varia affecti sunt semina cœli,  
 Et variæ rerum species, numerusq; vicissim  
 Inter mota subest, interq; mouentia certus.  
 Nonne vides, quamuis oculi sint pectore anhelò  
 Expositi mollesq; magis, non attamen ipsos  
 Carpere tabem oculos, sed sese immergere in imum  
 Pulmonem? & pomis quanquam sit mollior vna,  
 Non tamen ijs vitiatur, at ipsa liuet ab vna.  
 Nempe alibi vires, alibi sua pabula desunt:  
 Ast alibi mora certa, nec ipsa foramina multum  
 Non faciunt, hinc densa nimis, nimis inde soluta.

Ergo contagum quoniam natura genusq;  
 Tam varium est, & multa modis sunt semina miris,  
 Contemplator & hanc, cuius cœlestis origo est:  
 Quæ, sicut desueta, ita mira erupit in auras.  
 Illa quidem non muta maris, turbamq; natantum,  
 Non volucres, non bruta altis errantia sylvis,  
 Non armenta bouum, pecudésue, armentâue equorum

Infecit,



Infecit, sed mente ingens ex omnibus unum  
 Humanum genus, & nostros est pasta sub artus.  
 Porro homine è toto, quod in ipso sanguine crassum  
 Et sordens lentore foret, foedissima primum  
 Corripuit, sese pascens vligine pingui.  
 Tali se morbus ratione & sanguis habebant.  
 Nunc ego te affectus omnes, & signa docebo  
 Contagis miseræ: atq; utinam concedere tantum  
 Musa queat, tantumq; velit defendere Apollo,  
 Tempora qui longa enoluit, cui carmina curæ,  
 Hæc multas monumenta dies ut nostra supersint.  
 Fortè etenim nostros olim legisse nepotes,  
 Et signa, & faciem pestis nouisse iuuabit.  
 Nanq; iterum, quum fata dabunt, labentibus annis  
 Tempus erit, quum nocte atra sopita iacebit  
 Interitu data: mox iterum post secula longa  
 Illa eadem exurget, cælumq; aurasq; remiset,  
 Atq; iterum ventura illam mirabitur ætas.

In primis mirum illuderat, quod labe recepta,  
 Sæpe tamen quater ipsa suum compleuerat orbem  
 Luna prius, quàm signa satis manifesta darentur.  
 Scilicet extemplo non sese prodit aperte,  
 Ut semel est excepta intus, sed tempore certo  
 Delitet, & sensim vires per pabula captat.  
 Interea tamen insolito torpore grauati,  
 Sponteq; languentes animis & munera obibant  
 Aegrius, & toto segnes se corpore agebant.  
 Ille etiam suus ex oculis vigor, & suus ore  
 Deiectus color haud lata de fronte cadebat.  
 Paulatim caries foedis enata pudendis  
 Hinc atq; hinc inuicta locos, aut inguen edebat.  
 Tum manifesta magis vitij se prodere signa,  
 Nam, simulac puræ fugiens lux alma diei  
 Cesserat, & noctis tristes induxerat umbras,  
 Innatusq; calor noctu petere intima suetus  
 Liquerat extremum corpus, nec membra fouebat  
 Obsita mole pigra humorum, tum vellier artus  
 Brachiaq; scapulaq; graui, saræq; dolore.  
 Quippe, vbi per cunctas ierant contagia venas,  
 Humoresq;



Humoresq; ipsos, & nutrimenta futura  
 Polluerant, Natura malum secernere sueta  
 Infectam partem pellebat corpore ab omni  
 Exterius: verum crasso quia corpore tarda  
 Hæc erat, & lentore tenax, multa inter eundum  
 Hærebat membris exanguibus, atq; lacertis.  
 Inde graues dabat articulis extenta dolores.  
 Parte tamen leuiore, magisq; erumpere nata,  
 Summa cutis pulsa, & membrorum extrema petebat.  
 Protinus informes totum per corpus achores  
 Rumpebant, faciemq; horrendam, & pectora fœde  
 Turpabant: species morbi noua: pustula summæ  
 Glandis ad effigiem, & pituita marcida pingui:  
 Tempore quæ multo non post adapertha dehiscens,  
 Mucosa multum sanie, taboq; fluebat.  
 Quinetiam erodens alte, & se funditus abdens  
 Corpora pascebat miserè: nam sæpius ipsi  
 Carne sua exutos artus, squallentiaq; ossa  
 Vidimus, & fœdo rosa ora dehiscere hiatu,  
 Ora, atq; exiles reddentia guttura Voces.  
 Tum sæpe aut cerasis, aut Rhyllidis arbore tristi  
 Vidisti pinguem ex vdis manare liquorem  
 Corticibus, mox in lentum durefcere gummi.  
 Haud secus hac sub labe solet per corpora mucor  
 Diffluere: hinc demum in turpem concrefcere callum.  
 Vnde aliquis ver ætatis, pulchramq; inuentam  
 Suspirans, & membra oculis deformia toruis  
 Prospiciens, fœdosq; artus, turgentiaq; ora,  
 Sæpe Deos, sæpe astra miser crudelia dixit.  
 Interea dulces somnos, noctisq; soporem  
 Omnia per terras animalia fessa trahebant:  
 Illis nulla quies aderat, sopor omnis in auras  
 Fugerat: ijs oriens ingrata Aurora rubebat:  
 Iis inimica dies, inimicaq; noctis imago.  
 Nulla Ceres illos, Bacchi non vlla iuuabant  
 Munera: non dulces epulæ, non copia rerum,  
 Non vrbis, non ruris opes, non vlla voluptas,  
 Quamuis sæpe amnes nitidos, incundaq; tempe,  
 Et placidas summis quæfissent montibus auras.



Dij̄s etiam sparsaq; preces, incensaquē templis  
Thura, & diuitibus decorata altaria donis;  
Dij̄ nullas audire preces, donisue moueri.

Ipsē ego Cœnomanum memini, quā pingua diues  
Pascua Sebina præterfluit Ollius vnda,  
Vidisse insignem **IVVENEM**, quo clarior alter  
Non fuit, Ausonia nec fortunatior omni:  
Vix pubescens florebat vere iuuentæ,  
Ditijs, proavisq; potens, & corpore pulchro:  
Cui studia aut pernicis equi compescere cursum,  
Aut galeam induere, & pictis splendere in armis,  
Aut iuuenile graui corpus durare palastra,  
Venatūq; feras agere, & præuerrere ceruos:  
Illum omnes Olliq; Deæ, Eridaniq; puellæ  
Optarunt, nemorumq; Deæ, rurisq; puellæ:  
Omnes optatos suspirauere hymenæos.  
Forsan & ultores superos neglecta vocauit  
Non nequicquam aliqua, & votis pia numina mouit.  
Nam nimium fidentem animis, nec tanta timentem  
Inuasit miserum labe, qua sæuior vsquam  
Nulla fuit, nulla vnquam alijs spectabitur annis.  
Paulatim ver id nitidum, flos ille iuuentæ  
Disperijt, vis illa ni: tum squallida tabes  
Artus (horrendum) miseros obduxit, & alte  
Grandia turgebant fœdis abscessibus ossa.  
Vlcera (proh diuū pietatem) informia pulchros  
Pascebant oculos, & diæ lucis amorem,  
Pascebantq; acri corrosas vulnere nares.  
Illum Alpes vicina, illum vaga flumina flerunt.  
Illum omnes Olliq; Deæ, Eridaniq; puellæ  
Fleuerunt, nemorumq; Deæ, rurisq; puellæ:  
Sebinusq; alto gemitum lacus edidit amne.

Ergo hanc per miseras terras Saturnus agebat  
Pestem atrox, nec sæua minus crudelis & ipse  
Miscebat Mauors, coniunctaq; fata ferebat.  
Quippe lue hac nascente putem simul omnia diras  
Eumenidas cecinisse fera & crudelia nobis.  
Tartareos etiam barathro dira omnia ab imo  
Excinisse lacus, Stygiaq; ab fœde laborem,

Pestemq;



Pestemq; , horribilemq; , famem , bellumq; , necemq; .

Dij patrij, quorum Ausonia est sub numine, tuq;  
Tu Latij Saturne pater, quid gens tua tantum  
Est merita? an quicquam superest diriq; , grauisq; ,  
Quod sit inexhaustum nobis? ecquod genus vsquam  
Auersum vsque adeo cœlum tulit? ipsa labores  
Parthenope dic prima tuos, dic funera regum,  
Et spolia, & prædas, captiuq; colla tuorum.  
An stragem infandam memorem, sparsumq; , cruorem  
Gallorumq; , Italumq; , pari discrimine, quum iam  
Sanguineum, & defuncta virum, defunctaq; equorum  
Corpora voluentem, cristasq; atq; arma trahentem  
Eridanus pater acciperet rapido agmine Tarrum?  
Te quoq; spumantem, & nostrorum cæde tumentem  
Abdua, non multo post tempore, te pater idem  
Eridanus gremio infœlix suscepit, & altum  
Indoluit tecum, & fluuiio solatus amico est.

Ausonia infœlix, en quò discordia priscam  
Virtutem, & mundi imperium perduxit auitum.  
Angulus an'ne tui est aliquis, qui barbara non sit  
Seruitia, & prædas, & tristia funera passus?  
Dicite vos, nullos soliti sentire tumultus,  
Vitiferi colles, qua flumine pulcher amœno  
Erethenus fluit, & plenis lapsurus in æquor  
Cornibus, Euganeis properat se iungere lymphis.

O patria, ô longum felix, longumq; , quieta  
Ante alias, patria ô diuinum sanctissima tellus,  
Dives opum, fœcunda viris, letissima campis  
Vberibus, rapidoq; Athesi, & Benacide lympa,  
Aerumnas memorare tuas, summamq; malorum  
Quis queat, & dictis nostros æquare dolores,  
Et turpes ignominias, & barbara iussa?  
Abde caput Benace, tuo & te conde sub amne,  
Victrices nec iam Deus interlabere Lauros.

En etiam, ceu nos agerent crudelia nulla,  
Nec lachrymæ, planctusue forent, en dura tot inter,  
Spes Latij: spes & studiorum, & Palladis illa  
Occidit: ereptum Musarum è dulcibus vlnis  
Te miserum ante diem crudeli funere MARCE

ANTONI



ANTONI, ætatis primo sub flore cadentem  
 Vidimus extrema positum Benacide ripa,  
 Quam media inter saxa sonans sarca abluit vnda.  
 Ter ipæ flevere Athesis, te voce vocare  
 Audita per noctem vmbra, manesq; Catulli,  
 Et patrios mulcere noua dulcedine lucos.

Tempestate illa Ausoniam rex Gallus opimam  
 Vertebat bello, & Ligurem ditione premebat.  
 Parte alia, Caesar ferro superabat & igni  
 Euganeos, placidumq; Silim, Carnumq; rebellem:  
 Et totum luctus Latium, mœrorq; tenebat.

## LIBER II.



VNC age, quæ vitæ ratio, quæ cura adhibenda

Perniciem aduersus tantam, quid tempore quoque

Conueniat (nostræ quæ pars est altera coepti)

Expediam, & miranda hominum comperta docebo.

Quippe noua quum re attoniti, multa irrita primùm

Tentassent, tamen angustis solertia maior

In rebus, crescensq; vsu experientia longo

Euicere: datumq; homini protendere longè

Auxilia, & certis pestem comescere vinclis,

Victorem & sese claras attollere in auras.

Credo equidem & quædam nobis diuinitus esse

Inuenta, ignaros fati ducentibus ipsis.

Nam, quanquam fera tempestas, & iniqua fuerunt

Sydera, non tamen omnino præsentia diuûm

Abfuit à nobis, placidi & clementia cœli.

Si morbum insolitum, si dura & tristia bella

Vidimus, & sparsos dominorum cade penates,

Oppidaq; incensasq; vrbes, subuersaq; regna,

Et templa, & raptis temerata altaria sacris:

Flumina deiecit, si perrumpentia ripas

Euertere sata, & medijs nemora eruta in vndis,

Et pecora, & domini, correptaq; rura natarunt:

Obseditq; inimica ipsas penuria terras:

Fracti foris.

ooo

Hec



Hæc eadem tamen, hæc ætas (quod fata negarunt  
 Antiquis) totum potuit sulcare carinis  
 Id pelagi, immensum quod circuit Amphitrite.  
 Nec visum satis extremo ex Atlante repositos  
 Hesperidum penetrare sinus, Præsumq; sub Arcto  
 Inspectare alia, præruptaq; littora Rhapti,  
 Atq; Arabo aduehere, & Carmano ex æquore merces,  
 Auroræ sed itum in populos Titanidis vsque est  
 Supra Indum, Gangemq; supra, quâ terminus olim  
 Catygare noti orbis erat: superata Cyambe,  
 Et dites ebено, & foelices macere sylvæ.  
 Deniq; & à nostro diuersum gentibus orbem,  
 Diuersum cœlo, & clarum maioribus astris  
 Remigio audaci attigimus ducentibus & Djs.  
 Vidimus & vatem egregium, cui pulchra canenti  
 Parthenope, placidusq; cauo Sebethus ab antra  
 Plauserunt, vmbraq; sacri manesq; Maronis,  
 Qui magnos stellarum orbés cantauit, & hortos  
 Hesperidum, cœliq; omnes variabilis oras.  
 Te vero vt taceam, atque alios, quos fama futura  
 Post mutos cineres, quos & venientia secla  
 Antiquis conferre volent, at BEMBE tacendus  
 Inter dona Deum nobis data non erit vnquam  
 Magnanimus LEO, quo Latium, quo maxima Roma  
 Attollit caput alta, paterq; ex aggere Tybris  
 Assurgit, Romæq; fremens gratatur ouanti.  
 Cuius ab auspicijs iam nunc malâ sÿdera mundo  
 Cessere, & leto regnat iam Iuppiter orbe,  
 Puraq; pacatum diffundit lumina cœlum.  
 Vnus, qui ærumnas post tot, longosq; labores  
 Dulcia iam profugas renocauit ad ocia Musas,  
 Et leges Latio antiquas, rectumq; , piumq;  
 Restituit: qui iusta animo iam concepit arma.  
 Pro re Romana, pro relligione Deorum.  
 Vnde etiam Euphrates, etiam latè ostia Nili,  
 Et tantum Euxini nomen tremit vnda refusi,  
 Atque Aegæa suos confugit Doris in Isthmos.  
 Ergo, alij dum tanta canent, dumq; illius acta  
 Inclyta component, dum fortè accingeris & tu  
 Condere,



Condere, & æternis victurum intexere chartis,  
 Nos, quos fata vocant haud tantâ ad munera, lusus  
 Inceptos, quantum tenuis fert Musa, sequamur.

Principio, quoniam affecti non sanguinis una  
 Est ratio, tibi sit morbo spes maior in illo,  
 Sanguine qui insedit puro: verum, quibus atra  
 Bile tument, spissoq; resultant sanguine venæ,  
 Maior in ijs labor est, pestisq; tenacius hæret.  
 Quare operæ precium est validis atq; acribus vti  
 Omnibus hos contra, miseris nec parcere membris.  
 Quinetiam meliora sibi promittere cuncta  
 Ille potest, qui principijs nouisse sub ipsis  
 Serpentem tacite valuit per viscera labem.

Nanque, vbi pasta diu, vires per pabula longa  
 Auxerit, & iam se vitium firmauerit intra,  
 Heu quanto tibi libertas speranda labore est.  
 Ergo omnem impendes operam te opponere parvis  
 Principijs, memoriq; animo hæc præcepta reconde.

In primis ego non omni te assuescere cælo  
 Exhorter: fuge, perpetuo quod flatum ab Austro,  
 Quod cæno, immundæq; graue est sudore paludis.  
 Protenti potius campi mihi liber & agri  
 Tractus, & apricis placeant in collibus auræ,  
 Et molles Zephyri, pulsusq; Aquilonibus aer.  
 Hic (iubeo) tibi nulla quies, nulla otia sunt.  
 Rumpe moras, agita assiduus venatibus apros  
 Impiger, assiduus agita venatibus vrsos.  
 Nec tibi sit labor aerij cursu ardua montis  
 Vincenti, rapidum in valles defletere ceruum,  
 Et longa lustrare altos indagine saltus.  
 Vidi ego sæpe malum, qui iam sudoribus omne  
 Finisset, syluisq; luem liquisset in altis.  
 Sed nec turpe puta dextram summittere aratro,  
 Et longum trahere incuruo sub vomere sulcum:  
 Nèue bidente solum, & duras proscindere glebas,  
 Et valida æriam quercum exturbare bipenni,  
 Atque ininis altam eruere ab radicibus ornum.  
 Quinetiam, exercere domi quo te quoq; possis,  
 Paruam mane pilam versa mihi, vespere versa,



Et saltu, & dura potes exudare palæstra.  
 Vince malum: nec te fallat, quod desidis oci  
 Assidue desiderium, lætæq; sequetur.  
 Tu lætione crede, gravi ne crede sopori.  
 His alitur vitium, & placida sub imagine pacis  
 Decipit, è dulciq; trahit fomenta quiete.  
 Necnon interea effugito, quæ tristia mentem  
 Sollicitant: procul esse iube curasq; metumq;  
 Pallentem, Ultricesq; iras, omnemq; Mineruæ  
 Addictum studijs animum, sed carmina, sed te  
 Delectent iuuenumq; chori, mixtæq; puellæ.  
 Parce tamen Veneri, mollesq; ante omnia vita  
 Concubitus, nihil est nocuum magis: odit & ipsa  
 Pulchra Venus, teneræ contagem odere puellæ.  
 Quod sequitur, victus ratio tibi maxima habenda est,  
 Nec sit cura tibi, nèue observantia maior.  
 Principio, quoscunque amnes, quoscunque paludes,  
 Quosq; lacus liquidi pascunt, quosq; æquora, pisces  
 Omne genus procul amoueo. sunt, quos tamen vsus.  
 Liberius, quum res cogit, concedere possit.  
 Omnibus his est alba caro, non dura, tenaxq;  
 Quos petra & flumini aduersa marisq; fatigant.  
 Tales nant pelago phycides, rutilæq; per vndas  
 Auratæ, gobiq; & amantes saxea percæ.  
 Talis dulcissimum flumini scarus ad ora:  
 Solus saxa inter depastas ruminat herbas.  
 Sed neq; quæ stagnis volucres, quæq; amnibus altis:  
 Degere amant, liquidisq; cibum perquirere in vndis,  
 Laudarim: tibi pinguis anas, tibi crudior anser  
 Vitetur, potiusq; vigil Capitolia seruet:  
 Viteturq; graui coturnix tarda sagina.  
 Tu teneros lactes, tu pandæ abdomina porcæ,  
 Porcæ heu terga fuge, & lumbis ne vescere aprinis,  
 Venatu quamuis toties confeceris apros.  
 Quin. neq; te crudus cucumis, non tubera captent,  
 Nèue famem cinara, bulbisue salacibus exple.  
 Non placeat mihi lactis amor, non vsus aceti,  
 Non fumosa mero spumantia pocula Baccho,  
 Qualia Cyrenæi colles, campi; Falerni,



Et Pucinus ager mittunt : aut qualia nostris  
 Rhetica dat paruo de collibus vna racemo.  
 Nempe Sabina magis placeant, dilutaq; tellus  
 Quæ tulit, & multo domuerunt Naiades amne.  
 At, tibi si ex horto victus, mensæq; Deorum  
 Sunt animo, atq; olerum simplex & inempta voluptas,  
 Non mentæ virides, non læta sisymbria desunt,  
 Intybaq; & toto florentes frigore sonchi,  
 Et sia fontanis semper gaudentia riuis,  
 Et thymbræ suauis, & odorifera calamint hæ:  
 Lætæ meliphylla, & riguo buglossus ab horto  
 Carpantur, plenisq; ferax erucula palmis,  
 Atq; olus, atq; rumex, & salsi gramina criethmi.  
 Ipsa lupum dumeta ferent : hinc collige primos  
 Asparagos, albæ asparagos hinc collige vitis,  
 Quum nondum explicuit ramos, umbracula nondum  
 Texuit, & virides iussit pendere corymbos.  
 Singula sed longum est, nec percensere necesse,  
 Iamq; aliud vocor ad munus, inuat in noua Musas  
 Naturæ nemora. Aonijs deducere ab umbris :  
 Vnde mihi si non è lauro intexere fronti  
 Serta volent, tantaq; caput cinxisse corona,  
 At saltem obseruata hominum tot millia, dignum  
 Censuerint querna redimiri tempora fronde.

Vere nouo, si quem morbus tenet, aut & in ipso  
 Autumno, si firma ætas, si sanguis abundat,  
 Regalem, mediamue lacerti incidere venam  
 Proderit, atq; extra fœdatum haurire cruorem.  
 Præterea, quocunq; habeat te tempore pestis,  
 Corruptum humorem, & contagem educere turpem  
 Ne pigeat, faciliq; luem deponere ab aluo :  
 Ante tamen ducendâ para : concreta resolue,  
 Et crassa attenua, & lentore tenacia frange.

Ergo Coryciumq; thymum sit cura, thymumq;  
 Pamphylum, thymbræ similis qui durior exit,  
 Prima tibi coxisse, lupiq; volubile gramen,  
 Foeniculumq; apiumq; & amari germina capni.  
 His polyporum hirtos imitata filicula cirros  
 Additur, & Lymphis tangi renuens adiantus :

His



His sterile asplenum, his pictam phyllitida iunge:  
 Quorum ubi decoctum permultis ante diebus  
 Ebiberis, crudumq; humorem incoxeris omnem,  
 Tum scilla medicare acri, & colocynthide amara,  
 Helleboroq; graui, necnon quæ in littore surgens,  
 Quæ ludit maris unda, ter euariata colorem,  
 Ter flores mutata die rem nomine signat,  
 Herba potens radice, suum cui Zinziber adde:  
 Adde etiam anguinum cucumin, Nabathæaq; thura,  
 Myrrhamq; bdelenq; hammoniacy; liquorem,  
 Et lachrymam panaceam, & dulci colchica bulbo.

His actis, si fortè tibi frigentia corda  
 Et molles animi fuerint, nec acerba placebit  
 In primis tentare, breuiq; extinguere pestem,  
 Sed placidis agere, & per tempora lenibus uti,  
 Tum superest tibi cura animum ad fomenta relictæ  
 Vertere, contagisq; ad tenuia semina cæcæ,  
 Illa quidem consueta modis inserpere miris.  
 Profuerint igitur, quæq; exiccantia, quæq;  
 Marcori resinosa solent obsistere putri.  
 Tales sunt myrrhæ lachrymæ, sunt talia thura,  
 Cedrusq; aspalathusq; immortalisq; cupressus,  
 Et bene cum calamo spirans redolente cyperus.  
 Ergo nec desint casia, nec desit amomum,  
 Macer ue, agalocum ue tibi, nec cinnama odora.  
 Est etiam in pratis illud, iuxtaq; paludes  
 Scordion, omnigenis quod tantum ob stare venenis,  
 Contagiq; solet, paruo quærenda labore  
 Herba tibi: viret ipsa comis imitata chamædryn,  
 Flore rubens, referensq; alli cum voce saporem.  
 Aurora nascente huius frondemq; comantem  
 Radicesq; coque, atque haustu te prolue largo.  
 Sed neque carminibus neglecta silebere nostris  
 Hesperidum decus, & Medarum gloria citre  
 Sylvarum: si fortè sacris cantata poetis  
 Parte quoque hac medicam non dedignabere Musam  
 Sic tibi sit semper viridis coma, semper opaca,  
 Semper flore nouo redolens: sis semper onusta  
 Per viridem pomis syluam pendentibus aureis.



Ergo, ubi nitendum est cecis te opponere morbi  
 Seminibus, vi mira arbor citherea præstat.  
 Quippe illam Citherea, suum dum plorat Adonim,  
 Munere donauit multo, & virtutibus auxit.

Quorundam inuentum est, vitrei intra concava vasis,  
 Cui collum oblongum est venter turgescit in orbem,  
 Aut hederæ folia, aut Ida mittente maniplos  
 Dictamni, Illyricæmue irim, rhamnium nigrantem  
 Radicem, aut inulas coquere: in sublime solutus  
 Effertur vapor, & tenuis vacua omnia complet:  
 Ast, ubi frigenti occurssit ab ære vitro,  
 Cogitur, & rorem liquidus densatur in vtrum,  
 Decurritq; vagis per aperta canalium.  
 Destillantis aquæ cyathum sub lumina prima  
 Luciferi potare iubent, stratisq; parare  
 Sudorem: nec certe ab re: vis vitilis ollei est  
 Reliquias morbi tennes dispergere in auras.  
 Interea, si membra dolor conuulsa malignus  
 Torqueat, æsypo propera lenire dolorem,  
 Mastichinoq; oleo: lentum quibus anseris vnguen,  
 Emulsumq; potes lini de semine mucum,  
 Narcissumq; inulamq;, liquentiaq; addere mella,  
 Coryciumq; crocum & vilem componere amurcam.  
 At, fauces atq; ora malus si eroserit herpes,  
 Tange nitro, & viridi medicata ærugine lymphæ  
 Semina inure mala, & serpentem interfice pestem.

Verum ipsos ope non alia consumere achores,  
 Vrentum quam vi, poteris, quibus addere debes  
 Pingue aliquid, quod secum intus siccantia portet.  
 Hæc eadem, & miseros artus si qua vlcera pascunt,  
 Tollere, concretosq; valebunt soluere callos.

Si vero aut hæc nequicquam tentasse videbis,  
 Aut vires animiq; valent ad fortia quæq;,  
 Nec differre cupis, quin te committere acerbis  
 Festines, diuamq; breui consumere pestem,  
 Hinc alia inuenta expediam, quæ tristia quanto  
 Sunt magis, hoc tanto citius finire labores  
 Aerumnasq; mali poterunt: quippe effera labes  
 Inter prima tenax, & multo fomite vinax.

Nedum



Nedum se haud vinci placidis & mitibus, at nec  
 Tractari sinit, & mansuescere dura repugnat.  
 Sunt igitur styracem in primis qui, cinnabarimq;  
 Et minium, & stymmi agglomerant, & thura minuta,  
 Quorum suffitu pertingunt corpus acerbo,  
 Absumuntq; lucem miseram, & contagia dira.  
 At vero & partim durum est medicamen & acre,  
 Partim etiam fallax, quo faucibus angit in ipsis  
 Spiritus, eluctansq; animam vix continet egram.  
 Quocirca totum ad corpus nemo audeat uti  
 Iudice me: certis fortasse erit utile membris,  
 Quæ Papulæ informes, Chironiaq; vlcera pascunt.

Argento melius persoluunt omnia viuo  
 Pars maior: miranda etenim vis insita in illo est:  
 Siue quod id natum est subito frigusq; caloremq;  
 Excipere, vnde in se nostrum citò contrahit ignem,  
 Quodq; est condensum, humores dissoluit, agitq;  
 Fortius, ut candens ferrum flamma acrius urit:  
 Siue acres, vnde id constat compagine mira,  
 Particulæ nexuq; suo vinclisq; solutæ  
 Introrsum, ut potuere seorsum in corpora ferri,  
 Colliquant concreta, & semina pestis inurunt.  
 Siue aliam vim fata illi, & natura dedere:  
 Cuius & inuentum medicamen munere Diuûm  
 Digressus referam. quis enim admiranda Deorum  
 Munera prætereat? Syria nam fortè sub altis  
 Vallibus, vmbrosi nemora inter glauca salicti,  
 Callirhoë qua fonte sonans decurrit amœno,  
 Fama est cultorem Dijs sacri agrestibus horti,  
 Cultorem nemorum, sectatoremq; ferarum,  
 Ilcea labe grauem tanta, dum molle cyperum,  
 Et casiam, & syluam late fragrantis amomi  
 Irrigat, hæc orasse Deos, & talia fatum.

Dij, quos ipse diu colui, tuq; optima tristes  
 Callirhoë, quæ sancta soles depellere morbos,  
 Cui nuper ramosa ferens ego cornua cerui  
 Aëria victor fixi capita horrida quercu:  
 Dij mihi crudelem misero si tollere pestem  
 Hanc dabitis, quæ me afflictat noctesq; diesq;,



Ipse ego purpureas, ipse albas veris & horti  
 Primitias, vobis violas, ego lilia vobis  
 Alba legam, primasq; rosas, primosq; hiacynthos,  
 Vestraq; odoratis onerabo altaria fertis.  
 Gramen erat iuxta viridans, Sic fatus, ut æstu  
 Fessus erat, viridi desedit graminis herba.  
 Hic Dea, vicino quæ sese fonte lauabat,  
 Callirhoë liquido ex antro per lubrica musco  
 Saxa fluens, inueni dulci blandita susurro,  
 Lethæum immisit somnum, sparsitq; sopore  
 Graminea in ripa, & salicum nemus inter opacum:  
 Atque illi visa est sacro se flumine tollens  
 In somnis coram esse, pia & sic voce locuta.  
 Ilceu in extremo Dÿstandem audite labore  
 Cura mei, tibi nulla salus, quacunq; videt Sol,  
 Speranda est terram magnam super. hoc tibi poenæ  
 Dat Triuia, & precibus Triuiæ exoratus Apollo,  
 Ob sacrum iaculo percussum ad flumina ceruum,  
 Et nostris affixa tibi capita horrida truncis.  
 Nam, postquam illa feram exanimem per gramina vidit  
 Abscisso capite, & sacro sparsa arua cruore,  
 Omnibus ingemuit soluis, dirumq; precata est  
 Authori. oranti Latous tanta sorori  
 Affuit, & pestem misero immisere nefandam  
 Durus vterque tibi: quin & quacunq; videt Sol,  
 Interdixit opem: quare tellure sub ima,  
 Si qua salus supere est, cæca sub nocte petenda est.  
 Est specus arboribus tectum, atq; horrore verendum  
 Vicina sub rupe, Iouis quæ plurima sylua  
 Accubat, & raucum reddit coma cedria murmur.  
 Huc, ubi se primis aurora emittet ab undis  
 Ire para, & nigrantem ipsis in faucibus agnam  
 Mactato supplex, atque Ops tibi maxima, dic, hanc,  
 Dic, ferio. nigram tum Noctem, umbrasq; silentes,  
 Umbrarumq; Deos, ignotaq; numina Nymphas  
 Et Thia venerare, atræ & nidore Cupressi.  
 Hic tibi narranti causam, auxiliumq; vocanti  
 Haud aberit Dea, quæ cæce in penetralia terræ  
 Fracastorij. PPP Deducat



Deducat te sancta, & opem tibi sedula præstet.  
 Surge age, nec vani speciem tibi concipe somni.  
 Illa ego sum, quæ culta vago per pingua fonte  
 Dilabor, Dea vicinis tibi cognita ab undis.  
 Sic ait, & se caruleo cita condidit amne.

Ille autem, ut placidus cessit sopor, omnia letus  
 Accipit, & Nympham precibus veneratur amicam.  
 O sequor, ò quocunque vocas pulcherrima fontis  
 Vicini Dea Callirhoë. Tum, postera primum  
 Exurgens aurora, suos ubi protulit ortus,  
 Monstratum Iouis in sylva sub rupibus altis  
 Antrum ingens petit, & nigrantem tergora primo  
 Vestibulo sistit pecudem, magnæq; trementem  
 Mactat Opi: tibiq;, inquit, ego hanc Ops maxima macto.  
 Tum Noctem, Noctisq; Deas, ignota precatur  
 Numina. iamq; simul Thian, atramq; Cupressum  
 Vrebat, quum vox terræ reuoluta cauernis.  
 Longe audita sacras Nympharum perculit aures:  
 Nympharum, quibus æra solo sunt condita curæ.  
 Extemplo commotæ omnes, ac coepta reponunt,  
 Sulphureos fortè ut latices, & flumina vini  
 Argenti, mox, unde nitens coneresceret aurum,  
 Tractabāt, gelidoq; promentes fonte coquebant.  
 Centum ignis spissi radios, centum ætheris vsti,  
 Bis centum concretorum terræq; marisq;  
 Miscuerant, nostros fugientia semina visus.

At Lipare, Lipare, argenti cui semina & auri  
 Cura data, & sacrum flammis adolere bitumen,  
 Continuo obscuræ latebrosa per ania terræ  
 Ilcea adit, firmansq; animum sic incipit ipsa.

Ilceu (nanque tuum nec nomen, nec mihi labes  
 Ignota est, nec, quid venias) iam corde timorem  
 Exue, nequicquam non te huc charissima mittit  
 Callirhoë: tibi parta salus tellure sub ima est.  
 Tolle animos, & me per opaca silentia terræ  
 Insequere: ipsa adero, & presenti numine ducam.  
 Sic ait, & se antro gradiens præmittit opaco.  
 Ille subit, magnos terræ miratus hiatus,

Squalientesq;



Squallentesq; situ æterno, & sine lumine vastas  
 Speluncas, terramq; meantia flumina subter.  
 Tum Lipare: hoc quodcunque patet, q; maxima terra est:  
 Hunc totum sine luce globum, loca subdita nocti  
 Dij habitant: imas retinet Proserpina sedes,  
 Flumina supremas, quæ sacris concita ab antris  
 In mare per latas abeunt resonantia terras.  
 In medio dites Nymphæ, genera vnde metalli,  
 Aerisq; argentiq;, auriq; nitentis origo:  
 Quarum ego nunc ad te miserans ipsa vna sororum  
 Aduenio, illa ego, quæ venas per montis hiantes,  
 Callirhoæ haud ignota tuæ, fumantia mitto  
 Sulphura. sic ibant terra & caligine tecti.  
 Iamq; exaudiri crepitantes sulphure flammæ,  
 Conclusiq; ignes, stridentiaq; æra caminis.  
 Hæc regio est late, varijs vbi facta metallis,  
 Virgo ait, est tellus: quorum vos tanta cupido  
 Exercet, superas cœli qui cernitis auras.  
 Hæc loca mille Deæ cecis habitamus in antris,  
 Nocte Deæ & Tellure satæ, quis munera mille,  
 Mille artes. studium est alijs deducere riuos,  
 Scintillas alijs rimari, & sparsa per omnem  
 Semina tellurem flammarum, ignisq; corusci.  
 Materiam miscent aliæ, massamq; coërcent  
 Obicibus, multa & gelidarum inspergine aquarum.  
 Non procul eruptis fumantia tecta caminis  
 Aetnæi Cyclopes habent, versantq; coquuntq;  
 Vulcano stridente, atque æra sonantia cudunt.  
 Læua hæc abstrusum per iter via ducit ad illos.  
 Dextera sed sacri fluij te sistet ad vndam.  
 Argento fluitantem vndam, vinoq; metallo,  
 Vnde salus speranda. & iam aurea tecta subibant,  
 Rorantesq; domos spodijs, fuliginēq; atra  
 Speluncas varie obductas, & sulphure glauco.  
 Iamq; lacus late vndantes, liquidoq; fluentes  
 Argento iuxta astabant, ripasq; tenebant.  
 Hic tibi tantorum requies inuenta laborum,  
 Subsequitur Lipare, postquam ter flumine vino

Perfusus, sacra vitium omne reliqueris unda.  
Sic satur, simul argenti ter fonte salubri  
Perfundit, ter virgineis dat flumina palmis  
Membra super, iuuenem toto ter corpore lustrat  
Mirantem exuias turpes, & labe maligna  
Exutos artus, pestemq; sub amne relictam.

Ergo age, quum primum coeli te purior aer  
Accipiet, nitidamq; diem, Solemq; videbis,  
Sacra para, & castam supplex venerare Dianam,  
Indigenasq; Deos, & numina fontis amici.

Sic Virgo, & iuuenem tanto pro munere grates  
Soluentem è nocte ætherias educit in oras,  
Dimittitq; alacrem, atque optata in lumina reddit.

Accepit noua fama fidem, populosq; per omnes  
Prodiit haud fallax medicamen: coeptaq; primum  
Misceri argento fluitanti axungia porcæ.  
Mox etiam Oriciæ simul adiuncta est terebinthi,  
Et laricis resina aeris. sunt, qui vnguen equinum  
Vrsinum ve adhibent, bdellæ, cedriq; liquorem.  
Nonnulli & myrrhæ guttas, & mascula thura  
Adjiciunt, miniumq; rubens, & sulphura viua.  
Haud vero mihi displiceat, componere si quem  
Trita melampodia, atque arentem inuerit irim,  
Galbanaq; & lasser graue olens, oleumq; salubre  
Lentisci, atque oleum haud experti sulphuris ignem.

His igitur totum oblinere, atq; obducere corpus  
Ne obscœnum, ne turpe puta: per talia morbus  
Tollitur, & nihil esse potest obscœnius ipso.  
Parce tamen capiti, & precordia mollia vita.  
Tum super & vittas astringe, & stuppea nocte  
Vellera: dein stratis tegmento imponere multo,  
Dum sudes, fœdaq; fluant per corpora guttæ.  
Hæc tibi bis quinis satis est iterasse diebus.  
Durum erit: at, quicquid tulerit res ipsa, ferendum est.  
Aude animis. tibi certa salus stans limine in ipso  
Signa dabit: liquefacta mali excrementa videbis  
Assidue sputo immundo fluitare per ora,  
Et largum ante pedes tibi mirabere flumen.



Ora tamen fœda erodent vlcuscula: sed tu  
 Lacte foue, & cocto cytini, viridisq; ligustri.  
 Tempore non alio generosi pocula Bacchi  
 Annuerim sumenda tibi, purumq; Falernum,  
 Et Chia, & pateris spumantia Rhetica largis.

Sed iam age vicina victor gratare saluti:  
 Vltima adest tibi cura, eadem & placidissima, corpus  
 Abluere, & lustrare artus, ac membra piare  
 Stœchade, amaracinisq; comis, & rore marino,  
 Verbenaq; sacra, & bene olentibus heracleis.

## LIBER III.



ED iam me nemora alterius felicia mundi,  
 Externique vocant saltus: longe assonat æ-  
 quor  
 Herculeas ultra metas, & littora longe  
 Applaudūt semota. mihi nunc magna Deorū

Munera, & ignoto deneſta ex orbe canenda,  
 Sancta arbos, quæ sola modum, requiemq; dolori,  
 Et finem dedit ærumnis. age diua beatum  
 Vranie venerare nemus, crinesq; reuinctam  
 Fronde noua, inuuet in medica procedere palla  
 Per Latium, & sanctos populis ostendere ramos:  
 Et inuuet haud vnquam noſtrorum ætate parentum  
 Viſa prius, nulliue vnquam memorata referre.

Vnde aliquis forſan nouitatis imagine mira  
 Captus, & heroas, & grandia dicere facta  
 Aſſuetus, canat auſpicijs maioribus auſas  
 Oceani intacti tentare pericula puppes.  
 Nec non & terras varias, & flumina, & vrbes,  
 Et varias memoret gentes, & monſtra reperta:  
 Dimenſasq; plagas, altoq; orientia cœlo  
 Sydera, & inſignem ſtellis maioribus Arcton.  
 Nec taceat noua bella, omnemq; illata per orbem  
 Signa nouum, & poſitas leges, & nomina noſtra.  
 Et canat (auditum quod vix venientia credant  
 Secula) quodcunque Oceani completitur æquor

Ingens,

Ingens, omne, vna obitum mensumq; carina.  
 Fœlix cui tantum dederit Deus. at mihi vires  
 Arboris vnus satis est, vsumq; referre:  
 Et quo inuenta modo fuerit, nostrasq; sub auras  
 Aduena per tantum pelagi peruenierit. æquor.  
 Oceano in magno, ardenti subsydere Cancrī,  
 Sol vbi se nobis media iam nocte recondit,  
 Hac ignota tenus, tractu iacet insula longo:  
 Hispanam gens inuentrix cognomine dixit:  
 Auri terra ferax: sed longe ditior vna  
 Arbore, voce vocant patrij sermonis Hyacum.  
 Ipsa teres, ingensq; ingentem vertice ab alto  
 Diffundit semper viridem, semperq; comantem  
 Arbuteis solum folijs: nux parua, sed acris  
 Dependet ramis, & plurima frondibus hæret.  
 Materia indomita est, duro & penè æmula ferro  
 Robora, quæ resinam sudant incensa tenacem.  
 Dissectæ color haud simplex. in cortice lauri  
 Exteriore viret leuor, pars altera pallet  
 Buxea: at interior nigro suffusca colore est,  
 Iuglandemq; ebumq; inter. quod si inde ruberet,  
 Iam poterat varijs æquare coloribus irim.  
 Hanc gens illa colit, studioq; educere multo  
 Nititur: hac late colles campi; patentes,  
 Hac omnis vestitur ager: nec sanctius illis  
 Est quicquam, aut potiore vsu: quippe omnis in illa  
 Spes iacet hanc contra pestem, quæ cœlitus illic  
 Perpetua est. Validos abiecto cortice ramos  
 Multa vi tundunt, aut in segmenta minuta  
 Elimant, puroq; scobes in fonte reponunt,  
 Dum bibulas noctemq; diemq; emaceret humor.  
 Inde coquunt: nec non illos ea cura fatigat,  
 Vulcano ne fortè furens erumpat aquæ vis,  
 Et superundantem spumam proiectet in ignes.  
 Spuma quippe linunt, si quicquam è corpore toto  
 Abscedit, si quicquam ægros depascitur artus.  
 Dimidia absumpta, superest quodcunque, reponunt,  
 Diuini laticis. quin & segmenta relicta

Rursus,



Rursus, ut ante, coquunt, addentes suauē liquens mel.  
 Scilicet hunc vnum mensis accedere potum  
 Et lex ipsa iubet gentis, mandatq; sacerdos.  
 Seruatum at laticem, & decocti pocula primi  
 Bina die qua; assumunt, quum surgit ab ortu  
 Lucifer, & sero egreditur quum Vesper olympo.  
 Nec prius absistunt potu, quā menstrua cursum  
 Luna suum, & totum peragrans perfecit orbem,  
 Fraternasq; iterum conuenerit amula bigas.  
 Interea cæcis sese penetralibus abdunt,  
 Quō neque vis venti, non halitus aëris ullus  
 Insinuet sese, & gelidis afflatibus obsit.  
 Quid mirandum æquē memorem super omnia victum  
 Quā tenuem, quā magna sibi ieiunia poscant?  
 Quippe solet satis esse, ipsum dum corpus alatur:  
 Dum superet vita, & tantum ne membra fatiscant.  
 Ne tamen ah ne tanta time, sacer ilicet haustus  
 Ille modo ambrosiæ, vires reficitq; fouetq;  
 Inq; occulta gerit ieiunis pabula membris.  
 Nectare ab epoto binas, non amplius, horas  
 Imponunt sese stratis, medicamen ut intro  
 Largè eat, & calido sudorem è corpore ducat.  
 Interea vacuas pestis vanescit in auras:  
 Et (dictu mirum) apparet iam pustula nulla:  
 Iamq; nomæ cessere omnes, iam fortia liquit  
 Membra dolor, primoq; redit cum flore iuuentas:  
 Et iam Luna suum remeans noua circuit orbem.

Quis Deus hos illis populis monstrauerit vsus:  
 Qui demum & nobis casus, aut fata tulere  
 Hos ipsos: vnde & sacræ data copia syluæ,  
 Nunc referam. Missæ quæsitum abscondita Nerei  
 Aequora, in occasum, Solisq; cubilia, pinus  
 Littoribus longe patrijs, Calpeq; relictis  
 Ibant Oceano in magna, pontumq; secabant,  
 Ignaræq; viæ, & longis erroribus actæ.  
 Quas circum innumeræ properantes gurgite ab omni  
 Ignoti noua monstra maris Nereides vdx  
 Adnabant, celsas miratæ currere puppes,

*Salsa super pictis volitantes æquora velis.*

*Nox erat, & puro fulgebat ab æthere Luna,  
Lumina diffundens tremuli per marmora ponti,  
Magnanimus quum tanta heros ad munera fatis  
Delectus, dux errantis per cærule clāssis,  
Luna, ait, ô pelagi cui regna hæc humida parent,  
Quæ bis ab aurata curuasti cornua fronte,  
Curua bis explesti, nobis errantibus ex quo  
Non vlla apparet tellus, da littora tandem  
Aspicere, & dudum speratos tangere portus,  
Noctis honos, cœliq; decus Latonia virgo.  
Audijt orantem Phœbe, delapsaq; ab alto  
Æthere, se in faciem mutat, Nereia quali  
Cymothoë, Clothoq; natant, iuxtaq; carinam  
Astitit, & summo pariter nans æquore fatur:  
Ne nostræ dubitate rates, lux crastina terras  
Ostendet, fidoq; dabit succedere portu.  
Sed vos littoribus primis ne insislite: dudum  
Vltra fata vocant. medio magna insula ponto  
Est Ophyre, huc iter est vobis, hic debita sedes  
Imperijsq; caput. simul hæc effata, carinam  
Impulit: illa leui cita dissecat æquora cursu.  
Aspirant faciles auræ, & iam clarus ab vndis  
Surgebat Titan, humiles quum surgere colles.  
Vmbrosi procul, & propior iam terra videri  
Incipit. acclamant nautæ, terramq; salutant,  
Terram exoptatam. tum portu & littore amicè  
Excepti, djs vota pijs in littore solvunt:  
Quassatasq; rates, defessaq; corpora curant.  
Inde, vbi quarta dies pelago, crepitansq; vocavit  
Vela Notus, remis insurgitur, altaq; rursus  
Corripiunt maria, & læti freta cærule sulcant.  
Inquitur incerto fluitans Anthylla ponto,  
Atque Hagia, atque alta Ammerie, execrataq; tellus  
Cannibalum, & ripa Gyane nemorosa virenti.  
Protinus innumeræ panduntur turribus altis  
Insula Oceano in vasto, quas inter opacis  
Vndantem soluis vnam, cursuq; sonantem*

*Fluminis*



Fluminis aspiciunt, magno qui spumeus alueo  
 In mare fulgentes auro subuectat arenas.  
 Huius in ora placet pronas appellere puppes.  
 Inuitant nemora, & dulces è flumine lymphæ.  
 Iamq; solo viridante alacres, ripaq; potiti  
 In primis terram ignotam, Nymphasq; salutant  
 Indigenas, Geniumq; loci, teq; aurifer amnis,  
 Quisquis in ora maris nitida perlaberis vnda.  
 Tum duram Cererem, & patrij carchesia Bacchi  
 Aggere in herbofo expediunt: dein quærere, si qui  
 Mortales habitent: pars fuluam fluminis vndam  
 Mirari, mixtamq; auro disquirere arenam.  
 Fortè per vmbrosos sylvarum plurima ramos  
 Assiduè volitabat auis, quæ picta nitentes  
 Cæruleo pennas, rostro variata rubenti  
 Ibat nativo secura per auia luco.  
 Has iuuenum manus vt sylvas videre per altas,  
 Continuo caua terrificis horrentia bombis  
 Aera, & flammiferum tormenta imitantia fulmen  
 Corripiunt, Vulcanæ tuum, dum Theutonas armas,  
 Inuentum, dum tela Iouis mortalibus affers.  
 Nec mora, signantes certam sibi quisque volucrem,  
 Inclusam, salicum cineres, sulphurq; nitrumq;  
 Materiam accendunt seruata in veste fauilla.  
 Fomite correpto diffusa repente furit vis  
 Ignea circumsepta, simulq; cita obice rupto  
 Intrusam impellit glandem: volat illa per auras  
 Stridula: & exanimes passim per prata iacebant  
 Deiectæ volucres: magno micat ignibus ær  
 Cum tonitru, quo sylua omnis, ripaq; recurua  
 Et percussa imo sonuerunt æquora fundo.  
 Pars auium nemus in densum conterrita, & altos  
 Se recipit scopulos: quorum de vertice summo  
 Horrendum vna canit (dictu mirabile) & aures  
 Terrificis implet dictis, ac talibus infit.  
 Qui Solis violatis aues, sacrasq; volantes,  
 Hesperij, nunc vos, quæ magnus cantat Apollo,  
 Accipite, & nostro vobis quæ nunciat ore.

Fræcastorij.

QQQ

Vos

Vos quanquam ignari, longum quæsitæ, secundis  
 Tandem parta Ophyræ tetigistis littora ventis.  
 Sed non ante nouas dabitur summittere terras,  
 Et longa populos in libertate quietos,  
 Moliriq; vrbes, ritusq; ac sacra nouare,  
 Quàm vos infandos pelagi terræq; labores  
 Perpepsi, diuersa hominum post prælia, multi  
 Mortua in externa tumuletis corpora terra.  
 Naubus amissis pauci patria arua petetis.  
 Frustra alij socios quæretis magna remensi  
 Aequora: nec nostro deerunt Cyclopes in orbe.  
 Ipsa inter sese vestras discordia puppes  
 In rabiem ferrumq; trahet: nec sera manet vos.  
 Illa dies, fœdi ignoto quum corpora morbo  
 Auxilium sylua miseri poscetis ab ista,  
 Donec pax niteat scelerum. nec plura loquuta  
 Horrendum stridens densis sese abdidit umbris.  
 Ollis ossa rigor subitus percurrit, & omnis  
 Palluit, ac gelida fugit formidine sanguis.  
 Tum vero sacras volucres, dinosq; precati,  
 In primis Solem, & sanctum seruantia lucum  
 Numina supplicibus venerantur agrestia votis:  
 Pacem orant, rursumq; Ophyren, fluiuiumq; salutant.  
 Interea è syluis nigrum genus ora comasq;,  
 Ad naues noua turba virum concurrat inermis,  
 Pectora nudi omnes, euincti frondibus omnes  
 Paciferis: tanta qui celsis mole carinas  
 Mirati, vestesq; virum, fulgentiaq; arma,  
 Vix satis expleri possunt: & ab æthere missi  
 Siue homines, siue heroës sint, siue Deorum  
 Numina, adorantur ritu, precibusq; salutant:  
 Ante alios ipsum regem, cui munera lata,  
 E ripis collectum aurum, & cerealibus dona,  
 Et patrios fructus, & mella liquentia portant.  
 Vestibus ipsi etiam nostris, & munere multo  
 Donati, exceptiq; mero noua gaudia miscent.  
 Non aliter, quàm si mensis, dapibusq; Deorum  
 Mortalis quisquam adscitus, foelixq; futurus



*Hauriat æternum, cœlestia pocula, nect̃ar.*

*Ergo, vbi amicitia securos fœdere vtrinq̃  
Firmauere animos, habita & commercia gentis,  
Ipsi inter sese reges in littore lati  
Complexu iungunt dextras, & fœdera firmant.  
Alter gossipio tenui pectusq̃; femurq̃;  
Præcinctus, viridi limbum pingente smaragdō,  
Ora niger: iaculo armatur cui dextera acutō,  
Squamosi spoliū sustentat læua draconis.  
Alter at intexto lenam circumdatus auro,  
Quam subter rutila arma micant, capiti ærea cassis  
Insidet, & pictæ volitant in vertice cristæ:  
Fulgenti ex auro torques cui candida colla  
Cingunt, atque ensis lateri dependet Iberus.  
Et iam commixti populi, hospitioq̃; recepti,  
Hi tectis domibusq̃;, alii in nauibus illi,  
Læticia ludisq̃; dies per pocula ducunt.*

*Fortè loco lux festa aderat, Soliq̃; parabant  
Vltori facere vmbroso sacra annua luo.  
Hesperiaq̃;, Ophyræq̃; manus conuenerat omnis.  
Hic conualle caua, ripæ viridantis in herba,  
Selectorum ingens numerus, matresq̃; viriq̃;  
Confusi, plebs atque patres, pueriq̃; senesq̃;  
Astabant, animis tristes, & corpora fœdi,  
Squallentes crustis omnes, taboq̃; fluentes:  
Quos circumfusus albenti in veste sacerdos  
Pura lustrat aqua, & ramo frondentis Hyaci.  
Tum niueum ante aras cædit de more iuuenicum,  
Et iuxta positum pastorem sanguine cæsi  
Respergit, pateraq̃; rigat: Soliq̃; potenti  
Ad numeros pæana canit: nec cætera turba  
Non sequitur, mac̃tantq̃; sues, mac̃tantq̃; bidentes,  
Visceribusq̃; veru tostis epulantur in herba.*

*Obstupuit gens Europæ ritusq̃; sacrorum,  
Contagemq̃; alio non vsquam tempore visam.  
At dux multa animo tacitus secum ipse volutans,  
Hic erat ille, inquit, morbus, (Dij auertite casum)  
Ignotum interpres Phoebi quem dira canebat.*

Tum regem indigenam, ( ut sermo fandiꝑ; facultas  
 Iam communis erat ) cui sint solennia Diuūm,  
 Scitatur: quid tanta aſtet conualle ſub alta  
 Languentum miſeranda manus: quid paſtor ad aras  
 Sacra inter, caſi reſperſus ſanguine tauri.  
 Quem contra, Heſperia ô heros fortiſſime pubis,  
 Rex ait, hi gentis ritus, hæc ſacra quotannis  
 Vltori de more Deo celebramus: origo  
 Antiqua eſt, veteresq; patrum ſecere parentes.  
 Quod ſi externorum mores, hominumq; labores  
 Audiuiſſe iuuat, primæua ab origine cauſam  
 Sacrorum, & peſtis miſeræ primordia pandam.  
 Forſitan Atlantis veſtras peruenit ad aures  
 Nomen, & ex illo generis longo ordine ducti.  
 Hac & nos, longa ſerie, de ſtirpe proſecti  
 Dicimur, heu quondam ſœlix & chara Deūm gens,  
 Dum cœlum colere, & ſuperis accepta reſerre  
 Maiores ſueuere boni: ſed, numina poſtquam  
 Contemni cœptum eſt luxu faſtuq; nepotum,  
 Ex illo quæ ſint miſeros, quantaq; ſecutæ  
 Aerumnæ, vix ſando vnquam comprehendere poſſem.  
 Inſula tum priſci regis de nomine dicta  
 Ingenti terræ concuſſa Atlantia motu  
 Corruit, abſorpta oceano: quem mille carinis  
 Sulcauit toties, terræ regina marisq;.  
 Ex illo & pecudes, & grandia quadrupedantum  
 Corpora non vllis vnquam reparata diebus  
 Aeternūm periere: externaq; viſtima ſacris  
 Ceditur, externus noſtras cruor imbuſit aras.  
 Tum quoq; & hæc infanda lues, quam noſtra videtis  
 Corpora depaſci, quam nulli aut deniq; pauci  
 Vitamus, Diuūm offenſis, & Apollinis ira  
 De cœlo demiſſa omnes graſſatur in vrbes.  
 Vnde hæc ſacra nouo primum ſolennia ritu  
 Inſtituere patres, quorum hæc perhibetur origo.  
 Syphilus (ut fama eſt) ipſa hæc ad flumina paſtor  
 Mille boues, nūeas mille hæc per pabula regi  
 Alcit hoo paſcebat oues: & fortè ſub ipſum

Solſtitium,



Solstitium vrebat sitientes Syrius agros:  
 Vrebat nemora: & nullas pastoribus umbras  
 Præbebant sylvæ: nullum dabat aura lenamen.  
 Ille gregem miseratus, & acri concitus æstu,  
 Sublimem in Solem vultus & lumina tollens,  
 Nam quid Sol te, inquit, rerum patremq; Deumq;  
 Dicimus, & sacras vulgus rude ponimus aras,  
 Mactatoq; boue, & pingui veneramur acerra,  
 Si nostri nec cura tibi est, nec regia tangunt  
 Armenta? an potius superos vos arbitrer vri  
 Invidia? mihi mille niuis candore iuventa,  
 Mille mihi pascuntur oves: vix est tibi Taurus  
 Vnus, vix Aries cœlo (si vera feruntur)  
 Vnus, & armenti custos Canis arida tanti.  
 Demens quin potius Regi diuina faceſſo,  
 Cui tot agri, tot sunt populi, cui lata ministrant  
 Aequora, & est superis, ac Sole potentia maior?  
 Ille dabit facilesq; auras, frigusq; virentum  
 Dulce feret nemorum armentis, æſtumq; lenabit.  
 Sic fatus, mora nulla, sacras in montibus aras  
 Instituit regi Alcithoo, & diuina faceſſit.  
 Hoc manus agrestum, hoc pastorum cætera turba  
 Exequitur: dant thura focis incensa, litantq;  
 Sanguine taurorum, & fumantia viscera torrent.  
 Quæ postquam rex, in solio dum fortè sederet  
 Subiectos inter populos, turbamq; frequentem,  
 Agnouit, Diuim exhibito gausus honore  
 Non vllum tellure coli se vindice numen  
 Imperat, esse nihil terra se maius in ipsa:  
 Cœlo habitare Deos, nec eorum hoc esse, quod infra est.  
 Viderat hæc, qui cuncta videt, qui singula lustrat,  
 Sol pater, atque animo secum indignatus, iniquos  
 Intorsit radios, & lumine fulsit acerbo.  
 Aspectu quo Terra parens, correptaq; ponti  
 Aequora, quo tactus viro subcanduit ær.  
 Protinus illumies terris ignota profanis  
 Exoritur. primus, regi qui sanguine fuso  
 Instituit diuina, sacrasq; in montibus aras,

# SYPHILISIVE

Syphilus, ostendit turpes per corpus achores.  
 Insomnes primus noctes, conuulsaq; membra  
 Sensit, & à primo traxit cognomina morbus,  
 Syphilidemq; ab eo labem dixere coloni.  
 Et mala iam vulgò cunctas diffusa per vrbes  
 Pestis erat, regi nec seua pepercerat ipsi.  
 Itur ad Ammericen sylua in Cartheside Nympham,  
 Cultricem nemorum Ammericen, quæ maxima luco  
 Interpretres Diuûm responsa canebat ab alto.  
 Scitantur, quæ causa mali, quæ cura supersit.  
 Illa refert: spreti vos ô, vos numina Solis  
 Exercent: nulli fas est se æquare Deorum  
 Mortalem: date thura Deo, & sua ducite sacra,  
 Et numen placate, iras non proferet vltra.  
 Quam tulit, eterna est, nec iam renocabilis vnquam  
 Pestis erit: quicumque solo nascetur in isto,  
 Sentiet: ille lacus Stygios, fatumq; seuerum  
 Iurauit. sedenim, si iam medicamina certa  
 Expetitis, niueam magnæ maectate iuuentam  
 Iunoni, magnæ nigrantem occidite vaccam  
 Telluri: illa dabit foelicia semina ab alto:  
 Hæc viridem educet foelici è semine syluam:  
 Vnde salus. simul obticuit, specus intus, & omne  
 Excussum nemus, & circum stetit horror vbiq;  
 Illi obeunt mandata: sua ipsi altaria Soli  
 Instituunt: niueam Iuno tibi magna iuuentam,  
 Nigrantem Tellus maectant tibi maxima vaccam.  
 Mira edam. (at diuos iuro, & monumenta parentum)  
 Hæc sacra, quam nemo hæc toto vos cernitis, arbor,  
 Ante solo nunquam fuerat quæ cognita in isto,  
 Protinus è terra virides emittere frondes  
 Incipit, & magna campis pubescere sylua.  
 Annua confestim Soli facienda sacerdos  
 Vltori noua sacra canit. deducitur ipse  
 Sorte data, qui pro cunctis cadat vnus ad aram,  
 Syphilus: & iam farre sacro, vittisq; paratis  
 Purpureo stabat tincturus sanguine cultros:  
 Tutatrix vetuit Iuno, & iam mitis Apollo,



Qui meliorem animam miseri pro morte iuuenicum  
 Supposuere, feroq; solum lauere cruore.  
 Ergo eius facti æternum vt monumenta manerent,  
 Hunc morem antiqui primum statuere quot annis  
 Sacrorum, ille tuum testatur Syphile crimen,  
 Victimæ vana, sacras deductus pastor ad aras.  
 Illa omnis, quam cernis, inops miserandaq; turba  
 Tacta Deo est, veterumq; luit commissæ parentum.  
 Cui votis precibusq; p̃js numerisq; sacerdos  
 Conciliat vates Diuos, & Apollinis iras.  
 Lustrati ingentes ramos, & robora sanctæ  
 Arboris aduectant tectis: libamine cuius  
 Vi mira infandæ labis contagia pellunt.

Talibus, atque alijs tempus per multa trahebant  
 Diuersis populi commixti è partibus orbis.  
 Interea, Europæ fuerant quæ ad chara remissæ  
 Littora, iam rursus puppes freta lata remensæ  
 Mira ferunt: latè (proh fata occulta Deorum)  
 Contagem Europæ cœlo crebrescere eandem,  
 Attonitasq; vrbes nullis agitare medelis.  
 Quinetiam grauior naues it rumor in omnes,  
 Illo eodem classem morbo, iuuenumq; teneri  
 Haud numerum exiguum, & totis tabescere membris.  
 Ergo haud immemores, diras cecinisse volucres  
 Affore, quum solua auxilium poscatur ab illa,  
 Continuo faciles Nymphas, Solemq; precati,  
 Intacti nemoris ramos, & robora ab alto  
 Conuectare parant luco, medicataq; sumunt  
 Pocula, pro ritu gentis: quo munere tandem  
 Contagem pepulere feram. quin dona Deorum,  
 Haud patriæ obliti, & foelicem ad littora syluam  
 Nostra iubent ferri, cœlo si forsitan isto  
 Assimilem pellant labem: nec fata sequundos  
 Ipsa negant Zephyros, facilisq; aspirat Apollo.  
 Munera vos Diuûm primi accepistis Iberi,  
 Præsens mirati auxilium: nunc cognita Gallis,  
 Germanisq; Scythisq;, orbe & gaussa Latino  
 Iam nunc Europam vecta est Huiacus in omnem.

Salve magna Deûm manibus sata semine sacro,  
 Pulcra comis, spectata nouis virtutibus arbos:  
 Spes hominum, externi decus, & noua gloria mundi:  
 Fortunata nimis, natam si numina tantum  
 Orbe sub hoc, homines inter gentemq; Deorum  
 Perpetua sacram voluissent crescere sylua.  
 Ipsa tamen, si qua nostro te carmiue Musæ  
 Ferre per ora virûm poterunt, hac tu quoq; parte  
 Nosceris, cœloq; etiam cantabere nostro.  
 Si non te Bactra, & tellus extrema sub Arcto,  
 Non Meroë, Libycisq; Ammon combustus arenis,  
 At Latium, at viridis Benaci ad flumina ripa  
 Audiet, & molles Athesi labente recessus.  
 Et sat erit, si te Tiberini ad fluminis vndam  
 Interdum leget, & referet tua nomina B E M B V S.



## HIERONYMI FRACASTORII

## IOSEPH LIBRI II.

AD ALEXANDRVM FARNESIVM  
CARDINALEM AMPLISS.

## LIBER PRIMVS.



VAE veterum Heroum diuæ facta inclyta Muse,  
Et monumenta æui longis obscura tenebris  
Illustrare nouis numeris, & carmine sacro  
Ferre per ætates omnes, perq; ora nepotum  
Gaudetis, famamq; uirum proferre sub auras,  
Nunc, ò, nunc populi illius, quem maximus vnnum  
Delegit Deus, & generis longo ordine ducti

Principe ab Abramo, veteres euoluite fastos:  
Et iuuenem cantate pium, quem magnus Iacob  
Isacides genuit: dederat cui nosse futura  
Per somnos monstrata Deus. vos dicite, quanta  
Ille tulit, pharys tandem dum victor in oris  
Imperium gereret magnum, populumq; beatum  
Conderet, vnde salus hominum, spes vnde futura.  
Vitæ erat, & clausi reſerandum limen Olympi.

Nec minus, Italia iuuenis decus (omnia quando,  
Quæ canimus, tua FARNESI sunt maxima iussa)  
Ipse ades: & plenum scopulis dum currimus æquor,  
Da faciles in vela auras, da numine dextro  
(Nanque Deus mihi semper eris) tua grandia vota  
Posse sequi, pelagiq; omnes superare labores.  
En primis sulcantem vndas me littora Iopes,  
Me iuga Samariæ, nemorosaq; pascua Sichen,  
Iordanisq; vocat: curuus en vallibus Hebron  
Applaudit, cœloq; simul tua nomina tollit,  
Responſatq; Tabor voces, & sydera pulsat.

Nouerat infernus Pluton, cui multa futuri est  
Scire datum, in fatis Abrami è sanguine sacram  
Progeniem terris promitti, Tartara per quam

Fracastorij.

R R R Euertenda

Euertenda forent metuenti Italia Pastor  
 Rexq; idem Sichenus erat suspectus Iacob,  
 Inuisusq; nimis: tum quod nec sanctius alter  
 Iustitiam legemq; Dei seruaret, & aris  
 Thura daret. . . . . tum quod bisseña prole beatus  
 Natorum, populum in sanctum concrefcere solus  
 Posse videbatur. quare hanc intentus in vnam  
 Progeniem, dabat operam, quod perdere posset:  
 Præsertim egregium puerum, cui sidera fausta  
 Nascenti, & latè foelix arriſerat æther.  
 Qui patre longæuo Rachele è coniuge chara  
 Natus, erat patri ante alios dilectus Ioseph.  
 Hunc forma insignem Charites studia inter alebant  
 Ingenua, & mores, & auitæ legis amorem.  
 Cui mens alta inerat quædam diuina futuri,  
 Atq; animus semper summi admirator Olympi,  
 Et pia relligio, & puero prudentia maior.

Ex his inuidiam Dæmon tacitumq; ferebat  
 Fratribus in reliquis odium, & mortale venenum.  
 Nec tantis non ipsa malis Fortuna fouendis  
 Affuit, augendisq; odijs. nam forte, per æstum  
 Cum fraterna cohors pecudes ad pabula nota  
 Lanigeras vnâ syluas duxisset in altas,  
 Illiceaq; vmbra residerent, primus Ioseph  
 In fratres conuersus ait. mea somnia fratres  
 Audite, illa quidem mira, & nisi me mea fallunt  
 Auguria, haud vani speciem referentia somni.  
 Nanq; sub auroram cum sese sidera condunt  
 Casura iam nocte, & solus nunciat ortum  
 Lucifer, ipse meas spicas offerre videbar  
 Sacras ante aras, pariter vos ponere vestras.  
 Sed nostri cælum fascēs se tollere in altum,  
 Et rutilam insignes latè diffundere lucem,  
 Vestri autem obscuro, atque humiles summittere sese,  
 Vtpote adorantes nostros. Cui grandior annis,  
 Atque odio in puerum non paruo accensus Iudas,  
 Vane puer, quid mira vocas tua somnia? nunquid  
 Forte, inquit, Deus illa aliquis tibi mittit ab alto?  
 Credo equidem, nam vina Deum dicuntur habere.

Augurium



*Augurium quodnam somno tibi fingis ab isto?  
An forsā Rex noster eris? tibi pone coronam  
E Lauro, noceant regi ne Vina futuro.*

*Talia dicenti fratrum quoque cætera turba  
Adclamant, regemq; nouum dominumq; saluant,  
Et puero illudunt, tum patri hæc somnia narrant.*

*At senior, cui non aberat Deus, omnia mente  
Euoluit tacita, atque in nato grande futurum  
Nescio quid, spectans, alijs tamen omnia visu  
Dissimulat, puerumq; monet nos ludere somnos.*

*Ille autem, cui fata Deus maiora parabat,  
Post paulo in somnis aliud quid pondere maius  
Conspexit. nam se sublimi in sede locatum,  
Sub pedibus Solem ac Lunam stellasq; minores  
Vndique adorantes diuinis reddere honores.  
Quorum ille interpres, talem nam numina mentem  
Indiderant, rursus fraternas omnia ad aures  
Detulit: illi autem non celauere parenti  
Somnia, non offensum animum, non pectora amara.*

*Obstupuit primum genitor, puerumq; vocatum  
His, velut interpres somni, duro increpat ore.  
Tē ne igitur pater ac mater, fratresq;, ait, & plebs  
Omnis adorabit? tu sede locabere in alta,  
Nos infra viles humilesq; precabimur? ah te  
Si malus hic error tenet, & spes impia nutrit,  
Pone animum hunc, leuibusq; istis & inanibus vmbribus  
Tolle fidem, & te his fallacibus eripe monstris:*

*Quæ Diſ, si mala sunt & iniqua, immittere nobis  
Non sœuere boni, at potius mala numina, manes  
Inferni exitium in nostrum ludibria fingunt.*

*Sic falsa ex adytis referunt oracula, sic &  
Auguria ex aubus, dissectis omina ab exitis.*

*An tibi non Belus, non est tibi notus Anubis,  
Atq; Ops, atque Hecate, non cætera turba Deorum,  
Quos miseræ gentes aris, templisq; dicatis  
Per responsa colunt, lex autem nostra prophanat?  
Vade age, & hæc nobis posthac ne somnia perfer.*

*Sic ait, & natos alios per dulcia mulcens  
Dicta pater iubet in Sichen, saltusq; virentes*

Ducere molle pecus, puerum consistere Ioseph  
 Se penes. expediunt iuuenes mandata paterna,  
 Foelicesq; Hebron valles, & amœna vireta  
 Inuisunt: sed non virides in vallibus herbæ,  
 Non umbræ nemorum, placidæue è collibus auræ,  
 Non volucrum cantus inimica insomnia possunt  
 Ex animis delere: eadem per singula versant  
 Exacuuntq; odia, atque iræ laxantur habenæ,  
 Iniunguntq; minas: diræ serpentibus atris  
 Eumenides instant. atque hæc per talia iam Sol  
 Condiderat geminos ortus, cum luce sequente  
 Castra mouere parant, Dothainq; in pascua læta  
 Ducere oues, quo plus patrijs ab ouilibus absint,  
 Producantq; magis reditum, quæ inuisa gerebant.

Ergo aliam atque aliam solito plus forte morati  
 Cum traherent cum nocte diem, miratus abesse  
 Hos tantum genitor confestim accersit Ioseph:  
 Iq; ait, ò, mihi chare puer, fratresq; require  
 In Sichen, patriq; refer, quæ causa morandi,  
 Nam timeo, nequid male faustum euenerit illis,  
 Aut pecori. Ille viam, nulla est mora, corripit, & iam  
 Aduolat in Sichen: sed fratribus & grege nusquam  
 Compertis, quid agat, dubius huc spectat & illuc,  
 Omnia collustrans oculis: modo nomine fratres  
 Magna voce vocat, tantum nemora alta vocanti  
 Respondent, vallesq; cauæ. Forte ilicis altæ  
 Frondator ramorum aderat, qui, vt vidit anhelum  
 Ancipitemq; sui puerum, noto obuius illi,  
 Quid quæris puer? inquit: oues si forte paternas,  
 Si fratres, ne quære istis in vallibus illos,  
 Quandoquidem audiui dicentes, saltibus ex his  
 In Dothain cedamus: ibi fratresq; pecusq;  
 Inuenies: dein monstrat iter, qua tramite recto  
 Ocyus inueniat lætissima pabula, nanque  
 Plurima pars exusta aret, nec gramina nutrit.  
 Ille datum festinat iter, iamq; vltima Sichen  
 Emensus, Dothain lætus propiora tenebat.  
 Cum specula longe venientem vidit ab alta  
 Plena odij fraterna cohors, ac protinus, en Rex

Noster



Noſter, ait, quem Sol, quem Luna & ſydera adorant.  
 Noſ famuli viles ad paſtalia nati,  
 Per deſerta die rabido ſub ſole vagamur:  
 Nocte in ſpeluncis, patulâ ne ſub arbore ſomnos  
 Captamus, teſti rude lana & pellibus hirtis,  
 Deſpecti, & vili polenta & flumine paſti.  
 Ille partis menſa virgata in veſte recumbens  
 Lactibus hædorum, & lumbo pingueſcit ouili,  
 Repleturq; mero: tum ſtertens impia nobis  
 Somniat. hunc ne igitur fratres, atque iſta feremus  
 Opprobria? an ne adeo cæci expectabimus, vt iam  
 Grandior, atque animis fidens & patris amore  
 Nos præmat, & ditionem omnem & benedicta paterna  
 Surripiat, ſic vera nimis ſua ſomnia reddens?  
 Heu fratrum ignaræ mentes, & pectora cæca.  
 Cur potius, dum teſtis abeſt, dumq; omnia nobis  
 Dant animos, non hunc capimus? cur protinus iſtis  
 Conſoſſum gladijs, puteo non condimus illo,  
 Qui prope contegitur dumis & ſentibus atris?  
 Dicemusq; fame rabidis uirſone lupone,  
 Qui multi deſerta habitant hæc, dente peremptum.

Talia iactabant inter ſe ſe effera fratres  
 Conſilia. at, cunctis aderat qui maior & annis,  
 Et maior pietate Ruben, Dij talia nobis  
 Auertant (ait) ah veſtras ne ſanguine fratres  
 Fraterno maculate manus, ne ue ira Deorum  
 Hoc velit, ut ſcelus ob tantum nos, & domus, & grex  
 Vnâ omnes pereamus. abeſt ſi teſtis, at ipſe  
 Eſt teſtis Deus, ipſe Deus, quem nulla latere  
 Facta queunt, quiq; hic & nos nunc ſpectat, & audit.  
 Si tamen eſt animus vobis ſecludere prorsus  
 Hunc puerum, ſine cæde eius, ſine ſanguine in illum  
 Trudite vicinum puteum, & dimittite fatiſ.  
 Hæc vero ſuadebat, vt iam cæde remota  
 Mox ipſe ad puteum ſera iam nocte rediret,  
 Extraheretq; illum, & miſero ſua pignora patri  
 Redderet, ac fratrum tandem componeret iras.  
 Verba omnes mouere, placet ſine cæde prehenſum  
 Projicere in puteum, & miſerum dimittere ſorti.

Tunc

*Tum Ruben, à vobis fuerint quæcunque peracta,  
 Horum me in fontem videat Deus. ac procul inde  
 Discessit, syluisq; latens se condidit altis  
 Visurus rerum euentum. Et iam letus Ioseph  
 Festinans aderat: contra fratrum impia turba  
 Circumsusa ruit minitans, manibusq; reuinctis  
 Nunc (inquit) tua vana tibi quid somnia prosint,  
 Aspicias: nunquid regi parebimus omnes?  
 Ille pauens, Stupidusq; rei nouitate precari,  
 Talia ne in fonti facerent, superosq; vocare  
 Nequicquam: quando impatiens magis Et magis irget  
 Crescens corde furor, facibus furialis Erinnyes  
 Instat atrox, demonq; malus, qui obsistere fatis  
 Posse putans, cunctorum aciem vertebat in vnum.  
 At puer, vt nullis precibus, nullisue moueri  
 Fratrum corda videt lachrymis, sed iam impete multo  
 Compelli in foueam, quod restat, lumina tollens  
 In coelum, tale fundebat ad æthera questus.  
 Dii Abrahæ, Dii magni Isac, Dii patris Iacob  
 Vos ego si sancte colui, si iussa paterna  
 Semper obi, semperq; pie Et sine crimine vixi,  
 Aspiciate: Et, si fata mihi nunc vltima pendent,  
 Vt moriar, miserum saltem seruate parentem.  
 At vos ò tenere fratres quos semper amari,  
 Maioresq; habui, curate, hæc tristitia ad aures  
 Ne patris adueniant, sed me rapuisse latrones  
 Dicite, quo saltem spe se soletur inani  
 Viuentis nati, stygias nec tendat ad vmbbras  
 Ante diem: deserta ipse intumulatus arena  
 Emoriar. Lachrymæ dicenti talia fusæ  
 Ex oculis cecidere, simul voxq; ipsa repressa est.  
 Et iam etiam fratrum sedari peccatus Et ira  
 Coeperat, Isachar cum, ne desistite fratres,  
 Dixit, ab incepto, quin vinctum Et fune ligatum  
 In foueam mittamus: ibi suspensus in imo  
 Sistatur fundo, donec meliora parent Dii  
 Consilia, atque cibum interea capiamus in herba,  
 Quandoquidem iam Sol inuitat, Et altior hora.  
 Assensere omni dictis, puerumq; reuinctum*



*Ad puteum flentem ducunt : hic fune ligata  
Arboris ad truncum pendens desuper altæ  
Demittunt pavitantem intro, fundoq; relinquunt  
Suspendunt. at ipsi circum per gramina fusi  
Implentur vili cerere, & cariotide pingui.*

*At Deus, ætherio terras qui spectat ab axe,  
Insontem aspiciens, illo & miseratus amore,  
Quo mare, quo terras, quo cælum condidit altum,  
Unum ex aligeris, qui circum mille, ministris,  
Expectant mandata, vocat : fidiſſime, & inquit,  
Vade age, Samariamq; tibi notiſſima dudum  
Arua pete, & quem ſcis fatis ad magna vocari  
Iſacide puerum, qui cæco poſcit ab antro  
Auxilium, & fraterna odia & facta impia plorat,  
Hunc inopem ſolare : nec eſt mandare neceſſe,  
Quæ reſeras, cui nota mea eſt & aperta voluntas.  
Sic ait, & nutu placido, quo ſydera curſu  
Perpetuo ducit, iuuenem dimittit. at ille  
Ætherias humeris accingit tenuibus alas,  
Queis cælum illaſum penetrat, queis nubila tranat,  
Præuertitq; fuga Zephyros. iamq; æthera ſcindens,  
Ærios tractus, & inania lata ſecabat.  
Qualis, ubi in liquidis ſtagnis, aut ardea longe eſt,  
Aut albus conſpectus olor, ſacer accipitrum rex  
Poſt varios gyros ſublimis ab æthere lapſus  
Immotis ſecat alta ruens oculo ocyus aliſ.  
Impete non alio volucer cœleſtis adibat  
Samariæ terras : primus quem vertice ſummo  
Excepit Tabor, inſuetum frondeſcere ſyluas  
Miratus, Terramq; noua veſtirier herba,  
Et varios præter ſolitum ſummittere flores.  
Excepere illum prognatæ monte Napeæ,  
Et diuina Deo cecinerunt : omnia rupes  
Reſponſant, ipſa antra Deum, ſyluæq; ſalutant.  
At ſacer interpres Diuorum, vt vertice ab alto  
Lumina deflexit terris, ac gramine fuſos  
Veſcentesq; videt fratres, aſt inde camellos  
Mercatorum Arabum ſpectat, Iouis omnia facta  
Imperio, hinc animum ad miſerum conuertit Ioseph,  
Descenditq;*

Descenditq; celer : puteiq; in margine summo  
 Vt stetit , extemplo noua lux effulsit in antro ,  
 Miratum & subitus puerum circumstetit horror .  
 Quem pius interpret placida sub imagine , & ipso  
 Ore puer puerum dictis solatur amicis .  
 Pone metum Dijs chare , patrum Deus ille tuorum ,  
 Qui cœlum regit , huc alto me ex æthere mittit ,  
 Qui referam mandata tuos solantia luctus .  
 Hinc primum mittere foras , sed venditus auro  
 Nomine mancipij : tum Nili in regna fereris ,  
 Atque iterum vendere illic , multosq; per annos  
 Seruus eris . tunc ne vetita atque iniusta libido  
 Te alliciat , neu Dijs alieni , & falsa , caueto ,  
 Numina decipiant . vestrum si semper habebis  
 Corde Deum , ipse aderit semper tibi , te bona semper ,  
 Quicquid ages , quocunque ieris , fortuna sequetur .  
 Quin , magis vt fidas animis , tibi magna parantur  
 Imperia : & tempus veniet , cum vera videbis  
 Somnia visa tibi , cum te fratresq; paterq;  
 Supplice adorabunt fletu : misereberis illis ,  
 Neue perire famem miseros patieris iniqua .  
 Quin ipsos , natosq; illorum , ipsosq; nepotes  
 In partem imperij , atque in tua regna vocabis :  
 Ingens vt tandem populus concrescat , arena  
 Instar : quem Deus Aegypti de parte superba  
 Deducet tandem , & pedibus super æquora siccis  
 Pertransisse dabit , mox hæc in regna reducet ,  
 Lactis nouo quæ regna fluent , & melle perenni .  
 Mox ( anni properate ) diem foelicia secla  
 Aspicient , secla illa diem , quam tanta futuram  
 Vatum oracla canunt , cum demittatur ab alto  
 Magna Dei soboles , vestro de sanguine creta ,  
 Quæ scelus antiquum tollat , quæ limina cœli  
 Clausa diu , magniq; fores præpandat Olympi .  
 Nec plura effatus cœlum se tollit in altum .

At iuuenis , quanquam stupefactus numine tanto ,  
 Restitit , & rerum confusus imagine multa ,  
 Latatur tamen , atque animum per singula versat ,  
 Speq; futurorum præsentem corde dolorem

Discutit,



Discutit, atque oculos in coelum & sidera tollens  
 Sic fatur. Rex terrarum, Rex ætheris alti  
 Omnipotens, patrum Deus & tutela meorum  
 Respice nos, & nostra tuo sub numine si spes  
 Est omnis, super his primum misere parentis.  
 De me autem quicquid statuet tua recta voluntas,  
 Seu letum, seu triste pares, nihil ipse recuso.  
 Vnum oro, si parca mihi vidisse negabit  
 His oculis fœlicem illam, semperq; beatam,  
 Optatamq; diem, qua tandem ex æthere summo  
 Descendet tua progenies, da cernere saltem  
 In speculo, atque umbram mostra mihi, speq; fideq;  
 Noscere da, puroq; eius de fonte lauari.  
 Dixit, & ex imo traxit suspiria corde.

Interea è Madian, statimq; ferentes  
 Cinnamamq; & liquidam styracemq;, & pingua thura  
 Transibant Arabes, quæ stabant gramine leto  
 Vescentes iuvenes simul & diuersa loquentes.  
 Qui ut primum videre viros, Deus (inquit Iudas)  
 O fratres meliora parat, quam nostra ferebant  
 Consilia: his etenim si mercatoribus ipsum  
 Vendamus puerum, cum lucro auroq; piati  
 Fraterna à morte immunes reddemur, & ad nos  
 Posthac nec fama adueniet, nec nomen Ioseph,  
 Siue Arabes isti Aegyptum, seu barbara regna,  
 Marmaricam, Libyam ne petant. ergo vnus ad illos  
 Mittatur, qui mancipij sub nomine, merce  
 Proposita pretium statuatur, responsa reportet.  
 Dicta placent, qui pacta ineat, iam mittitur. ipsi  
 Interea speluncam adeunt, funemq; ligatum  
 Arboris ad truncum soluunt, & in æthera sursum  
 Suspensum educunt puerum: qui talis in auras,  
 Qualis mane rosa, aut riguo Narcissus in horto,  
 Prodiit, & formæ seruato vera decore  
 Signa dedit, certumq; Dei præsentis amorem.  
 Iamq; aderat mercator Arabs, & nuncius vni  
 Vile satis pacti precium. proh Iuppiter, ille,  
 Quem tanta in fatis promissa, & tanta manebant  
 Imperia, argenti is deno venditur asse,  
 Mancipium infelix. iam curuo terga camello  
 Fracastorij. SSS Excipitur,

Excipitur, Nili ignotus iam fertur in oras.

At quadrupes, ceu diuino sub pondere, vector  
Insolitos dedit hinnitus, & signa recentis  
Latitiæ: iamq; & grato facilisq; , leuisq;  
Sessori tergum, sellamq; accommodat aptam,  
Agglomeransq; pedes, retro socia agmina linquit.

At fratres puer, ut cessit, mala nuncia patri  
Quis ferat, & quo infanda tegant facta impia pacto,  
Ambigui, tandem statuunt præmittere vestem  
A puero ereptam, caprino sanguine tinctam  
Qui ferat, inuentamq; inter nemora auia dicat:  
Danq; placet commissa dari. qui instructus abunde  
Omnia, longæuum non hæc miseranda parentem  
Expectantem adit, & monstrato sanguine & ipsa.  
Veste, ait, hanc nostræ nemora inter deuia primæ  
Inuenere canes: cuius sit vestis, & vnde  
Hic cruor, ignari, patrem primum esse monendum  
Duximus, ut te (siquid agendum est) consule agatur.

At pater, ut notam, maculisq; & sanguine vestem  
Conspersam vidit, quis te charissime Ioseph,  
Quis Diuûm, ut tecum morerer, spes vna se: Te  
Nate meæ, quis casus, ait, tam durus ademit?  
Heu mala te solus fera sustulit. ite per alta  
Vos nemora, & , siquid misero de corpore restat,  
Omne afferte mihi, saltem ut supremi sepulchri  
Dona feram. vel & ipse, feris laniatus, in altas  
Proripiar sylvas: dabitur natoq; patriq;  
Mors eadem. hæc dicens, fœdatus puluere canos  
Vellebat, lacerosq; sinu excindebat amictus.  
Et famuli tandem collapsum in tecta reportant.

Parte alia Ruben, ut serum se vesper in orbem  
Intulit, ad caulas pecudes pecudumq; magistri  
Cum redeunt, saltusq; vacant pastoribus omnes,  
Desertum ad puteum solus redit, atq; ibi Ioseph  
Terq; quaterq; vocat. non respondente vocanti  
Vllo, sollicitus, puerum ne forte necassent,  
Rem spectare parat, casaq; ex ilice conto  
Scalam aptat, solersq; imum se mittit in antrum,  
Omnia collustrans. verum, postquam omnia dudum  
Rinat us puerum quæsitum haud repperit vsquam,

Ambiguus



*Ambiguus tandem reliquos perquirere fratres  
 Destinat : ac pecoris vestigia nota secutus  
 Per noctem , demum inuentos , de fratre quid actum est ,  
 Inter multa rogat . rem totam e ordine pandunt .  
 At Ruben , ut puerum audiuit iuperesse , nec ullis  
 Affectum damnis , hinc fratres , inquit , eamus  
 Ad miserum genitorem , & spe viuentis & auras  
 Spirantis gnati saltem ( quod nunc datur vnum )  
 Solemur , rapuisse Arabes de more , relicta  
 Veste , leui pueri fugientis vulnere tincta :  
 Pastores ita ferre . aliquemq ; adducere testem  
 Expediet , neq ; enim deerunt , qui dicere possint  
 Se vidisse Arabes : his ergo rite paratis  
 Patrem adeunt , & , quæ possunt , solatia iungunt .  
 Ille autem , quamvis sua spe forte leuatur ,  
 Non tamen æternas lachrymas planctusq ; perennes  
 Comprimere , aut tristi meditari gaudia mente  
 Vlla potest , sed vitam ægram noctesq ; diesq ;  
 In tenebris , hominum fugiens consortia , ducit .  
 Interea puerum letus deportat Ioseph  
 Mercator , plenè miratus cedere votis  
 Omnia . non illis terræ exarsere diebus ,  
 Non ventis agitata vlla tolluntur arenæ  
 Ex solito : puerum charites comitantur euntem ,  
 Et cœli fauor , & faustis spes dextera pennis .  
 Iamq ; perennis Iudææ finibus , altæ  
 Incipiunt turres & moenia Osyridis vrbis  
 Apparere procul , campis vbi fusa inuentus  
 Munera militiæ exercent : hi vincere cursu  
 Contendunt pedibus , hi fuluo in puluere sudant  
 Luctantes , alij duro sub pondere cestus .  
 Pars volucres exercet equos , cursuq ; fatigat ,  
 Aut inferre hosti versas post terga sagittas  
 Discit equo currente , aut hastam tollere campo .  
 Ergo Arabes postquam accessere , & pulcher Ioseph ,  
 Mirati pugnas , placidi & præludia martis  
 Consistunt , oculisq ; intenti & pectore toto  
 Vix satis expleri possunt . quos forte magister  
 Militiæ , Eunuchus regis , cui summa potestas  
 Et duri data erant Manortia munera belli ,*

Ut vidit, confestim ad sese accedere iussos  
 Compellat. geritis ne vllas, quas vendere, merces,  
 Optetis? quædam, dixere, & aromata, & istum  
 Gestamus puerum, domino qui si placet, vltro  
 Munus habe: aut emptum si maioris, pro indole tanta  
 Da quoduis: pretium est magnum tua gratia nobis.  
 Ille autem, haud vnquam ingratum mercator habebis  
 Fetifarum: accipiam puerum, at tu munere largo,  
 Spemq; tua maiore, mihi donabere multo.  
 His dictis recipit puerum, quem veste decora  
 Induit, & sagulum donat, quo purpura limbo  
 Fulua nitet, tum donat equum: latissimus ille  
 Altior it iuuenes inter pulcherrimus omnes.  
 Quem custode dato lætus præmittit ad urbem  
 Fetifer, & charæ vxori commendat habendum.  
 Interea seras inuexerat Hesperus horas,  
 Et iuuenum campis cedens manus omnis apertis  
 Ibat ouans comitata ducem, ac iam pulcher Ioseph  
 Ut dominam inuisit, thalami & cognouit herilis  
 Officia, ipse humilis seruorum se agmine miscens  
 Obuius it domino. media se qualis arena  
 Monstrat gemma nitens, radijs ue micantibus aurum,  
 Talis & ipse puer multis in millibus ibat.  
 Quem matres, populusq; omnis mirantur, vt ipso  
 Incessu, grauis ore, pedes non dimouet vsquam  
 Aduce, non oculos, sed semper totus in illo est.  
 Nec minus, intra ædes vt ventum, epuleq; paratæ,  
 Vlli ipse officio deest, seu corpore opus sit,  
 Seu celeri ingenio. sed enim super omnia mira est  
 Grataq; sedulitas, apta & prudentia cana.  
 Quo factum est paruo post tempore, Fetifer illum  
 Non thalamo vt tantum ipse suo præfecerit vnum,  
 Sed domui, & rerum summam commiserit omnem.  
 Scilicet auspicijs & Dijs cuncta ire secundis  
 Fetifero sunt visa, agri producere fruges  
 Vberius, sobolem armentum, sibi crescere honores.  
 Omnia quæ, ostento quodam permotus, Ioseph  
 Attribuit puero, uatumq; oracula suadent.  
 Arbor erat Persæa, Deo sacrata Camesi,  
 Aedibus in medijs, quam vectam è Perside fertur



Orbe pererrato monumentum insigne futurum  
 Ipsa suis manibus plantasse nepotibus Isis.  
 Hanc apis externis veniens insedit ab oris,  
 In signis fulgore & versicoloribus alis  
 Pulcher apis: quem mox examen grande secutum  
 Pendentem ramo longum traxere racemum.  
 Protinus ostentum ad vates defertur. at ipsi  
 Venturum externis aliquem portendere ab oris  
 Declarant, ingens populus quem deinde sequatur,  
 Ipsum qui fortunæ opibus super æthera tollat  
 Fetiferum, largosq; simul promittat honores.  
 Ergo his augurijs tantis censetur Ioseph  
 Monstrari, hinc maiore illum dignatur honore  
 Fetifer, hinc omnes adamant: sed maxime Iemphar  
 Pulchra ducis coniux præ cunctis diligit unum,  
 Nescia adhuc, quanto iam sit deuota furrori,  
 Quis Deus insideat miseram. suspiria nondum  
 Emittit, nondum lachrymas, sunt omnia lata  
 Dulciaq; & nondum quicquam per sentit amari.  
 Quæ Deus, infernas sedes, cocytia regna,  
 Qui regit, humani generis turbator & osor  
 Vt vidit Pluton, semenq; accrescere felix  
 Isacidum, inuisam sobolem, vocat ocyus unum  
 Seruorum, quibus insidiæ fraudesq; doliq;  
 Sunt animo, queis mille artesq; viæq; nocendi.  
 Iq;, ait, & pulchram circum insinuat as Iemphar  
 Falle dolo, & primas escas, quas sensit amoris,  
 Tu flabris accende, imis illum osibus ignem,  
 Illam immitte facem, quam nec vis vlla Deorum,  
 Non hominum extinguat: mox ipsum accendere Ioseph  
 Si possis, omni arde stude. quod vincere siqua  
 Non dabitur, tu perge tamen, pete rursus Iemphar,  
 Acrius vire, furorem adde, inspira q; venenum.  
 Queis monstris agitata domum permisceat omnem,  
 Inq; odium, furiasq; omnem conuertat amorem.  
 I celer, & nihil ipse doli scelerisq; relinque.  
 Ille hilaris, promptusq; malis sumptam è styge lympham  
 Miscet acidalio latici, tum ex arguibus unum  
 Tisiphones capit, atque sinu mala semina condit.  
 Fetisari dein tecta petens, nutricis Iemphar

Induit Iphicles formam, dominamq; salutans  
 Audi (ait) ò mihi chara, miser quis casus Ioseph  
 Torquet ad extremum vitæ: vidi i<sup>u</sup> gementem  
 Nuper, & optantem supremam erã vitæ.  
 Quærenti mihi, quæ tanti sit causa doloris,  
 O mater, ne quæ. (inquit) nam, siue tacebo,  
 Siue edam, omnino moriar: præstatq; tacendo  
 Et vi<sup>u</sup>im, & nostri causam finire doloris.  
 Cui e<sup>u</sup>. non sic ò fili, nam vulnera sæpe  
 Auxilium patefacta & opem inuenere salubrem.  
 Dic audacter, amasne? hæc si tibi causa doloris,  
 Spera, & fide puer, nanque ipsum vel tibi amorem  
 Eripiam magicis, vel tu potiere cupito.  
 Erubuit: tum dixit, amo. Dij sunt mihi testes,  
 Hunc quantum eluctans cepi, quàm inuitus amorem,  
 Infidum in dominum qui me facit. at mihi sit mors  
 Exoptanda magis, fidum perijsse iuuabit.  
 Sic ait, & fusis lachrymis pulchra ora rigabat.  
 Vt video, puer hic dominam te deperit: at ni  
 Opportune ad sis, nimio moriturus amore est.  
 Cui virgo, ò nutrix quàm dura & tristia portas,  
 Nanque & amo hunc puerum, & vellem succurrere posse:  
 Sed me iura Deum, sed vincla iugalia primum  
 Obsistunt: tum me tanto male sana pe<sup>u</sup>lo  
 Obijciam, & duri haud formidem contingis arma?  
 Et nutrix, ò nata, ipsorum crimina amantum  
 Dij ridere solent. soluendi iura mariti  
 Causa potens & iusta tibi est depellere mortem  
 Apuero, qui nec crimen commiserit vnquam,  
 Ni crimen sit amare nimis, vel amore perire.  
 Audendum est in amore, pericla nec vlla timenda  
 Prudenti, Dij deinde ipsos tutantur amantes,  
 Queis amor, & pietas, est prima & maxima cura.  
 Est mihi aqua, in dubijs rebus quæ assumpta videre  
 Vera facit, dubijq; omnis pars vtra legenda est.  
 Hanc dabo, si hac in re ancipiti stat cernere verum.  
 Ac stygiam demonstrat aquam, medicataq; fonte  
 Pocula acydalio. placet ò charissima nutrix,  
 Virgo (inquit) totumq; manu capit ipsa venenum  
 Intrepida, atque vno craterem exhaurijt haustu.



*His actis puerum Iphicle se vertit ad ipsum,  
Et gressu ad thalamum illius contendit anili:  
Qui laudes superum regi & diuina legebat.  
Vt vero in thalami mentitus limine Dæmon  
Constitit, & puero cœlestem assistere Ioseph  
Custodem vidit minitantem, semq; coruscum  
Vibrantem, extemplo subita formidine captus  
Horruit, & retro gressusq; , animusq; reduxit,  
Aufugitq; celer: nocturnaq; alitis ottus  
Effigiem capit, & tecto se sistit in alto.*

## LIBER II.



*T misera, vt stygios latices desumpsit Iēpsar,  
Solaq; permansit, totis ardere medullis  
Visa sibi est, tota in subitum conuertier ignē:  
Suspiransq; gemēsq; vnum deposcit Ioseph.  
Et modo se imponit stratis, paulumq; morata*

*Assurgit, modo mutat & hunc, modo mutat & illum,  
Fastiditq; locum infelix, nec se capit vsquam.  
Non secus ac solet ille, acris præcordia causus  
Cui torret, vel quem Dypsas sitibunda momordit.  
Tandem ait, heu quidnam est, quod me tam sæuiter vrit?  
Estne amor, an sumpti latices? nempe est amor iste:  
Quo moriar, nisi formosus succurrat Ioseph.  
Tu mihi nunc succurre puer, succurrere nanque  
Ipsa etiam tibi constituo. moriemur amando  
Infontes ambo? Dij tanti criminis haud me  
Authorem videant, non hæc Aegyptia tellus.  
Dum licuit, potuiq; , thori concordia iura  
Seruauī, nunc maior agit me Visq; , Deusq;  
Imperioq; premit. sic sit mihi Numen amicum,  
Vt nosco experiorq; Deum, cui fœmina non est  
Contra stare potens. Deus hic custodiet ambos:  
Quin & , suetus amare, teget solatia nostra.  
Dixerat, impatiensq; moræ vocat ocyus Efren,  
Vnam ex ancillis, dominæ quæ fida solebat  
Ferre vigil mandata, vigil responsa referre.  
Vade, ait, & puero dic, huc accedat, Ioseph,  
Si vacat, & domini si nulla negocia nostri*

*Impediunt.*

Impediunt. vadit illa cita, & mandata facessit.  
 Nec longe post inſus adest formoſus Ioseph.  
 Quem ſolum admiſſum virgo mutata colore  
 Iuxta aſtare facit: tum corde & voce tremente  
 Chare (inquit) puer, atq; oculis mihi gratior ipſis,  
 Verâ ne tu domina dices, quæcunque rogabit?  
 Vera equidem (an fallam dominos) ait ille, fatebor.  
 Tu quoduis pete. & illa. puer te perditæ amare  
 Audio: ſi verum eſt, debent me nulla latere,  
 Nec, ſi ſim, quam perditæ amas, nam (vera fatebor)  
 Ipſa etiam te perditæ amo. tu nec mihi amanti,  
 Nec tibi ego crudelis ero: da iungere dextram,  
 Qualis eris, quantoq; à me donaberis auro?  
 Sic ait, & ſummis puero dedit oſcula labris.  
 Ille pudore, rubens, & ſecum mente reuoluens,  
 Quæ Diuûm interpres puero mandauerat olim  
 In puteo, neu Dii alieni, aut iniuſta libido  
 Alliceret, taciteq; Deum ſibi adeſſe precatus  
 Hæc tandem reſponſa dedit. Quod perditæ amare  
 Audis me domina, illicitum ſi forſan amorem  
 Audis, non vllam fateor me perditæ amare:  
 Nec ſic ipſe etiam à quoquam peramarier opto,  
 Præcipue à domina. ſcis rebus me omnibus vnum  
 Præceſſiſſe ducem, ſecluſa coniuge tantum.  
 An ne igitur legisq; meæ, dominiq; mei ſim  
 Proditor? ah ſtygias potius detrudar ad vmbraſ;  
 Eſca vel alitibus, media intumulatus arena,  
 Mittar: & hæc dicens dominam, thalamumq; reliquit.  
 Illa autem, vt ſeſe illuſam, & ſpe funditus omni  
 Deiectam vidit, tanquam qui fulminis icţu  
 Percutitur, primum ſtupefacta immotaq; paulum  
 Conſtitit, inde imo ducens ſuſpiria corde,  
 Aſtringensq; manus, ſeſe reſupina cubili  
 Strauit inops animi, deſertaq; ſanguine pallens.  
 At malus hæc ſummo tecti de culmine dæmon  
 Aſpiciens, aue depoſita, ſe ruruſus anilem  
 Vertit in Iphiclen, miſeramq; reuiſit Iempſar,  
 Atque ait. ò, quinam caſus te nata malignus  
 Inſequitur? quid cor cecidit? quid pallor in ore eſt?  
 Ah ne animum aſſuetum, ne te ipſam deſere nata.



*En adsum auxilio nutrix tua, pone timorem.  
 Respice me. audito nutricis nomine paulum  
 Erexit sese in cubitum, tum lumina torquens  
 O nutrix, quondam nutrix, nunc dira nouerca  
 Occidisti, inquit, miseram me, nec puer ille  
 Perdit amat, nec se (quod longe est peius) amari  
 Sustinet, aut ullis precibus donis ue mouetur.  
 Proieci memet, genus, & decus omne pudore  
 Fœdauī amisso, fractæ spes, fœdera rupi  
 Coniungij: tu causa mali, tu criminis huius  
 Principium. quid restat ad hæc, nisi cætera ferro  
 Conficere, & meritam hanc animam demittere ad orcum?  
 Cui dictis falsa Iphicle respondet amaris.  
 Heu mulier rerum ignara, & male conscia amorum,  
 Quid mirum, puer insuetus plenusq; pudore,  
 Ceu virgo intacta, ad primos si expauit amoris  
 Aggressus, de te dubius, metuensq; pericli?  
 Non ita restrictanda fuit, nec tu tamen omnem  
 Spem depone, rudem puerum nam rursus adibo,  
 Arguam, & ignarum, quæ sint facienda, docebo.  
 Tu tantum triduo expecta, lux quarta benignum  
 Sydus habet, miseros sydus quod spectat amantes  
 Coniungitq; sub hoc Hymenæus sydere primum  
 Natus, & ipse puer Venere enitente Cupido.  
 His dictis sese paulum solatur Iempsar,  
 Erexitq; cadentem animum. meliora ferant Dij,  
 Vade (ait) interea sacras venerabimur aras,  
 Fundemusq; preces, & amica vocabimus astra.*

*Ergo, Vbi luce noua rutilum Sol aureus orbem  
 Impleuit, visura Deos sese ornat Iempsar,  
 Pulchra auro, spectanda ostro, spectanda pyropo,  
 Sed forma spectanda magis, proprioq; decore.  
 Quam matrum numerosa cohors comitatur euntem,  
 Nec non & famulis præses formosus Ioseph  
 Lumina deiectus, dominæq; suiq; misertus  
 It comes, ipse tamen sanctas procedere ad aras  
 Patronam putat, Vt commissi criminis oret  
 Exposcatq; Deos veniam, & deponat amorem.  
 Contra autem illa rogat Diuosq; & sydera cuncta,  
 Vt faueant votis, & sint in amore secundi.*

*Fracastorij.*

TTT

*Hæc*

Hac eadem celebrat demens & luce sequenti,  
 Atque alia, donisq; etiam maioribus aras  
 Accumulat, pecudumq; fibras rimatur & exta.  
 Verum, Vbi quarta dies redijt, Solq; igneus orbi  
 Illuxit, lux sancta, inquit, lux optima salue,  
 Sydera vos saluete, quibus coniungere amantes  
 Est amor, & sobolem mundo seruare perennem.  
 Tum puerum acciri charum iubet. ocyus ille  
 Nulla timens, & iam dominae securus amorum  
 Aduenit. illa itidem sperans fore prospera cuncta  
 Nutricis decepta dolis, Vt vidit amatum  
 In manibus puerum, meus es, meus, inquit, & ipsa  
 Sum tua: quid prohibet, ne nos iungamur amantes?  
 Iste torus communis erit: ne gaudia differ,  
 Neu sortem contemne tuam. tum pallia captat,  
 Et trahit ad sese puerum. stupet ille pudorem  
 In domina amissum, tandemq; his vocibus infit.  
 Quis furor, aut quenam mala mens olim incluta coniux.  
 Feriferi, nunc hæc suadet te talia posse:  
 Moliri? certe Eumenidum nunc te vna sororum  
 Exagitat, nam (quam reris) non est tua nutrix  
 Iphicle, sed de stygijs emissa tenebris.  
 Dirarum vna, dolis quæ te decepit & astu.  
 Illa eadem me aggressa malis conatibus ausa est,  
 Sed vetuit tentare Deus. vidi ipse retrorsum  
 Cedentem, & formam mentitam, & fumida noui  
 Sulphura, nidoremq; atrum post terga relictum.  
 Talia dictabat puer. at post ostia demon  
 Qui stabat, clausos magna conamine postes  
 Impulit, intrauitq; ferox, & lumine toruus.  
 Tartaream effudit vocem, qua terruit omnes.  
 En ego mentita Iphicle, en sum vna sororum  
 Eumenidum, vna è stygijs emissa tenebris?  
 Nunc faxo, experire. sinuq; cita eripit anguem  
 Pestiferum, qui secreta sub veste latebat,  
 In puerumq; iacit. custos cœlestis at illum  
 Reppulit, atq; omnes conatus fecit inanes.  
 At coluber, sibi ut in puerum sublata potestas,  
 In miseram insidias omnes molitur Iempar,  
 Perq; solum tacite irrepens, ventremq; retorquens



*Lubricus, in vestem insinuans se illabitur: inde  
 Interiora petens praeordia cuncta pererrat,  
 Tartareumq; virus iaculatur ad intima cordis.  
 His monstis puer interea pauesactus, amictus  
 Immemor aufugit, seq; in sua tecta recepit.  
 Quem virgo ut fugisse videt, utq; acre venenum  
 Sensit, in insanum subito conuersa furorem,  
 Clamorem immensum tollit, quo ipsa atria, & omnis  
 Intremuit domus, & timuit vicinia tota.  
 Non secus, ac si Vulcanus penetralia cuncta  
 Inuoluat, caeloq; furens incendia iactet.  
 Currite io matres, scelus atque audite nefandum  
 Mancipis Hebraei, qui nunc pro Iuppiter ausus  
 Fetiferi est magni sacrum violare cubile,  
 Vmque inferre mihi, nisi nutrix tempore in ipso  
 Prompta tulisset opem, & sceleratum veste relicta  
 Eiecisset. io fugituum apprehendite serui,  
 Ite citi, properate, viarum claudite cuncta  
 Effugia, & domini scelus hoc afferte sub aures.  
 Talia vociferans misera effundebat Iempsar,  
 Omnia quæ falsa Iphicle confirmat, & auget,  
 Dignum morte, fore hoc sceleris qui admittere tantum  
 Audeat, exacuitq; animos: clam deinde recedit  
 Nulli visa, & aui similis se immiscuit atris  
 Nubibus, & Stygias sedes atque impia Ditis  
 Regna petit, latoq; refert crudelia facta.  
 Interea miser à seruis comprehensus Ioseph  
 Ducitur, & nemo est, qui dicere multa volentem  
 Auscultare velit miserum, non Fetifer ipse,  
 Quem iam res audita acri compleuerat ira:  
 Non tamen ut morti damnet, sed turre sub ima,  
 Carceris esse locus miseris ubi suenerat, illum  
 Intrudi iubet, & vigili custode teneri,  
 Tantum olyra vili, limoso & plumine pasci.*

*At inueni coelestis erat custodia maior  
 Aliger ætherius, summo qui missus ab axe  
 Carceris intrarat portas, ubi proxima terras  
 Nox omnes cæcis tenebris obduxit & umbra.  
 Ergo aliàs puero notus, solatur amico  
 Ore illum, firmatq; animum, tollitq; timorem*

Luce noua, excussa noctisq; & carceris vmbra.  
 Omnia quæ postquam custos Aegyptius alta  
 Prospexit de turre, Deus Deus, inquit, in illa  
 Luce viget, nosco splendorem & verba notau:  
 Nec deusest illic, nisi & huius criminis insons  
 Est puer. infontem seruabit Iupiter æquus.  
 Ex illo custos iuuenem veneratur Ioseph,  
 Et pascit meliore cibo, quàm dura iuebant  
 Fetiferi mandata, & duri carceris omne  
 Tollit onus ferrumq; pedum, visitq; frequenter,  
 Solaturq; , & sæpe in cœlum educit apertum.  
 Iamq; quater binos Phœbe complenerat orbes,  
 Cum duo, quorum alter pincerna Pharaonis, alter  
 Pistor erat regis, præ suspicionem venen  
 In Cerere inuenti, conclusi carcere eodem  
 Cum puero Isacide fuerant. hi tempore paruo  
 Post, vterq; vna viderunt somnia nocte,  
 Somnia, quæ mox mane nouo dum mutua versant,  
 Ignari, quid portendant nō instrent'ue futurum,  
 Sollicitis stabant animus. quod pulcher Ioseph  
 Conspectuens, quidnam iuuenes tam pectore tristes  
 Vos hoc Sole nouo video? nos somnia facta  
 Nocte hac sollicitos reddunt, quæ exponere, nemo est,  
 Qui sciat hîc, dixere. quibus sic pulcher Ioseph.  
 Somnia vos narrate, Deus dignoscere forsan  
 Illa dabit. dicemus (ait) pincerna, priorq;  
 Ipse edam. nam vitis erat pulcherrima ternis  
 Lata propaginibus, gemmas turgescere primum  
 Palmitibus, mox & flores exire videbam,  
 Post flores grauidis vnas pendere racemis:  
 Quos ego maturos manibus premere ipse videbar,  
 Vinaq; diffundens pateris spumantia plenis  
 Regi largâ dabam, solito Rex more bibebat.  
 Cui puer interpret. quidnam tua somnia monstrent,  
 Expediam. vitam illa tuam pulcherrima vitis  
 Ostendit: gemmæ, flores, vnaq; secutæ  
 Sunt fructus, quos tu peperisti temporis huius  
 Curriculo: dabitur merces, & honoribus ipse  
 Restituere tuis, & pristina pocula regi  
 Consuetudo de more dabis: terna illa propago



Tres lucas ( quibus hæc veniant , tibi prospera monstrant.  
 Tu vero , cum te charum gratumq; Pharaon  
 Accipiet , nostri ( si qua huius gratia facti est )  
 Sis memor , immeritumq; isto dic carcere claudi.  
 Tum pistor , simulac vidit dicta omnia recte  
 Congruere , ipse etiam , dixit , mea somnia pandam .  
 Nam capiti imposita ipse meo tria plena canistra  
 Spectabam , duo farinæ inferiora , supremum  
 Omni opere plenum , omni illo pistoria quod scit  
 Ars facere , & nostrum ingenium , sed cuncta volucres  
 Exesse & secum latas deferre per auras .  
 Cui bonus interpret , Diuûm est nouisse futura ,  
 Falli hominum est , dicam , quid nam tamen augurer ipse  
 His super . illa ( quibus vidisti plena ) canistra  
 Sunt opera & vitæ fructus : duo prima , vbi simplex  
 Farina est , vitæ monstrant duo tempora prima ,  
 In quibus & simplex vita & sincera peracta est :  
 Summum opere infido plenum est , & fraude , dolisq;  
 Omnibus , ingenium quæ , aut ars pistoris iniqui  
 Extudisse valet , quæ sunt iam cognita regi .  
 At merces horum meritorum & præmia , foedæ  
 Sunt volucres , corui immundi , miluiq; rapaces ,  
 Vulturijq; , caput qui effossaq; lumina pascent  
 In cruce suspenso : tribus hæc ventura diebus  
 Terna canistra notant : tamen hæc me fallere possunt ,  
 Si tu animo possis mutari , nam & Deus ipse  
 Sæpe solet mutare mala & conuertere fata .  
 Talia tractabant iuuenes . & tertia iam lux  
 Orbi inuecta aderat , cum custos carcere aperto  
 Pincernam insontem , noxa pœnaq; solutum  
 Declarat , miserum regis decreta seueri  
 Pistorem damnare cruci . de carcere vterq;  
 Ducitur haud æqua sorte & longe impare fato .  
 Hic ad tigna , ille ad regem stipatus ouantum  
 Et letus clamore virum , & clangore tubarum .  
 Vertitur interea ter Solis cursus in alta  
 Solstitia , atque nouum mundo portauerat annum :  
 Forteq; Rex dulcem prona iam nocte quietem  
 Ducebat , Deus ex alto cum somnia in illum  
 Immisit , miranda adeo , vt cedente sopore :

Attonitus rex magnum aliquid potendere visa  
 Crederet . ergo omnes iubet e regione vocari  
 Caldeæ , Aegyptoq; , quibus cognoscere cursus  
 Metiriq; vias coeli , & momenta minuta  
 Astrorum , casusq; hominum . & prænosse futura est  
 Cura audax , nec non magicis qui incumbere sacris  
 Consuevere , & qui ex adytis oracula Diuinum  
 Consulere , & cæsarum ouiumq; boumq; per exta  
 Rimari secuta solent , qui noscere flammæ ,  
 Qui fluitant . . . quæ motus , qui iungere arenæ  
 Fatalem numerum , & cognoscere fulminis iras ,  
 Quiq; vias seruare animum , & dignoscere cantus ,  
 Denique , diuini rerum quicunque vocantur .  
 Quorum ingens numerus magni plena atria regis  
 Intrarant , alij longis capita alta thyaris  
 Induti , ast alij spectandi cornibus hirtis ,  
 Auratis alij strophijs : longissima mento  
 Cunctis pendet barba , ipso stat pallor in ore .  
 Quos simulac ad se rex alta à sede vocauit ,  
 Somnia visa docet primum , dein munera larga  
 Promittit , largosq; illis proponit honores ,  
 Somni qui interpretes fuerit : noctemq; diemq;  
 Responso tempus statuit . sed noxq; diesq;  
 Venerat , & nemo apparet , qui somnia regi  
 Enodare queat , nulli sua sidera , nulli  
 Ars magica , aut quæ sita aris oracula profunt :  
 Non artes aliæ , non barbæ , altæq; thyaræ .  
 Ergo hinc irasci , & tristis mœrere Pharaon ,  
 Nec quenquam audire , at solo in conclaue latere .  
 Hic regis pincerna , memor , quæ in carcere Ioseph  
 Fecit , & ipsorum quàm verus somnia vates  
 Exposuit , subito regem petit , atque ita fatatur .  
 Peccaui rex magne tibi , quæ in carcere vidi ,  
 Non referens . nam scis , ut mecum pistor iniquus  
 Carcere damnatus fuerit sub turre magistri  
 Militiæ , eunuchi . forte illo carcere eodem  
 Fetiferi puer Hebræus , puto , crimine falso  
 Missus erat . duo nos ( ita suasi ) somnia quædam  
 Nocte habita à nobis , inueni narramus . at ille  
 Diuino quodam afflatu visa omnia nobis

Exponens,



Exponens, mihi, te, dixit, lux tertia ab isto  
 Carcere deducet, multis & honoribus auctum  
 Restituet primo officio: te pistor inique  
 Lux eadem in cruce consistet, te immunda volucrum  
 Agmina depascent, corui, miluiq; rapaces,  
 Vulturijq; , nisi ipse animum conuertere possis  
 In melius, sic nanque Deus mutatur & ipse.  
 Omnia quæ euenisse vides. tua somnia certe  
 Hic puer exhonet, magnus enim numen in illo est.  
 Auditis Rex lætus ait. vade oras ergo,  
 Duc puerum, & nostro iussu carcere solue.  
 Ille celer mandata facit, puerumq; parumper  
 Ornat, detondetq; comas, vestemq; ministrat.  
 Tum regi adducit timidum. rex omnia 'i'strat  
 In puero, sibi cuncta placent, sic deus se fatur.  
 Te puer hi dicunt exponere somnia, nunquid  
 Vera ferunt? ast ille. Deus rex optime solus  
 Somnia nosse potest, & sicui maximus ille  
 Hoc dederit. potero ipse meo pro rege precari  
 Atque orare Deum: forsan dabit, omnia quando,  
 Quæ regum sunt, ipse solet curare Deum rex  
 Aquæ hominum. dein paulum animoq; & mente moratus,  
 Nunc, inquit, rex magne mihi tua somnia pande.  
 Fluminis ad ripas Nili stare ipse videbar,  
 Rex ait, & septem ecce boues è flumine pulchræ  
 Exire, & late errantes per littora pasci  
 Florentes herbas, lothon, medamq; virentem,  
 Et suauem mynianta, quibus pinguescere, quantum  
 Plena solet, sacras quæ ducitur hostia ad aras.  
 Vix oculos verti, ecce aliæ per littora septem  
 Deformes, agræq; , quibus vix pellis adhæret  
 Ossibus, apparere boues, quæ carice summa  
 Vix pastæ & dura paliuro & sentibus hirtis  
 Corpora macra, suis nervis vix ducta, trahebant.  
 Obstupui. nam dira fames atque ardor edendi  
 Improbis exegit tantum has, ut pingua septem  
 Corpora prima bouum congressæ tota vorarent.  
 Mox iterum dulcis me habuit sopor alter, & ecce  
 Rursus septem vno spicæ consurgere culmo,  
 Pulchræq; , grandæq; , & onusta pondere multo.

Mox

Mox aliæ septem oriri tenuesq; & inanes  
 Exili è stipula, scabraq; virgine tosta,  
 Quæ succum & decus omne aliarum absumere visa  
 Sunt mihi. miratus, postquam sopor ille recessit,  
 Somnia proposui multis, sed dicere nemo  
 Scit sensum & portentæ horum: te si manet ista  
 Gloria, site vnum è talis hæc somnia possunt,  
 Toto animo letare puer, te fama sequetur  
 Perpetua, & tantis à me ditabere donis,  
 Vt te no. videat maiorem Aegyptia tellus.  
 Cui iuuenis. rex magne Deus te diligit, ipse est,  
 Somnia qui immisit, nec, quæ illa intelligat, esse ars  
 Vlla potest, quæ authore Deo non vitur: vnde  
 Nec vates potuere tui, quibus omnibus est ars  
 Absque Deo. primum septem foelicibus annis  
 Largius vndantem solito, maioreq; Nilum  
 Flumine rumpentem ripas, secumq; trahentem  
 Foelicem limum, foecundæq; æquora arenæ  
 Fortunata nimis tellus Aegyptia cernet.  
 His annis tantum messis, tantum vberis illa  
 Colliget, vt non sufficiant solita horrea messi.  
 Vbertatem istam pingues nimiumq; nitentes  
 Monstrauere boues septem, quæ è flumine Nili  
 Exiuere, herbas pingues per littora pasta.  
 Hanc etiam & spicæ septem, quas pondere onustas  
 Lætæq; plenasq; vno consurgere culmo  
 Vidisti, pariter monstrant: nam somnia visa  
 Non duo sunt, sed idem ostendunt. nunc porrige mentem  
 Optime rex, nam septem annos, qui deinde sequentur,  
 Infœlix steriles duosq; Aegyptus habebit.  
 Ipse intra ripas demisso flumine Nilus  
 Curret iners, supraq; caput limumq; feracem  
 Non tollet: sicca arebunt arua omnia, sicca  
 Solstitia, & nulli descendent montibus amnes  
 Consueti pluuiarum amnes sub sydere Cancræ,  
 Aethiopum populis nec hyems æstiuæ redibit.  
 Agricola infœlix nullo versabit aratro  
 Arua, nec arenti mandabit semina terræ,  
 Sed miseros edet annonæ cogente iuuenços.  
 Hæc septem docuere boues per littora siccæ,

Deformes,



Deformes, macraeq; , quibus vix ossibus harena  
 Pellis erat. hæc septem illa rubigine tostæ,  
 Squallentesq; situ spica, & sine pondere turpes  
 Ostendunt. duplici exemplo te commonet ipse,  
 Qui nouit ventura, Deus, quo tu quoque solers  
 Commouere magis, damnoq; occurrere possis.  
 Quod facere ut valeas, si me fortasse requiris,  
 Sic habeas. maiora para primum horrea, & omne,  
 Quod superat segetum his septem foelicibus annis,  
 Coge illic, seruaq; vigil: dein multa talenta  
 Auriq; , argentiq; in fruges vndique emendas  
 Impende, annorum quantum penuria septem  
 Exposcet venturae formi campisq; serendis.  
 Talia nati abbat iuuenis, quæ singula mente  
 Rex uoluit tacita, tandem & sic voce profatur.  
 Hoc certe Deus in puero, nec talia dici  
 Absque Deo potuere, nec illi Aegyptia tellus  
 Aut Caldæa vidit similem. tum amplectitur illum  
 Latitia illachrymans. post me tota ista secundum  
 Te aspiciet regio, seruatoremq; vocabit.  
 Sic ait, & chlamydem gemmis ostroq; nitentem  
 Ferre dat, atque auri torquem circumdare collo.  
 Mos erat, ut gemma cœlata, insignis & auro  
 Annulus, antiquo regum de more vocatus  
 Regius, a nullo, nisi rege Pharaone, posset  
 Gestari, aut si quis foret ipso ab rege secundus:  
 Hunc sibi rex digito detractum imponit Ioseph,  
 Quo populus post regem illum sciat esse secundum.  
 Præterea, quæ se solennibus ipse diebus  
 Inuectum mula populis vrbisq; solebat  
 Ceu quendam monstrare Deum, sic mandat & ipsum  
 Vrbe vehi, mulaq; eadem procedere Ioseph,  
 Præclamante tuba, regi inclinate secundo  
 Quisque caput, sanctoq; novos conspergite flores  
 Seruatori hominum, solus qui somnia regis  
 Exposuit, qui plena Deo præcordia gestat.  
 Talibus ornatus donis, & honoribus auctus  
 Isacides iuuenis cuncto acclamante senatu  
 Præficitur toti Aegypto. Qui sedulus omni  
 Fracastory. VVV Ingenio

Ingenio curaq; in primis horrea vbique  
 Magna parat, mox frugum ingentibus vndiq; acervis  
 Collectis, partim terra Memphitide natis,  
 Partim emptis aliunde implet, stipatq; , nec vllum  
 Dat rebus spatium: regionem lustrat, equorum  
 Comminuit numerum, atq; hominum: Dij cuncta secundat.

Vrbs erat Helipolis, Solis de nomine dicta,  
 Cuius Rex, idem & templi Phœbiq; sacerdos  
 Supremus natam formæ & virtutis habebat  
 Insignem, quam sæpe Deus consultus Apollo  
 Dixerat haud vlli indigenæ thalamo esse locandam:  
 Coniugium externum fato maiore parari,  
 Quo genus, & clari tollantur in astra nepotes.  
 Ergo istæc iuuenem monstrare oracula Ioseph  
 Censet & antistes templi, & rex ipse Pharaon.  
 Quocirca, cum iam septem foelicibus annis  
 Aegypto in tota vbertas, atque omnia vbique  
 Læta forent, placuit regi dignis hymenæis  
 Et thalamo Isacidem iuuenem sociare iugali,  
 Lætitiâq; augere, diesq; inducere festos.  
 Ergo hæc per ludos dum per conuiuia læta  
 Ducuntur, septem foecundi mēsisbus anni  
 Iam finem, vbertasq; , omnis iam copia habebat.  
 Iamq; pererratis Geminis per sydera Cancri  
 Sol altos ducebat equos, Aegyptia cum gens  
 Miratur Nili nulla incrementa videri,  
 Sed purum & nulla permixtum flumen arena  
 Ipsum inter ripas tristi procedere cursu.  
 Iam tellus foecunda prius, nunc aret, hiatq;  
 Vsta siti, nec spes Cereris promittitur vlla.  
 Semina quin etiam, siqua immittuntur in aruis,  
 Aut nullos edunt foetus, aut protinus omne  
 Enatum foede vitio rubiginis aret,  
 Aut abit in lolium infœlix, fluidum'ne papauer.  
 Vinitur ex annis lapsis, retroq; coacto  
 Fœnore, quod primo sterili vix sufficit anno.  
 Verum, vbi dira fames homines se vertere ad herbas,  
 Et pecus immeritum, atq; immunda animalia adegit,  
 Regem vrbes & rura adeunt, subsidia poscunt.



Rex ad Præfectum cunctos dimittit Ioseph,  
 Servatorem hominum . populus hinc horrea aperta ,  
 Et iustum indictum precium : gaza vndique & omnes  
 Congestæ portantur opes : araria regis  
 Complentur : nec adhuc quartus se verterat annus.  
 Quid facerent miserae gentes ? sola arua supersunt ,  
 Quæ vendant , si emptorem habeant , nam solus Ioseph  
 Esse potest pro rege emptor . ergo ille rogatur ,  
 Arua emat , & miseris det opem , nec pacta recuset .  
 Reddituum cuiusq; agri quintam dare regi  
 Promittunt , sic pacta ineunt , sic fœdera firman .

Interea , externas quoniam penuria terras  
 Hæc eadem affligit , populos it fama per omnes  
 Aegyptum sat frumenti , quod vendat , habere .  
 Ergo & Sichenus natos affatur Iacob .  
 Cur non Aegyptum nati , cur regna beata  
 Non petitis , cur non nobis alimenta paratis ?  
 Num perimat nos ista fames ? mandata capeffunt  
 Natorum deni : fratrum natu vltimus astat .

Vt vero Aegyptum petiere , & Osyrida terram  
 Frumentis præfectum adeunt , & supplice cultu  
 Aere dato frumenta rogant . cognouit Ioseph  
 Germanos , statuente Deo , non cognitus illis .  
 Præteritiq; memor , quamvis iniuria multum  
 Facta potest , tamen & patris , fratrisq; misertus  
 Benjamin , his etiam parcit , tum fatur ad illos .  
 Vnde , & quinam hominum ad nostras acceditis oras ?  
 Illi autem . è terra Canaam , de sanguine Iacob  
 Venimus huc cogente fame , quæ plurima perdit  
 Samariam . domus est nobis plenissima , primus  
 Est pater , vndeni nati , paruiq; nepotes ,  
 Pastorumq; manus , vernarum est plurima turma .  
 Venimus ergo ad te , nobis alimenta rogantes ,  
 Ne pereat gens tanta , tibi iusta æra dabuntur ,  
 Nec nos immemores erimus . pater optimus urbem  
 Ipse regit Sichen , pastor , cui millia multa  
 Sunt pecudum : quouis precio da viuere tantum .  
 His verbis quanquam frater commotus , & ægre  
 Abstenuit lachrymis , ficto tamen omnia vultu

Dissimulans, quid verba mihi datis, inquit? an ipse  
 Eludar? nisi me os fallit vultusq; loquentum,  
 Exploratores puto. cur mandata paterna  
 Non geritis? cur nec frater huc venit & alter?  
 Ast illi, minime. tales ne rere, precamur.  
 Per patrem patrisq; Deum iuramus, adire  
 Nos iussit, nos dira fames: natu ultimus vnus  
 Cum patre Benjamin adolescens restitit, & spes  
 Solamenq; senis: nos, qui sufferre laborem  
 Possumus, atque moras longarum auferre viarum,  
 Venimus orantes vitam, mandata putantes  
 Nulla opus esse istuc ferri: miserere precantur,  
 Et miserere patris, pueri miserere relictis,  
 Paruorumq; (potest pietas si in te vlla) nepotum.  
 Hic lachrymas vix continuit, conuertit & ora,  
 Toto animo & vultu multum commotus Ioseph.  
 Inde ait. est mihi firma viri sententia menti,  
 Frater vt huc alius veniat: vestrum hic erit vnus  
 Obses, vos alij ad patrem frumenta feretis.  
 Interea. haud aliter (per Regem & numina iuro)  
 Vlla potest vobis cedendi hinc esse potestas,  
 Neu faciem spectare meam, aut audire loquentem.  
 Consulite, & ternis dentur responsa diebus.  
 Sic ait, & custode dato victuq; remittit.  
 Illi, inter sese postquam diuersa locuti  
 Viderunt praefecti animum, praestare putarunt  
 Ferri multa domum frumenta, loco obsidis vnum.  
 Dimitti, properare alios, iterumq; reuerti  
 Emptum alias fruges, alium & conducere fratrem.  
 Ergo nominibus scriptis fors ducitur, obses:  
 Extrahitur Symeon. & iam lux tertia mundo  
 Clara aderat, responsa petit praefectus, at ipsi  
 Enarrant decreta. igitur frumenta parari  
 Imperat accepto precio: clam deinde ministros  
 Admonet, vt summis saccis aera omnia ponant.  
 Quod fuerit cuiusque, datum: custodibus obses.  
 Traditur: at fratres oneratis tergora asellis.  
 Aegyptum, & multo fratrem moerore relinquunt,  
 Samariamq; petunt. quo postquam denique ventum est,



Et genitor numero natorum vnum abfore vidit,  
 Clamat, vbi Symeon meus est? cur cernere natum  
 Non datur? est ne æger? minime pater, inquit Iudas,  
 Sed valet, Aegypti est obses tellure relictus,  
 Dum rursus redeamus, & hinc ducamus & istum  
 Beniamin. nam, qui frumenta vendidit, vt nos  
 Audiuit vir magnus, & ab ipso rege secundus,  
 Quæsiuit multa a nobis, nunquid pater esset,  
 An frater nobis alius: quæcum omnia recte  
 Dixemus, vos certe istas venistis adoras  
 Exploratores, inquit, mandata paterna  
 Cur non huc geritis? cur non alium quoque fratrem  
 Huc duxistis? ad hæc respondimus omnia. tandem  
 Summa fuit frumenta dari, nos deinde reuerti,  
 Adduci puerum, interea detur obses, & vnus  
 E nobis maneat: per Regem & numina cæli  
 Iuro (inquit) nec vos aliter frumenta feretis,  
 Posthac, nec me audire vnquam aut spectare licebit.

At pater, hæc postquam audiuit, proh Iuppiter, inquit,  
 Est ne adeo infelix alius pater? occidit vnus  
 Natorum, est obses alius, subducitur alter  
 Cum reliquis, simul vt cuncti moriantur, & ipse  
 Expectem, ferat hæc nostras crudelis ad aures  
 Nuncius: ò prius hanc miseram Dii demite vitam.  
 Talia fundebat lachrymans. circum vndique nati  
 Solantur, tam aduersa bonos non numina habere.  
 Mox, vbi depositis soluerunt vincula saccis,  
 In summis æs omne datum preciumq; repostum  
 Inueniunt: stupere omnes, sed tristis Iacob  
 Hoc derat nati, hoc, inquit, quod funditus omnem  
 Spem raperet. nam, si vobis Aegyptia ad arua  
 Sit reditus, qui vos primum vir maximus ille  
 Exploratores dixit, nunc nomina furum  
 Imponet, causam inquirens, qua perdere possit.  
 Nempe ego Beniamin puerum, spem patris, & vnum  
 Solamen, non huic tradam fidamq; periclo.  
 Vos alij, si fata vrgent, Diuumq; voluntas,  
 Ite, rei fidei promissæ: ego, quicquid apud me est  
 Auriq; argentiq;, dabo, quo vos redimatis.

Et fratrem, & si fors aderit, frumenta feratis.  
 Quem contra illachrymans iuuenis sic satur Iudas.  
 Chare pater nos primum audi, dein consule nobis,  
 Atque tibi. nam quo pacto continget adire  
 Illum hominem, qui iuravit per regia sceptrā,  
 Per superos, nisi Benjamin duxerimus ipsum,  
 Ille quidem nec nos, nec, quæ est in carcere, fratrem  
 Dimittet, faciem uel eius spectare licebit?  
 Verum, ut de nobis sint dura & tristia quæque,  
 Vos miseri quonam pacto uiuetis, & unde  
 Tanta domus? capiti, quaeso, pater optime tandem  
 Fide meo, puer iste omnes seruabit, & ipsum  
 Te patrem. mihi præterea duo pignora chara  
 Sunt, nati, tu illos (concedo) interfice, siquid  
 Aduersi puero eueniat: depone timorem,  
 Atque omnem defende domum. quod pondera saccis  
 Sint æris posita in nostris, iussisse ministris  
 Id dominum certum est, incertum, fraude doloue,  
 An pietate magis: nos certe audiuius illum  
 Insignem virtute omni, nos vidimus illum  
 Nobiscum fleuisse famem atque incommoda nostra,  
 Dum teq;, & paruum fratrem, paruosq; nepotes  
 Commemoramus. age o genitor, ne tempora differ,  
 Ne plures innecte moras. & talia dicens  
 Adiecit lachrymas. victus pater, ibitis ergo,  
 Tandem ait, & puerum, & regionis dona feretis,  
 Staetenq;, & lachrymas terebinthi, & roscida mella,  
 Et gummi, & liquidam styracem & amygdala amara.  
 Insuper & duplex precium portabitis, & quod  
 Inuentum fuit in saccis, & quod data poscent  
 Frumenta. interea faciemus sacra parentum  
 Nostrorum nostriq; Deo, quod cuncta secundus  
 Dirigat, & seruos cælo prospectet ab alto.  
 Postera phœbeos currus aurora uehebat,  
 Cum pater & nati sacris de more peractis  
 Cuncta viæ opportuna parant, et munera, & ipsum  
 Benjamin: quem iam genitor complexus euntem,  
 Et lachrymans, I chare puer foelicibus, inquit,  
 Auspicijs, si te rediturum fata reseruant,



Vitam oro. lachrymæ vetuerunt dicere plura.  
 Tum simul & reliquos natos complectitur omnes,  
 Commendatq; Deo. ast illi bona verba precati  
 Durum iter et longum capiunt, camposq; relinquunt  
 Samariæ, Solymenq; sacram: iam consita Idumes  
 Pretereunt palmeta, Gerar, et Tartara vasta  
 Syrbotis, tandemq; vident Aegyptia regna,  
 Optatamq; petunt Memphim. quos lætus Ioseph  
 Suscipit, atque vna fratrem de carcere soluit.  
 Vt vero admissis coram data copia fandi,  
 Sic Ruben. hinc postquam discessimus optime princeps,  
 Venimus ad genitorem, illi tua maxima iussa  
 Narramus, fratrem duci te velle minorem  
 Benjamin hunc istum: tum saccis ordine apertis,  
 Res mira, in summis precium atque æs omne, quod ante  
 Exhibitum fuerat, se offert: quis miserit, et cur,  
 Ignotum est, Deus est testis. Verum, ut pater istæc  
 Audiuit, viditq; imo suspiria corde  
 Traxit, et, heu nati, dixit, male numen amicum:  
 Nos aliquod nunc insequitur, Fortuna recessit  
 Illa bona. è bis sex natis amisimus vnum:  
 In vinclis alius longinquis exulat oris:  
 Nunc spes et miseræ solamen dulce senectæ,  
 Benjamin abduci petitur: vos rursus abitis,  
 Nescio quò, et vereor, furum ne nomine eati,  
 Omnes ut tandem fato pereatis ab vno.

Nos contra miserum solari. fide parentum,  
 Nostrum et fide Deo, genitor: iustissimus ille,  
 Ille vir est, regio quem tota Aegyptia dicit  
 Seruatorem hominum, sanctumq; piūq; fatetur,  
 Et colit, hinc nihil aduersum durumq; timendum est.  
 His victus cessit tandem. Vos ibitis ergo,  
 Et ducetis, ait, puerum, atque hæc parua feretis:  
 Munera, quæ regio fert hæc, staeten, et Terebinthi  
 Resinam, et liquidam styracem, et amygdala amara,  
 Mellaq;: dein duplex precium portabitis, et, quod  
 Impositum fuerat saccis, et, quod data poscent  
 Frumenta: & demum iusto natumq; patremq;  
 Commendate illi, pueri miserefcet et huius,

Atque:

*Atque senis natos nimium miserefcet amantis .*

*Talia dictabat iuuenis , cum lumina princeps  
Vix lachrymis cohibens tali est sic ore locutus .*

*Este bonis animis iuuenes , ego munera grata  
Accipio regionis , & hunc , qui adductus ab omni  
Suspicionem puer vos , omni à fraude piabit .  
Ite , & fessa via , fœda & sudore lauate  
Membra viri , mox luce bona discumbite mecum .*

*Hæc princeps . famulorum alij in conclaue lauacrum ,  
Vasa alij mensasq; parant . hæc inter Ioseph  
Multa super regno & populis disponit alendis .  
Dein redit ad fratres , magnamq; educit in aulam ,  
Regales ubi monstrat opes , vasa aurea signis  
Cælata , argentumq; abacis , stratosq; tapetas ,  
Nec non parietibus circum pendentia longis .  
Aulæa , intextis auro & bombice figuris ,  
Quas dicas spirare . illic diuina secutus  
Iussa Abraham , puerum in sylvas ducebat Isaac  
Maestandum : puer illignis onerabat asellum  
Fascibus , ipse pyram genitor vittasq; parabat .  
Ille idem dextram vicina in parte lenabat ,  
Crudelemq; ensen : demissus lumina Isaac  
Et flexis genibus ferituro colla parenti  
Præbebat : cœli demissus ab axe vetabat  
Nuncius , & dextram sublatam ensenq; tenebat .*

*Parte alia fratrem fugiens tendebat Iacob  
In patris antiquas sedes , cognataq; regna ,  
Euphratem Tygrimq; inter : patruelibus inde  
Virginibus hauribat aquas : tum pastor ad vndas  
Euphratis dum pascit oues per littora Laban ,  
Rachelem vocat , & dulces decantat amores .*

*Talia dum læti spectant Israele nati ,  
Spemq; aliquam sibi promittunt , tum magnus Ioseph ,  
Iam genio libemus , ait , date flumina palmis  
Vos famuli , tum sede altus discumbit eburna .*

*Morte præuentus hoc item , quod serò inceperat ,  
absolvere non potuit .*

CARMINVM LIBER VNVS.  
 IN OBITU M. ANTONII TVRRII  
 VERONENSIS  
 AD IOANNEM BAPTISTAM  
 TVRRIVM FRATREM.



SI egomet tanti casu perculsus amici  
 Solamen nostris discuperem lacrymis,  
 Ne mea perpetuo manarent lumina fletu,  
 Pergeret aut tantus vrere corda dolor,  
 Attamen, vt mi animi valuit concedere amaror,  
 Isthæc mœsta tibi carmina persolui:

Quo fortasse meis consolarere camœnis,  
 Si miseros quicquam musa leuare potest:  
 Ac ne tu in lacrymas paulatim totus abires,  
 Liquitur vt pluuio tacta pruina noto.  
 Quandoquidem charifato te fratris acerbo est  
 Rumor in extrema viuere tristitia,  
 Nec iam posse quietis habere, aut commoda somni,  
 Sed cedente die, sed redeunte queri:  
 Mœrentemq; , vagumq; , & turpem fletibus ora  
 Amissum totis quærere littoribus.  
 Fertur vt Eridani ripas errasse per omnes  
 Anxia fraterno funere Lampetie.  
 Septem quam perhibent somni sine munere noctes,  
 Ieiunam septem continuasse dies.  
 Et, quoties longo defessa errore viarum  
 Vmbrosi in ripa concidit Eridani,  
 Reddite vos Phaëtona mihi, clamabat ad vndas,  
 O quæcumq; sub hoc flumine nymphea latet.  
 Te tamen, vilius si cuiquam morte dolendum est,  
 Iusta quidem tanti causa doloris habet.  
 Quandoquidem immatura morte tibi omnia frater  
 Commoda, teq; ipsum perdidit atq; tuos:  
 Perdidit hei misero charus tibi frater ademptus,  
 Quo tibi non vllus charior alter erat.

Fracastorij.

XXX

Ille



Ille amor, ille tuæ solamen dulce iuuentæ;  
 Ille tuæ fuerat spes columeq; domus:  
 Quicum versari semper, quicum esse solebas,  
 Atq; animi arcana dicere consilia:  
 Vnum mirari, atq; vnum præponere cunctis:  
 Ambrosiæ è cuius effluere ore lepos.  
 O nimium miseri nos, & genus ærumnosum,  
 Deterius quorum est conditione nihil.  
 In nos sæuitum est bello, quo durius vnquam  
 Vidit nulla ætas, nec feret vlla dies.  
 Seruitum tulimus crudele, & barbara iussa;  
 Parsq; domos charas liquimus, & patriam.  
 Reliquias, miserosq; absumpsit tabida ciues  
 Pestis, & huc illuc sæuit Erinnyis adhuc.  
 Nec sat erat miseri crudelia funera COTTÆ  
 Fleuimus. ò indigna Cotta perempte nece,  
 O COTTÆ infœlix quæ te fata impia nobis  
 Tam subito ante tuos arripuerunt dies?  
 Iam neq; finierant gemitus, & lumina siccis  
 Non bene cessarant tristia flere genus,  
 Quum tu MARCE cadis, quum nos tot tristibus actos  
 Deferis, heu falsos credulitate tui.  
 Non hoc viuida nos tua iam sperare iuuenta,  
 Hoc tua non virtus, non benefacta dabant,  
 Exanimem vt nos te iuuenem, nec iam vlla loquentem  
 Externa miseri contegeremus humo:  
 Sed fore, quem fama virtus æquaret olympo,  
 Vnus qui multos instrueres populos.  
 Quâlis ab aërio decurrens monte iugifons  
 Communes multis sufficit vnus aquas.  
 Nam quid ego aut laudes memorem, aut tua maxima laudū  
 Præmia? qua humano profueris generi,  
 Aut quàm sæpe animas positas iam sedibus orci  
 Ad sua Apollinea membra vocaris ope?  
 Vostestes Ticinæ, & qui inter pascua læta  
 Medoace antiquos abluis Euganeos:  
 Illo quos fama est naturæ arcana docente  
 Sæpe inter nymphas obstupuisse suas:  
 At nunc amisso turbatis fletu sub vndis,

Inq; mare assuetas non habuisse vias.  
 Non tamen aut soli, nec vos magis omnibus amnes  
 Indoluitis acerbo illius interitu.  
 Illum etiam graia, & nymphæ fleuere latina,  
 Illum etiam Thuscis Calliopea modis.  
 Quin etiam syluæ, & montes genuisse feruntur,  
 Et vos extremi flectis Hyperborei.  
 Sed mage Benacusq; senex, & Sarca, sepulti  
 Qui propè vicinum praterunt tumulum.  
 Sed magis ipse Athesis, olim qui corpus humandum  
 Condendum charam perferet in patriam,  
 Ne extra cognatos cineres, Turriensiaq; ossa  
 Illum perpetuo terra aliena tegat.  
 Tunc vos ò patrio prognatæ Naiades amne  
 Spargite odoratis plena sepulchra rosis.  
 Tempus erit, cum posteritas mirata nepotum,  
 Quantum isti, dicent, attribuere Dei.  
 Atq; aliquis monumenta legens, & scripta iacentis  
 Denota ad mutos ferta feret cineres.  
 Interea ò vos Benaco centum patre nymphæ,  
 Sarcaq; ab alpinis edite verticibus,  
 Et vos ò Naci rupes, & saxa Briani,  
 Et nemora vmbrosis densa cacuminibus  
 Ferte aliqua, ò nunc ferte meo solatia BATTŌ,  
 Et tantam ex animo demite tristitiam.  
 Quem neq; sancta potest Sophie complexa leuare,  
 Musa nec assuetis sedula carminibus.  
 BATTŌ tamen vates, longum vt quæsisset ademptam,  
 Et longum flectet Thracius Eurydicen,  
 Nullo solatus, blando quàm carmine, curas,  
 Nullo, quàm sophia, dicitur esse magis.  
 Illi, seu Rhodopes syluis erraret in altis,  
 Seu in deserti Strymonis aggeribus,  
 Semper Musa comes, semper pendebat eburna  
 Ex humero numeris docta sonare lyra.  
 Ille orbem immensum semper spectabat, & orbis  
 Ornatum, puris sydera luminibus,  
 Et maria, & montes vastos, atq; irrequieta  
 Flumina, tum quicquid deniq; terra parit.

Quorum animaduertens certa sub lege tenorem,  
 Paulatim charam senserat Euridicen  
 Deleri, & tristem mutari in gaudia mentem,  
 Tantum animos rerum forma leuare potest.  
 Aspice lucentem Lunæ titanidis orbem,  
 Et cum Sole suo quæ super astra micant.  
 Omnia sunt æterna, & vitæ iuncta perenni.  
 Quæ loca felices Dijq; animæq; colunt.  
 Inferior Lethi regio est, sedesq; malorum,  
 In qua est, quod felix intueare, nihil.  
 Quippe solum hoc ventiq; imbresq; & cuncta fatigant,  
 Quæcumq; æria de regione cadunt.  
 Adde æstusq; hyemesq;, & morborum genus omne.  
 Tum natura aliqua est indiga semper ope.  
 Nos porro desyderijs mala plurima nostris  
 Iunximus, ò præceps in sua damna genus.  
 Hinc odia, & timor, & lites, & bella cruenta,  
 Et via non vni plurima aperta neci.  
 Attamen in tantis ærumnis est animi spes  
 Vnica, quem melior vita beare potest.  
 Quippe, vbi præfulgens vlla virtute reliquit  
 Corporeum, sedes aduolat æthereas,  
 Semideumq; domos, & Diuûm morte carentum,  
 Hic, vbi non æstas, nec fera sæuit hyems:  
 Nec dolor, aut desyderia infœlicia nostri,  
 Nec fors partem aliquam, nec rude vulgus habet.  
 At sancti heroes habitant, gens inclyta bello,  
 Ingenuiq; nouem qui coluere Deas:  
 Quiq; pij, iustiq;, Deûm præcepta secuti,  
 Et sancta insignes qui fuerunt sophia.  
 Quos inter tuus ipse recens à funere frater  
 Miratur cœlum, cœlicolumq; domos,  
 Aeternamq; diem, & foelicem ex ordine gentem,  
 Inter quos gaudet, se quoq; dinumerans.  
 Quæ circum illustres animæ, PRO AVIQ. PATERQ.  
 Intentos oculos ore nepotis habent,  
 Et pulchram effigiem agnoscunt. miratur & ipse  
 Egregiam stirpem, magnanimumq; genus:  
 Agnoscitq; suos, & facta, & nomina discit,



Tum quantum sit adhuc terra habitanda tibi.  
 O fortunatum nimium, tristem ante senectam  
 Carpere iter cœli cui potuisse datum est.  
 Quas syrtis, quos & scopulos post terga relinquis  
 MARCE? tibi à quanto est salua carina mari?  
 Fortunata iterum, tu non incommoda vitæ  
 Passus adhuc, non quæ plurima habet senium,  
 Sed dulces inter musas, & Apollinis artes  
 Fortunata nimis vita peracta tibi est.  
 I decus Ausoniæ iuuenis, numeroq; Deorum  
 Te immisce, culta est iam tibi terra satis.  
 Illa tuum, dum sydera erunt, dumq; æquora current,  
 Nomen in astra memor, & benefacta feret.

AD IOANNEM BAPT. TVRRIVM  
 VERONENSEM.

**B**ATTE, animos quando tristes, curasq; leuare  
 Musa potest, ego nunc sortem, casusq; supremos  
 Ipse meos tristi solabor carmine tecum.  
 Et tecum dulcis natos, quos funus acerbum  
 Abstulit, æterna & pariter caligine texit,  
 Conquerar: vt saltem tenebris, & nocte perenni,  
 Quantum opis est nostræ, miserorum nomina demam.  
 Quæ potui, dum vita illos auræq; fovebant,  
 Exhibui genitorq; gubernatorq; duorum  
 Infelix. primas alter vix fingere voces,  
 Alter adhuc teneris iam tum decerpere ab annis  
 Prima rudimenta, atq; omen præbere parenti.  
 Quos ego ( sed Zephyri spes portauere paternas)  
 Censueram, si fata darent, cum posceret aetas  
 Fortior, ad dulcis tecum traducere musas.  
 Assiduos, cytharamq; humeris suspendere eburnam.  
 Inde, vbi iam cœlum, ac Solem, fulgentiaq; astra,  
 Terramq; & liquidos ignes, æquorq; profundum  
 Mirari inciperent, latisq; animalia campis,  
 Te monstrante viam, te rerum arcana docente  
 Mens fuerat dulcis sophiæ deducere ad hortos,  
 Hortos, quos ver perpetuum, quos aura fauoni

Semper

*Semper alit, semper coelesti neſtare paſcit.  
 Hic tremulo, & longa conſeſto ætate parenti  
 Purpureos legerent flores: ſenijq; leuamen,  
 Threicia canerent cythara, quæ plurima quondam  
 Audiſſent te populea meditante ſub vmbra,  
 Diuino mirantem Atheſim dum carmine mulces,  
 Et rerum canis, & teneri primordia mundi.*

*Fortunate ſenex, ſi natorum ore reſerri  
 Fata ſinant, vt nata chao antiquiſſima rerum  
 Materies viſi correpta cupidine pulchri  
 Aſerit, atq; Deum thalamo complexa, iugarit  
 Corpora pruna: quibus diſcordia nata hymenæis,  
 Et diuiſa locis, ſuprema petiuerit ignis  
 Purior, & nitidis vicinus ſederit aſtris:  
 Quem iuxta per inane amplum ſe fuderit aer:  
 Ima autem tellus vaſto circum obruta ponto  
 Conſtiterit: quam dudum hinc inde agitantibus vndis  
 Subſterni latè campi, deformiaq; arua  
 Paulatim apparere ſupra, & concreſcere montes  
 Cœperunt, procul & nudas oſtendere cautes,  
 Mox nemora, & virides vndis mirantibus ornos.  
 Montanis tum ſpeluncis, & rupibus altis  
 Exiluiere vñæ formoſo corpore nymphæ,  
 In viridi flauos ſiccantes littore crines.*

*O fortunatum nimium, ſi numina tantum  
 Hæc mihi ſeruaffent, ſi non caſura dediffent.  
 Verum aliter Lacheſi viſum eſt, quo tempore primum  
 Natorum cœpit producere fila duorum.  
 Quippe auram miſeris, & dulcem noſcere vitam,  
 Spemq; ſui dederat præbere: alia omnia ventis  
 Tradita, nocte atra & tenebris inuoluerat orci.  
 Non licuit firmos annis, virideſq; iuuenta  
 Inſpicere, & charæ ad metam deducere vitæ.  
 Nec potui votis, nec ope adiuiſſe paterna  
 Clamantes, fruſtraq; patris ſuprema petentes  
 Auxilia, & nota nequicquam voce vocantes.  
 Heu mortem inuiſam, quiſ te mihi PAVLE Deorum  
 Arripit, & miſerum complexibus abſtrahit iſtis?  
 Tu prior immiti correptus morte, parentem*

*Deſeris,*

Deferis, & dulcis auræ, & lumina linquis.  
 Quod te si tali dederant sub lege futurum  
 Fata mihi, non iam fuerat mœroris abunde,  
 Non gemitus? quid me tantis è patribus vnum  
 Cœlicolæ lacrymisq; nouis, & morte recenti  
 Opprimitis, charoq; etiam spoliatis IVLO?  
 Heu miserande puer, quanto plena omnia luctu  
 Liquisti abscedens, quem non vāsana Deorum  
 Incusauit inops, cum te complexa iacentem  
 Aspiceret laniata comas & pectora mater.  
 Ah misera, ah male fausta parens, quid numina fletu  
 Sollicitas? iacet ille, velut succisus aratro  
 Flos tener, & frustra non audit tanta gementem.  
 Ah misera, ah quid sublatum complexa moraris?  
 Ille tuus non iam est. Vos illam in funere matres  
 Collapsam accipite, exanimemq; reponite tectis.

At vos insontes animæ, charissima nuper  
 Pignora, quod misero superest optare parenti,  
 Semper auete, mei, vt licuit, semperq; valete.  
 Seu dulce Elysium functos, vmbraeq; tenebunt  
 Sanctorum nemorum, puro seu sidera cœlo,  
 Ipse ego vos semper lacrymis, vos carmine tristi  
 Prosequar, & vestris persoluam iusta sepulchris:  
 Donec me vobis tenuem coniunxerit vmbra  
 Summa dies, natis æquat quæ sola parentes.

Interea curas, numeris, musaq; leuemus  
 BATTLE animos: quando rerum mortalis origo est  
 Quando etiam vitæ norunt vasta æquora finem.  
 Scilicet & quondam veniet labentibus annis  
 Illa dies, quum iam curuo sub vomere taurus  
 Insudet, terramq; grauis præuertat arator,  
 Nunc vbi cœruleæ rostris spumantibus vnda  
 Sulcantur, verruntq; citæ freta longa carinæ.  
 Nec vos ò liquidi fontes æterna manebunt  
 Secula, se tanto quamuis pater efferat amne  
 Eridanus, tumidusq; fluat tot cornibus Ister.  
 Quin etiam aërij montes, mirabile dictu,  
 Thygetus, Syphilusq; iugo & Cymbotus opaco  
 Ingentes post ætates, ac secula longa,

Senserunt



# C A R M I N V M

*Senferunt seniumq; suum, supremaq; fata:  
Ex quo materies thalamos, primosq; hymenæos,  
Atq; elementa nouus sensit discordia mundus.*

## AD DANIELEM RHAINERIVM VERONAE PRAEFECTVM.

**R** HENERI venerande, vno quo sospite, nondum  
Iustitia, & Virtus terris antiqua recessit,  
Multa quidem monumenta tuis sub fascibus Urbis,  
Multa cadunt antiqua piorum & templa Deorum,  
Et Bromij Vites, & amicæ pacis oliuæ.  
Verum hæc ex Urbis re dilabuntur, & ipsi  
Vltro etiam sua sacra volunt procumbere Diui.  
Ah saltem antiquo medicorum parcere ritu  
Fasq;, & suetus amor pietatis, & inçlyta Virtus  
Magna tui valeant. Valeant hoc more vetusto,  
Quo nostri vixere atauī, vixere parentes,  
Te duce venturi longum superare nepotes.  
Sanctior hic templis, hic Diuū est sanctior aris,  
Quem neq; tempus edax potuit, nec secula tanta,  
Non bellirabies, non ipsum infringere ferrum,  
Tantum est iustitiam violari, & foedera rumpi.  
Scilicet & sacra est medicina, vetusq; Deorum  
Inuentum, & sacri medici, quibus author Apollo:  
Qui reuocare animas iam caligantibus orci  
Faucibus impositas ad charæ munera vitæ,  
Aetheriosq; haustus, & dulcia lumina possunt:  
Qui genus innocuum, vitæq; ad publica nati  
Commoda, diuinas tantum didicere per artes  
Exercere æuum, atq; humanæ præesse saluti.  
Hos æquum est te præcipue longeq; tueri  
Rheneri ante alios, idem cui cesserit Apollo  
Ipse suas artes, & munera nobilis otī:  
Quemq; domos Diuū docuit, perq; omnia duxit  
Sydera: quem graio insignem latioq; corborno  
Secretas dedit Aonidum percurrere sylvas,

Et calamos, citharamq; humeris suspendit eburnam.  
 Idem te dulces Sophia deduxit ad hortos,  
 Hortos, quos ver perpetuum, quos aura fauoni  
 Semper alit, semper cœlesti nectare pascit.

Salve magne parens, qui tot virtutibus auctus  
 Urbem iustitia, & diuis in pace secundis  
 Egregiam moderare, Athesis qua flumine pulchro  
 Labitur, & placido secat arua virentia cursu.

Tu quoq; magna virum genitrix vrbs inclyta salve,  
 Cura Deum VERONA, tui cessere labores,  
 Aerumnâq; graues, atq; horrida Martis imago,  
 Sanguinis & vāsana sitis, & tristis erinny.  
 Barbara iam cessit rabies, & in alpihus atrox  
 Scuitiam miles, gelidumq; exercet ad Albim.  
 Iam duros nimium seruitus, & fera iussa  
 Desuemus perferre, vltos non iam vrbe Tyrannos  
 Conspicimus, sed te Rheneri maxime, sed te  
 Magne pater: vno tandem quo sospite, nobis  
 Iam bona libertas redijt, pacemq; per agros  
 Lata Ceres, Bacchiq; chorus comitantur ouantes.  
 Gaudete, o quicunque boni speratis agrestes,  
 Quorum amor est sobolis, Studiumq; nepotibus arua  
 Incolere, & paruas vlmis attollere vites.  
 Tempus io, nunc tempus adest, quo secula parca  
 Aurea nent, tandem quæ nunc te præside lata  
 Incipiunt: sed erunt nobis tunc maxima, quum te  
 Insignem sceptro Venetum sanctaq; thiara  
 Regna salutabunt terris diffusa, tuumq;  
 Quæ Sol exoriens visit, quæ deserit orbem  
 Occiduis, late clarum feret Adria nomen.

AD IOAN. MATHÆVM GIBERTVM  
 Episcopum Veronensem.

ILLE tuus GIBERTE, sacras, qui in montibus aras  
 Melsineis tibi constituit, qui teq; tuumq;  
 Per nemus omne canit, perq; omnia littora nomen,  
 Hec enata suis mittit tibi poma sub hortis  
 Aurea, quæ quondam Medorum è finibus Atlas  
 Fracastorij. YYY Transtulit,

Transiit, & magno seruabat tuta Dracone:  
 Mox victor sacra expolians pomaria Perseus,  
 Dum teuibis nostrum talaribus aëra tranat,  
 Donatit Charitæ Benaci ad flumina Nymphæ.  
 Insuper hos Giberite tibi dat munera pisces,  
 Qui quondam Hetrusci nautæ, nostraq; fuere  
 Effigie, nunc Benaci sub gurgite nantes  
 Cœrula conuerrunt sinuatis æquora caudis.  
 Quod si forte iuuat tanti miracula facti,  
 Atq; hominum quondam versas audire figuras,  
 Ipse eadem, Saloi quæ quondam ad littora BATTVS,  
 BATTVS amor Dryadum cecinit, mihi rettulit Aegon.  
 Forte senex Cretæ patrijs Saturnus ab oris  
 Ab Ioue depulsus, regnum sedesq; quietas  
 Querebat latius in magno, fataliaq; arua:  
 Iamq; diem medio Sol inclinabat ab axe,  
 Quum missus, longaq; via siccatus & æstu,  
 Ad vada Benaci viridi prospectat in herba  
 Vescentes nautas, & puri grandia Bacchi.  
 Pecula miscentes: placido quos ore salutans,  
 Equosq; aut vestrum pueri succurrit egenti,  
 Defessoq; seni? quis pocula parua ministrat,  
 Extinguitq; sitim? poscenti illudere Nautæ,  
 Et ridere senem. quis enim presentibus vndis  
 Possit habere sitim? en flumine largius illo  
 Ebiberis, gelidaq; æstum solabere lympa.  
 Illusus Deus immisus in flumina palmis  
 Haurit aquas, pronusq; bibit: tum versus ad illas  
 Remigio cautes, quæ fluctibus vndiq; circum  
 Clauduntur, medijsq; iacet parua insula in vndis,  
 Ostenditq; locum: precium gens impia iniquum  
 Postulat, at pactus senior tamen omnia firmat,  
 Adiuratq; Deos testes, scanditq; phaselum.  
 Illi autem, dum navi cita liquida æquora sulcant,  
 Ignari, quis nam sedeat Deus, Eia age nobis  
 Fare senex, quonam latebras pro crimine quæris?  
 An ne fugam subrepto auro, dominoq; relicto  
 In loca tuta paras? Sed te tua fata sequuntur  
 Demens, quem nullæ poterunt seruare latebræ.



Nomine Carpus erat, qui tam temeraria verba  
 Dixerat, ingeminant comites, aurumq; reposcunt,  
 Proferri subreptum aurum: ni proferat, omne  
 Virapiant, pulsumq; rate in media æquora turbent.  
 Quos placidus dictis senior demulcet amicis.  
 Hetrusci nautæ, quæ nunc mens impia suadet  
 Nec seruare fidem vos, nec meminisse Deorum?  
 Dicenti iam vis, iam dextra infertur. At ille,  
 Qui tandem agnosci posset Deus, Impia, dixit,  
 Gens inimica Deum, dabitur, quod poscitis, aurum,  
 Hoc imo sub fonte aurum poscetis auari.  
 Dixerat. Ast illis veniam poscentibus, & vox  
 Deficit, et iam se cernunt mutescere, & ora  
 In rictum late patulum producta dehiscunt,  
 In pinnas abiere manus, vestisq; rigeſcit  
 In squammas, caudamq; pedes sinuantur in imam.  
 Qui fuerat subita obductus formidine, mansit  
 Pallidus ore color, quanquam linoris iniqui  
 Indicium suffusa nigris sint corpora guttis.  
 Carpus aquas primus, numen qui læsit, in amplas  
 Se primus dedit, & fundo sub condidit imo.  
 Inde alij celeri sese in media æquora saltu  
 Præcipitant, vacuamq; ratem, & sine remige linquunt.  
 Iam Deus super vnus erat, subit ipse magistri  
 Munus, & adductis pelagi petit vltima ripis.  
 Expositus ripa placidus conuersus ad vndas,  
 Ecquid Io Nymphæ Benacides ista supersit  
 Nauis, & hunc amnem sacrum male fausta carina,  
 Et vestras sulcabit aquas? En certe ita & huius  
 Criminis hoc scopulo semper monumenta manebunt.  
 Dixit, & in partem rupis conuersa pependit  
 Cum remis ratis ipsa suis, vbi cernere conchas  
 Nunc etiam licet, externo quas littore Nautæ  
 Collectas miseri media imposuere carina.  
 Ex illo nunc Benaci per littora nantes,  
 Atq; auri venas fundo pascuntur in imo.  
 Nunc etiam à primo retinentes nomina Carpo.

Fracastorij.

YYY ij

Ad

## AD MARGARITAM VALESIAM

Nauariæ Reginam

Cæsaris Fregosij nomine.

**D**VM me Cenomanos inter tenet Itala tellus  
 Zefrediq; arces, mens autem nescia claudi  
 Libera trans gelidas Alpes Rhodanumq; vagatur,  
 Trans Ararim, cœlumq; beatum & Gallica semper  
 Regna videt, Regemq; suum, tecumq; moratur  
 Assidue, versatq; tuas sub pectore laudes,  
 Ecce mihi calata auro gemmaq; nitenti  
 Armipotens, galeaq; ferox & Gorgone Pallas  
 Oblata est, seu fors tulerit, seu fata dedere.  
 Continuo visa ante oculos effulgere Imago  
 Magna tui, inq; ipsa micuerunt Pallade, vultus  
 Virtutesq; tuæ, moresq;, & facta decusq; .  
 Quippe illam è cunctis sic tu mortalibus vna  
 Assimilas, sic vna refers, in Pallade vt & tu  
 Noscare, & Pallas in te. siue illa Minerua  
 Seu dici Bellona velit, consensus vtrinq;  
 Est idem, ora, a nimi, genius, cognataq; virtus.  
 Iure igitur tibi debetur, tibi conuenit vni  
 Gemma, aurum, effigiesq; Deæ, siue est Polycleti,  
 Siue Myronis opus. placeat tibi munus: imago  
 Est tua: sit gratus cum munere, muneris auctor.

Quòd si digressus paulum, & prouectus amore  
 Pierio, dum me dulces per grandia Musæ  
 Facta tua, & dum per monumenta Heroica ducunt,  
 Ipse tuas memorem laudes, quibus æthera ad altum  
 Scandis, & illa simul referam, per quæ vna Mineruam  
 Vsq; adeo assimilas, inuet auscultare canentem,  
 Si vacat, & solita sunt te oblectare camœnæ.

Illà parente Deo Ioue magno, fratre superbit  
 Gradiuo, tum forte acres in bella phalanges  
 Si quando exacuit, latè timor occupat vrbes,  
 Turbati tremuere hostes, ac terga dedere.  
 Ipsa hastam quatit, atque horrenti gorgone senit.  
 Ante Deam diræ effigies, terrorq; minaq;

Sanguinæ,

sanguineæ, & dans terga pauor, visq; impia, & ira,  
 Vinculaq;, vindictæq; astant, & mortis imago.  
 At vero positis armis, atq; ægide dira,  
 Mollius humanas si demittatur ad artes,  
 Mansuetosq; vsus, tum dulcia carmina cantat,  
 Et facilem exercet musam, aut heroica gesta  
 Describit, numeris'ue orbes metitur & astra.  
 Sin autem imperijs & maiestatis honore  
 Gaudeat, æternæ ramis insignis oliuæ  
 Aut iustas sancit leges, aut iura ministrat,  
 Aut arces struit, aut medias regina per vrbes  
 Incedit, matresq; super longe eminet omnes:  
 Condensi agglomerant altis clamoribus aphri,  
 Spectatumq; ruunt, arasq; & publica ponunt  
 Tempia Deæ, plausu resonat Tritonia ripa.  
 Tu pariter magno Gallorum rege, Deoq;  
 Ac Ioue nata simul, Germano Marte superbis.  
 Nam Martem quisnam esse neget, seu fortia nudus  
 Brachia, præualidosq; artus, atq; Herculis armos  
 Ostendit, Taurumq; vno prostrauerit ictu:  
 Sive acrem pictisq; armis spectandus & auro  
 Pressit equum, struxit'ue acies, & victor in hostes,  
 Ceu torrens, signa atq; viros sternitq; fugatq;:  
 Fulmineo ve Iouis tonitrus imitatus & arma  
 Tormento, nuiros & magnas diruit vrbes?  
 Te quoq; tantorum comitem, partemq; secundam  
 Bellorum, si quando acies atq; arma mouenda  
 Perculsa tremuere vrbes, horrorq; pauorq;  
 It campis, Mars Germanam comitatur ouantem:  
 Attoniti spectant populi, gaudentq; tueri.  
 Nunc primum, nunc & medium, nunc agmen obire  
 Postremum, nunc pellere equum, nunc tendere in hostem,  
 Turbantem cuneos, & abactis agmina signis.  
 Assistunt comites circum solertia, & astus,  
 Et magna audentes animi, & tolerantia dura,  
 Curaq;, sedulitasq; vigil, spesq; alta, laborq;,  
 Et Diuum fauor, & ventis fortuna secundis,  
 Pone sequens magno graditur victoria plausu.  
 Nec minus horrenti a bello, partisq; triumphis



Si iuuat ingenij, pacisq; incumbere in artes,  
 Nunc lauro redimita comas, imitata sorores  
 Castalias, plectis numeros, & carmina dictas,  
 Carmina, nec rerum fato subiecta, nec æuo:  
 Nunc magnos dimensa orbes in templa Deorum  
 Attollis animos, patrioq; assuescis olympo:  
 Nunc tua describis vel regum gesta tuorum,  
 Aut eadem depingis acu. Stant curribus altis  
 Et pater, & proauus, cunctiq; ex ordine reges,  
 Captiuosq; hostes, & victos colla Tyrannos  
 Ante rotas longis ducunt in templa triumphis:  
 Ipsa opus & textum stupet immortale Minerva.  
 Quam vero, ò quam te dicam, quum legibus æquis  
 Iustitiâq; feros populos frenasq; regisq;  
 Et diuina doces iura, & ciuilia ferre:  
 Aut arces tollis, aut propugnacula condis:  
 Aut matres inter medias, populosq; frequentes  
 Incedis regina. fauor comitatur euntem,  
 Maiestasq;, pudorq;, tamen qui Pallada possit  
 Armatam, & Martis gradientem in bella decere.  
 It dextra pax lata manu, & prætendit oliuam.  
 Applaudunt Sequani, floresq; & lilia passim  
 Effundunt, gaudentq; tuas attollere laudes,  
 Reginamq; Deamq;, salutiferamq; saluant,  
 Et pace insignem, & bello ferroq; potentem.  
 Fortunata nimis, magnus quam Cæsar, & omnis  
 Suspicit exoratq; orbis, cui lumine tellus  
 Foelici arridet, totus cui militat æther.  
 Dûs quanquam visum aspectu tibi debita regna  
 Paulisper priuare tuo, seu crimine ciues  
 Id meruere aliquo, seu te tua fata reseruant  
 Ad maiora, viamq; tuis virtutibus amplam  
 Expediunt, panduntq;. Etenim iam tempora lata  
 Illa instant, quum post lacrymas, post publica vota  
 Te tandem tua regna nouis decorata trophæis  
 Accipiant, & iusta tibi solennia soluant.  
 Iam ludi, festiq; dies, iam sacra parantur  
 Iam placidus ripa gaudet Meniascus amoena:  
 In templis pueri impubes, mixtæq; puellæ

'acra canent, ortusq; tuos ad sidera tollent:  
 Vt nascentem Vlnis primæ excepere camœnæ,  
 Melleq; & Aonio tetigerunt ora liquore:  
 Vt Charites fouere Deæ, et decus omne dedere:  
 Vt parua in numerum pedibus cunabula diuæ  
 Pellentes, manibus nentes fatalia pensa  
 Grandia concordēs cecinerunt fata sorores.  
 Stabunt ingentes sublati molibus arcus  
 Calati gestisq; tuis, factisq; tuorum.  
 Supra omnes humeris extans altaq; corona  
 Frater erit, senosq; ferox ex hoste triumphos  
 Ducet ouans. mox fortuna congressus iniqua,  
 Cum dura bellare Dea, et decernere dudum  
 Cogetur. longe illa euis in bella vocatis  
 Obicere aduersos, & toto nubila cælo,  
 Et casus, et monstra modis minitantia miris  
 Cernetur: Rex contra animis, et fortibus ausis,  
 Et virtute noua tandem superare cadentem,  
 Tendentemq; manus: tum ferro et compede vinctam  
 Prorrahē, et campo captiuam ducere aperto:  
 Nubila diffugere, et turpi deformia monstra  
 Victa fuga, vario bello consumpta fameq;  
 In cæcas latebras obscuraq; tartara condi.  
 O, mihi si tantum iuuenili in corpore vitæ,  
 Et tantum det Parca mihi, hæc ventura superstes  
 Vt videam, comiterq; tuos regina triumphos:  
 Mox etiam spectare queam et maiora parari.  
 En erit, en vnquam illa dies, cum Gallica signa  
 Attolli, et Sequanos compleri milite campos  
 Conspectiam, fremere arma Rhembs, fremere arma Cadurcos,  
 Aulercosq;, Heduosq;, et pictis Lingonas hastis?  
 In medijs regem secum catafracta trahentem  
 Agmina, sublimem sanctas procedere ad aras,  
 Per caput et sacram regum de more coronam  
 Iurantem, et Solymas repetentem debita sceptris  
 Regna suis: te parte alia fortes Ituriscos,  
 Andelos, Biturasq; feros in bella mouentem:  
 Consilij, tantoq; operi comitemq; ducemq;  
 Ascitam: nec non tanto sub rege coactam

In ferrum ruere Italiam, & socia arma trahentem  
 Signa sequi. mox ò liceat cœloq; secundo,  
 Et præfente Deo, tot sese addentibus vna  
 Prospicere immensum consterni puppibus æquor,  
 Carmeliq; procul rupes, & littora Iopes  
 Lata Dei classem, & victricia vela vocare,  
 Et trepidum Euphratem, & magni tremere hostia Nili.  
 Tunc ego non alium Martem, mihi Pallada poscam  
 Non aliam mihi: rex Mauors, tu, maxima Pallas  
 Sola eris. ò ego tunc gemino sub numine tutus  
 Per medios hostes videor densosq; maniplos  
 Victor agi, videorq; mea sub cuspide fractos  
 Munera magna tibi captiuos ducere reges:  
 Nec non & spolia ampla tuis addenda triumphis  
 Iungere, barbaricas vestes, regumq; Thiaras,  
 Armaq; , migdoniosq; arcus, lyciasq; pharetras:  
 Cernere & exanimem fuso cum milite portas  
 Caucasæas atq; hircanos inquirere saltus  
 Maumethem, & sese extremis occludere bactris.  
 Hæc, precor, hæc propere eueniant foelicibus astris,  
 Si qua fata dabunt, votis si Iuppiter adsit.  
 Interea, siue hæc te cura & gloria tangit,  
 Seu pacem Europæ miseræ moliris, & arma  
 In superum sæuos hostes auertere tentas,  
 Magnanimo assistente tuis conatibus **ANNA**,  
**ANNA** spectato meritis, cui summa potestas  
 Tradita, quo rerum moles onerosa recumbit,  
 Quicquid agis, si quando animum conuertis ad ipsam  
 Italiam, neq; enim teneat non hæc quoq; cura,  
 Tunc dicas, cœlo ante alios mihi fidus in illo est,  
 Qui nisi pro rege inuigilans noctesq; diesq;  
 Illic res Italas, & regia munera tractet,  
 Gallica suspiret regna, & tabescat abesse.

Præterea, Dea bellipotens, quæ munera **CAESAR**  
**FREGOSVS**, parua illa quidem, sed congrua mitto,  
 Haud ingrata tibi latijs accedat ab oris,  
 Vna eadem, faciesq; tui, faciesq; Minervæ.  
 Quin etiam, quoties Dinam spectare iuuabit,  
 Te toties spectare puta. Sed, me quoq; tanti



*Si facies, si me tali dignabere honore,  
Cum memor ipsa mei fueris, tum nomine nostro  
Long æuamq; diem, & foelicia cuncta precata  
Dina tuum saluere iube super omnia Martem.*

AD FRANCISCVM TVRRIVM  
VERONENSEM.

**T**VRRI, si aut mihi villa & lar sit latior, aut tu  
Ferre domum tenuem possis, paruosq; penates  
Vrbe procul ruri sese abscondentis amici,  
Quantum ego te his mecum CAPHIIS in montibus opte.  
Montibus his, vbi, si querule nemora alta cicada  
Non rumpant, equidem vix norim æstatis adesse  
Tempora, tam leni mitescit Iulius aura.  
Sed quid, si est angusta domus, dum puluere & omni  
Munda situ: dum sit nullo turbata tumultu,  
Nescia curarum, nullius conscia culpæ:  
Alta vbi per totum sit pax, & amica camoenis  
Ocia, & integri per magna silentia somni?  
Quid refert, alius minio laquearia rubra  
Si inspicere, ipse velim fuligine nigra videre?  
Si non deiectum cælo Iouis igne Typhoëa  
Terrigenasq; alios, spirantia signa, videbis  
Admirans opus æterni memorabile IVLI,  
At bona libertas aderit, quæ rura beata  
Præcipue insequitur, simplexq; incedit & exlex.  
Hic tibi, si paulo digitus sit inunctior, aut si  
Potanti insonuit cyathus, vel si pede vtroq;  
Non steteris, nemo obijciet, nemoq; sedentem  
Arguet, hoc illi si fors super incubuit crus.  
Stare, sedere, esse ex libito, & potare licebit.  
Forsitan & mihi quid vitæ, quid sit studiorum,  
Nosse optas, quò vel damnes, vel singula laudes.  
Mane uenit, iuuat Auroram Solemq; videre  
Nascentem, qui non alio consurgit eoo  
Pulchrior, vnde noua letantur singula luce,  
Fracastory.

ZZZ Et

Et Sylva, scopuliq; & pictis nubibus aër.  
 Parte alia Benacum alto de colle saluto,  
 Centum cui virides inuergunt flumina nymphæ:  
 Ipse sinu magno genitor magno excipit amne.  
 Tum iuuat aut spectare boues mugitibus alta  
 Complentes nemora, aut pulsas in pascua capras.  
 Præcaperit, cui barba iubat, cui cornua pendent  
 Intorta, & grandes olido de corpore setæ.  
 Pone gregem reliquum compellit harundine virgo  
 Vpilio, multo armantur cui balthæa fuso.  
 Interea natos discentes rustica amare  
 Numina, vicini nemoris gelidam voco in umbram,  
 Qui libros, qui secum horæ solatia portant.  
 Hic legitur viridiq; thoro, saxone sedetur  
 Glandifera sub Fago, aut Castanea hirsuta.  
 At variæ circum syluis, & frondibus altis  
 Assuetæ ludunt volucres, atq; æthera mulcent.  
 Tum densum nemus, atque umbræ per gramina læta  
 Ieiunas nos inuitant spatiarier horas.  
 At fessi hæc inter pueri sitiuntq; dolentq;  
 Plus æquo retineri, & iam musasq; librosq;  
 Et Pana, & gelidi pinus odere Lycae.  
 Ergo præcurrere, & aquas, & vinâ pararunt  
 Lucenti in vitro, & flores sparsere nitentes.  
 Aduenio. primas atro litâ mora cruore,  
 Aut grossi mensas ineunt, Cors cætera, & hortus  
 Sufficit. Interea crebro sonat area pulsu,  
 Increpitat seges, & duri sub Sole coloni  
 Alternis terram feriunt, & Adorea flagris.  
 Fit clamor, resonat tellus rupesq; propinquæ.  
 Et palæ sursum strepitu iactantur inanes:  
 Læta Ceres alto ridens despectat Olympo.  
 Umbra diem reliquum, somnus, libriq;, viæq;  
 Producunt, dum siccâ æstu Canis excoquit urbem.  
 Verum, ubi cœruleis serus sese extulit vndis  
 Vesper, & in Cœlum surgentia sydera vexit,  
 Vicina è specula, magni admirator olympi,  
 Alta rupe sedens natis astra omnia monstro:  
 Accendoq;

Accendoq; animos patriæ cœlestis amore.  
 Illi admirari, & cognoscere sydera discunt  
 Capheaq; , Arctonq; , & seruantem plaustra Bootem.  
 Hæc ergo præferre vrbi, & contemnere magna  
 Si possis, quid te teneat, ne tu ocys ad nos  
 Accurras? etiam has sedes, hæc limina magnus  
 NAVGERVS subiit, nec dedignatus adire est  
 BATTVS amor musarum, ipsum quo tempore primus  
 Pana, atq; antiquos cecinit telluris amores.  
 Hic me etiam desueta Deæ, medicumq; , senemq;  
 Carmina iusserunt canere, & ridere beato  
 Illudentem urbem, & male sani murmura vulgi.  
 Verum, hæc GIBERTVS ne viderit ipse, caueto:  
 Ni forsan Bubulone animum, curasq; relaxans  
 Propter aquam viridi lætus confederit herba  
 Qui placidus leni descendit Tartarus amne.  
 Scilicet hic numeros non aspernatur, & audit  
 Nos etiam, & nostram, quamuis sit rustica, Musam.  
 Verum, vbi se sibi restituit, mentemq; recepit  
 Illam alto intentam cœlo, seu sacra sacerdos  
 Munera obit, totum seu contemplatur olympum,  
 Tum supra & musas, & ruris numina supra est,  
 Vitam agitans Diuûm, Dÿs se cœlestibus æquans.

**S** Acrorum si plena Deo sunt pectora vatam,  
 Si norunt triplices fata futura Deæ:  
 Fortunate infans, verus tibi gloria vates  
 Grandia concordēs concinuere Deæ.  
 Ecce tuo felix nasci nouus annus ab ortu  
 Incipit, atque omen nomine habere tuo.  
 Cresce cito, magniq; patris mirarier acta  
 Incipe, & inuicti CAESARIS arma sequi.  
 Tempus erit, tibi cum partis iam mille trophæis  
 Et fessi rebus compositis Latij,  
 Barbaricis captis opibus, Ducibusq; subactis  
 Multa tibi circum tempora laurus eat.  
 Tum læta ante tuum stabit victoria templum,  
 Claudet & aerata lumina athena sera.

ZZZ ij Impositum



**I**mpositum quum te pheret ro miserande **MADRVTI**  
 Cerneret illachrymans Cæsar, circumq; videret  
 Et spolia, & victis erepta ex hostibus arma,  
 Et modo victrices iuxta moerere phalanges,  
 Quantum (inquit) tua Mors nostris inimica triumphis  
 Lætitiæ, decorisq; adimit, spes quanta futuri  
 Tecum **ALIPRANDE** cadit. Sed nō tua viuida virtus,  
 Vt te hunc aspicerem, tua non promiserat ætas:  
 Sed fore, qui Solymis mecum atq; oriente subactō,  
 Barbaricis regum spolijs & mille trophæis  
 Olim magna tui decorares templa Tridenti.  
 Inuidit mors tanta tibi. Vos nobile corpus  
 Ferte Ducis vestri iuuenes, & reddite matri  
 Exanimi: sed & hæc misera solatia ferte,  
 Se tantum peperisse virum, qui Cæsaris vsq;  
 Et comes, & benegestarum pars maxima rerum,  
 Cæsaris ex animo nullo delebitur æuo.

**D**Vm Medica **MONTANE** doces ope vincere fata,  
 Et Lachesi inuita viuere posse diu,  
 Lethæo indignans pressit te parca sopore,  
 Et secuit vitæ grandia fila tuæ.  
 Sic, animas & tu Asclepi dum subtrahis orco,  
 Te quoque sæuorum perdidit ira Deūm.

**AD ALEXAND. FARNESIVM**  
 Cardinalem amplissimum.

**P**Riscæ virtutis, Romani & sanguinis hæres  
**FARNESI**, quoniam nec Diij munuscula læta  
 Despiciunt, hominum spicas, acserta rosarum,  
 Iibaq; & exigui deuotum thuris honorem:  
 Tu quoq; (si mores imitari, ac facta Deorum  
 Præcipue Heroum est) non dedignabere parua  
**FRASTORI** quæ dona tui natusq; paterq;  
 Perpetui affectus monumenta, ac pignora mittunt.  
 Hos tibi patre Lyco, Scylla genitrice gemellos

Dat

Dat natus sua dona canes. Scyllæ inclita origo  
 A Nilo est: Lycus à magno descendit Araxe.  
 Qui quondam Euganeas transmissi munus ad oras;  
 Præstabant cunctis, siue aprum figere morsu  
 Esset opus, rapidum cursu seu vincere ceruum.  
 Horum igitur sobolem natus tibi ab ubere matris  
 Nutrijt ablatam, & nostris exercuit aruis  
 Venatu assiduo, & vires durante labore,  
 Nostrorum famam nemorum, geminumq; ferarum  
 Terrorem, nunc ille tibi quam mittit habendam,  
 Romanis eadem in campis si forte sequetur  
 Gloria, & ignota fors in regione iuuabit.  
 At genitor, nati cum munere, carmina mittit  
 Hæc tibi: quæ, quanquam tristi fugiente senecta  
 Letitias cantusq; , tamen voluere camœnæ  
 In te vnum, Dominæq; mei, nimiumq; potentes,  
 Ut canerem, musaq; canes comitarer amica.  
 Ergo tot rerum curis, ac pondere tanto,  
 Quo premeris, dum rem Romanam, ac publica curas,  
 Siquando defessum animum, mentemq; remittes  
 Liber, & ad dulces poteris te vertere musas,  
 Hæc quoq; nostra leges: ea si dignabere tanti,  
 Inter Romanas ut eant spectanda camœnas.  
 Quod si etiam recreare animum corpusq; iuuabit  
 Venatu, & latos saltus ac densa ferarum  
 Lustra fatigare, & capreas agitare fugaces,  
 Tum canibus miscere tuis, tecumq; vocare  
 Ne pigeat nato missos. hirsutior ille  
 Cuncta niger, tantum pedibusq; & gutture canus,  
 Non inuitus herum Tyberonis voce sequetur.  
 Ast Athiso (nanque hoc alter de flumine nostro  
 Nomen habet) nec cursu impar, nec dente minaci  
 Segnior, anguineo suffusus terga colore,  
 Frontem albo pictus discrimine, pictus & albo  
 Cervicem, caudamq; imam, pectusq; , pedesq; ,  
 Addictus lateri nunquam discedet herili:  
 Tantus amor domini: nisi forte cupidine prædæ  
 Conspectæ impatiens etiam retinacula frangat.  
 Hic tu, vel pulchro Calai, vel Tyndaridi alto

Polluci similis, sylvas latratibus omnes  
 Complebis, rupesq; hominum clamoribus altas,  
 Vectus equo hæmonio, & fulgenti clarus in ostro.  
 Attonitæ visu discent nemora inter amare  
 Rusticæ Hamadriades, discetis amare Dianæ  
 Insuetæ comites: volucris sed concitus ille  
 Fertur equo, vestrosq; aliò deportat amores,  
 Insequiturq; feras. ah ne illum accensa cupido  
 Venandi, excitos syluis impellat in Vrsos:  
 Ne in sæuos impellat apros: tibi cura, Dione  
 Aeneadum genitrix, sit custodire nepotem,  
 Et iuuenem ilicea defessum sistere in Umbra.  
 Sat syluis animoq; datum est: illum sua Roma  
 Poscit, et expectat lati res publica mundi.  
 I spes magna Urbis, rebusq; vocantibus adsis.

Interea, quando mihi Diuus habere semper,  
 Ipse tibi C A P H I I S sacras in montibus aras  
 Institutam, qua se summo de vertice collis  
 Tollit, et æquatum Benaci prospicit æquor,  
 Et virides olea ripas, patriamq; Catulli.  
 Hic tibi solennemq; diem, et renouanda quotannis  
 Sacra, tuo statuam semper de nomine dicta.  
 Tunc rosa, tunc violæ, tunc purpurei hyacinthi,  
 Verbenæq; senem deceant, tunc texere flores,  
 Et viridem cano capiti imposuisse cororam,  
 Lætitiæq; diem et multo producere Baccho,  
 Fallentem senium, et curas de corde fugantem.  
 Forsitan et musarum aliqua, et tibi fautor Apollo  
 Plectræ mihi, citharamq; dabit: Deus ipse canentem  
 Perq; tuos annos, perq; acta illustria ducet.  
 Infanti ut prima impellens cunabula Pallas  
 Adcecinit cantu graio, cantuq; latino,  
 Scilicet et fari lingua asuefecit utraq;.  
 Ut puerum aonio perfusum labra liquore,  
 Per dulces musarum hortos et amœna vireta  
 Perduxit, nunc Vranie, nunc Calliopea,  
 Nunc Clío monstrante viam, nulla; sororum  
 Non donante rosas, etserta virentia lauro.  
 Tum mores animumq; dedit, sensumq; senilem,

Atq;



Atq; urbem regere, ac sacro splendere galero.  
 Nec iam Roma capit, sed lata in regna vocatum  
 Ad pacem Europæ, non te maria alta fatigant,  
 Non iuga, non toties superatis nubibus alpes.  
 Te pœniæ arces, celerem te Norica saxa  
 Spectarunt rapido montana per ardua cursu,  
 Quantum Sol coeli, tantum telluris obire  
 Matre Dea comitante, & iter monstrante nepoti.  
 Nec satis hæc: maiora vrgent. Germania nuper  
 Grata Deo, nunc ingenijs elata superbis  
 Detrectare iugum Imperij, & se opponere patrum  
 Sanctorum placitis, & sacris legibus audet:  
 Nec iam Pontificum, nec iam vllos Cæsaris audit  
 Infœlix monitus, sed læuo numine Diuum  
 Arma parat: socium Cæsar te poscit in hostes,  
 Pro sceptro Imperij, pro religione Deorum.  
 Tunc primum stupida gentes videre latinæ  
 Te, **F R A T R E M Q.** tuum patria virtute, animisq;  
 Inuictis pariter, res duri & munera belli  
 Tractantes: gemini quales duxisse feruntur  
 Tyndaridæ pulchri graias in bella cohortes.  
 Tunc primum Romana acies, antiquaq; virtus  
 Visa fuit: Ducibus tantis Mauortia pubes  
 Magnanimi Aeneadæ, memores virtutis auitæ  
 Bella cient: Italo pleni iam milite campi  
 Densantur: iam procedunt longo ordine signa  
 Sublata in ventos, lateq; inimica minantur.  
 Nec mora, iam summis Romanus miles, & arma  
 Alpibus apparent: concussa motibus illæ  
 Fuderunt gemitus, longe vagus audiit Oenus,  
 Obrigitq; gelu: riguerunt flumina Rheni,  
 Et pauidus fluxit demissis cornibus Ister.  
 Romanum ad nomen planxerunt pectora matres,  
 Charaq; in hercinias traxerunt pignora sylvas.  
 Sed quomē rapitis musæ? quid facta renoulo  
**F A R N E S I?** Maiora animo iam concipe, teq;  
 Impaudum, inuictumq; alijs accinge triumphis.

Adiu-

## A D I V L I V M I I I.

Pontificem Maximum.

**M** Axime Diuini pastor gregis inclyte V L I,  
 In terris cui summa vni est concessa potestas,  
 Sceptra vicesq; Dei gerere, & regna infera ditis,  
 Cœlorumq; fores aperire, & claudere posse:  
 Si tu, dum magnæ Italiæ, dum prospicis omni  
 Europæ, & vasta mundi sub mole laboras,  
 Paulisper potes à tantis secedere curis,  
 Et potes agrestes pastorum audire camœnas,  
 Nunc aures adhibe placidas mihi. Nanque ego, quæ Pan,  
 Pan magnus cecinit nostros ventura sub annos,  
 Nunc referam, tua magne pater pars maxima quorum est,  
 Cuius ab auspicijs Parcæ noua sæcula voluunt.  
 Nec te pœniteat pastorem audire canentem,  
 Quando etiam Admeti tauros formosus Apollo  
 Pauit ad Amphrysi ripas, tenni q; cicuta  
 Non puduit cantare Deum sub regmine acerno:  
 Et veneri dilectus oues ductauit Adonis.  
 Scilicet & tu etiam post grandia nomina pastor  
 Diceris, atq; hoc in primis cognomine gaudes,  
 Et pecudes curare soles, pecudumq; magistros.  
 Forte ego, dum medio terras Sol excoquit æstu,  
 Ipse Sueffani pastor puer Incola campi  
 Ducebam pastas viridi de valle capellas  
 In nemorum secreta, umbras & frigora querens,  
 Qua placidus cursu descendit in æquora Liris.  
 Est lucus, prisca quem sacrauere latini  
 Syluano: in cuius medio densa ilice cinctum  
 Est pratum, agrestes vbi Dij persæpe videri  
 Audiri q; solent: hîc Capripedes Satyriscos  
 Pastorumq; manum iunctis per mutua palmis  
 In girum carere, & lætas agitare choreas  
 Inuenio adans. medius hæc agnus ouantem  
 Ad calamos, cantusq; regit ducitq; coronam.  
 Dumq; Deus canit ipse, silet tum cætera pubes.

Dum

Dum filet ille, alij Thyasos, cantusq; , sequentes  
 Instaurant, repetuntq; Dei postrema canentis.  
 Ingeminat postrema nemus, respondet & Echo.  
 Tum me respiciens, mihi sanguine proximis Acmon,  
 Acmon aquinatis pastor gregis, huc pergit, inquit,  
 Huc ades o Neore, & te his choreis:  
 Aut, spectare, si te inuat, aggere ab illo  
 Prospice, dum saturæ sua ducant ocia capræ.  
 Cui ego, cum inueneris hoc de cespite vestros  
 Spectantem lusus, molli requiescere in herba.  
 Et tum forte Deus buccas sandice rubentes  
 Inflans, & picea frontem præinctus acuta,  
 Ad calamos circumstiliens, hæc cuncta cantu  
 Fatidico insanus lata, præbat ad auras.

Dicite Io Satyrisci, & Io geminate coloni,  
 Aurea foelici nascuntur secula mundo.

Excipiunt Iuuenes, iterat nemus, assonat Echo,  
 Aurea foelici nascuntur secula mundo.  
 Tum sequitur Deus, ante tamen rex magnus Olympi  
 Bellumq; , horribilemq; famem, diramq; flagellis  
 Armatam Alecto è tenebris, & faucibus Orci  
 Immittet terris, genus ut mortale coercens  
 Castiget, fraudesq; hominum, fastusq; superbos,  
 Et luxus, & spes miseras, & gaudia vana:  
 Dum tandem sese, atq; Deos cognoscere discant.  
 Mox tantum expectatum illud, quod carmine Tro  
 Tot vates cecinere pij, foelicibus astris  
 Adueniet tempus, quo Mons ille arduus, ille  
 Mons ingens, sublime caput super omnia tollat  
 Culmina, sydereum qui vertice tangat Olympum:  
 Quò neque vis ventorum adeat, non fulminis ignes.

Dicite Io Satyrisci, & Io geminate coloni.

Aurea foelici nascuntur secula mundo.

Hoc in Monte, Dei pecudes pascentur & Agni,  
 Graminis æterni pingues, & Velleris aurei.  
 Exilient & aquæ viuæ, quibus vbera capræ  
 Grandia distendant, distendant vbera vaccæ.

Fracastorij.

Non



# C A R M I N V M

Non malus hîc serpens, non noxia creuerit herba,  
 Non sentes, sterilis'ue filix, non frigida Taxus,  
 Sed bis lecta seges, sed bis gravis vna racemis:  
 Corticibusq; cauæ sudabunt balsama pinus.  
 Hinc magnis præcæm animis, & fortibus ausis  
 Fortunata nimis pastorum hæc secula habebunt,  
 Qui virtute regat populos, & legibus æqui:  
 Diuinas qui impingunt oues, & pascua latè  
 Extendat, pecudesq; ipsas, & ouilia seruet.  
 Hîc primum diram Aleæto, & Cocytia monstra  
 Cauasea ærata religabit rupe catena.  
 Inde famem miseram è latio, populisq; Deorum  
 Pellet in hostiles gentes, & barbaræ regna.  
 Tum læta libertas, segetumq; onerata manipulis  
 Alma Ceres Italas spicis venerabitur aras:  
 Quam circum pueri salient, & rustica pubes,  
 Ridentesq; iocos, incomptaq; carmina dicent.  
 At noti musis Damones & Alphe sibœi  
 Vota patri magno, laudesq; & sacra canentes  
 Aeternis illum numeris ad sidera tollent,  
 Heroemq; Deumq;, salutiferumq; vocabunt.  
 Dicite Io Satyrisqi, & Io geminate coloni.  
 Aurea foelici nascuntur secula mundo.  
 Ille animum mox ad pacem, & discordia regum  
 Pectora conuertet, sanctisq; hortatibus iras,  
 Atque odia, et cæcos regnorum et laudis amores,  
 Horrendamq; sitim cædis, fusiq; cruoris  
 Sedabit, pelletq; feri mala semina belli.  
 Tum Pax alma feret, et vos foelicis oliuæ,  
 Atq; Amor, et iunctis pariter Concordia dextris,  
 Et Genius comitum, et generis Hymenæus iutor  
 Inuisent latè populos, Iatijq; per arua  
 Lætitiâ, risusq; ferent: tum iusta cupido  
 Bellorum, piaq; arma, Dei vertentur in hostes.  
 Iam video augustis latè plena æquora velis  
 Feruere, iam trepidare vagi septem ostia Nili,  
 Euphratemq;, Tygrimq; suo se condere in amne.

Iam

*Iam nec Bactra ipsum capiunt, non India tota  
Maumetem fugientem, ipsum non caucasus ingens;  
Non qui tot sylvas, iuga tot comprehendit Imaus.*

*Dicite Io Satyrisci, et Io geminate coloni.*

*Aurea foelici nascuntur secula mundo.*

*Quæ nam, quæ properant tantæ per cœrula puppes  
Deuotæ ad Tyberim, magnæq; ad mœnia Romæ,  
Ceu densæ ad nidos latum per inane columbæ?*

*Agnosco gentem innoc, numerumq; beatum,*

*Fœlices animas, fatis al origine prima*

*Dilectas, quæ cœlo olim, Diuisq; fruuntur.*

*En iam sanctam urbem, iam septem in collibus aras*

*Impositas, summiq; pedes Pastoris adorant.*

*Hos inter, video, et nostri longa æquora sulcant*

*Arcades, Italiæq; petunt, fataliaq; arua*

*Arcades. ò Soli quondam cantare periti*

*Pastores, quos iustitia è tellure recedens*

*Postremos liquit, nunc rursus læta reuifit.*

*O sancti properate, vocat Deus æthere ab alto:*

*Vos alius iam grex, aliudq; expectat ouile.*

*Quin venit illa dies, quum nos quoq; Menala nostra,*

*Arcadiamq; omnem, qua immani à gente repulsi*

*Fugimus in latium, longo post tempore tandem*

*Visamus, dulcemq; auram. ò Placidissime Peneu,*

*O Ladon, vos ò gelidi pineta Iycæi*

*Quando ego per vestros meditabor carmina lucos,*

*Menalios quando recinet mea tibia versus?*

*Menalus auritas, dantesq; oracula quercus*

*Semper habet, semper doctas ille audit auenas*

*Concipe Menalios mea Tibia, concipe versus.*

*Talia cantabat memorans Pan magnus: at ACMON*

*Hæc referes puer, inquit, et hoc tibi munus habeto*

*Nunc paruum, ventura dies ma reseruat.*

*Tum mihi fiscellam dono dedit optimus ACMON,*

*Dicere et occasus astrorum, dicere et ortus,*

*Et quid quæq; ferat tellus, quæ commoda Baccho,*

*Quæ Cereri, quid nam ventos, quid nunciet hymbres,*

*Quæ*

# C A R M I N V M

Quæ tempestatum, cœli quæ signa sereni.  
Denique quæ cunctis natura sit indita rebus.  
Virtutem in primis & honestum, quemq; docere,  
Ac vitij ipse expers, aliena in dicere promptus.  
Et iam tempus erat pastum deducere capras.

## I N C I D E N S

AD IOAN. BAPTISTAM TVRRIVM  
VERONENSEM.

**I**LLA colum exercens saxo confedit aprico,  
Leta tepore nouo, & liquefacta Sole pruina:  
At iuxta nemore in magno grex pascitur omnis,  
Adeundem.

**F**Rigidus at syluis Aquilo si increuerit, aut si  
Hyberni pluuijs descendunt nubibus hymbres,  
Nos habeat domus, & multo lar luceat igne.  
Vpilio ingentem aut fagum, vel scissile robur  
Sufficiat, tum vos, claro quando igne soletis  
Iuniperi suaues circum diffundere odores,  
Et vos palladiæ flammis imponat oliuæ.  
Ante focum tibi paruus erit, qui ludat, Iulus,  
Blanditias ferat, & nondum constantia verba.  
Ipse legam magni tecum monumenta Maronis.  
O fortunatos nimium, si fata, quod æui  
Nos manet, hac vna dederint producere vitam.  
Adeundem.

**I**AM veniet ver purpureum, iuuenisq; reuertens  
Annus aget Zephyros, & cœlo desuper alto  
Deducet pleno genitalia semina cornu:  
Vnde hominum genus, & pecudum, vitæq; natantum,  
Et piæ & volucres, & amantes rorida plantæ  
In Venerem cœco æterni rapiuntur amore.  
Gaudete, ò quicumque bonum speratis agrestes,  
Quorum amor est sobolis, studiumq; nepotibus arua  
Incolere, & paruas vlnis attollere vites:  
Annus lo, nouus annus adest: mutatur & ætas,  
Et meliora nouo nascuntur sæcula mundo.



Bella pater procul, & diras Saturnus Erinnes  
 Arcebit caro è latio, ac sub tartara mittet.  
 Tum lethum, & cæcus furor, & vāsana cupido  
 Perpetuis extra terras religata cathenis  
 Perfoluent pœnas scelerum: at pax alta per omnem  
 Italiam magno populos sub Cæsare viſet.  
 Ille autem insignis ſpolijs, & mille trophæis  
 Inſtituet feſtos alta ad capitolia ludos.  
 Stabit onuſta iræ, tarpæi ad limina templi  
 Quercus honore jácra, & prænuncia temporis aurei.  
 Tum veſcæ glandes, tum terra ſponte ferente  
 Omnia: comparibus diſiunget colla iuuenis  
 Agricola, & rudibus mirabitur hordea ſulcis  
 Sponte adolere ſua, & nullo frumenta colono  
 Vndantem lætis ſegetem flauescere campis.  
 Noctibus in ſyluas & mollia præta ſerenis  
 Aethereo dulcem commixtum nectare rorem  
 Sudabit cœlum: tenera qui lectus ab herba  
 Mortales ſaturat menſa dapibusq; Deorum.  
 Salue magne Tybri, & vos natæ Tybride nymphæ,  
 Tuq; ſenex pater Eridane, & qui flumine tuſco  
 Benace in noſtro placidus perlaberis agro.  
 Tuq; Atheſis, cunctiq; amnes ſaluate latini,  
 Dijq; omnes magnæ Heſperiæ, qui ſæcula ſoli  
 Aurea Saturni primo meministis ab æuo:  
 Quum ſepes vel limes adhuc communibus agris  
 Non foret, aut vlli variarent iugera ſulci,  
 Sponte ſua ſed terra ferere daret omnia, & ipſæ  
 Præberent dulci victum de robore glandes.

Incidens ad eundem.

**Q**Varum pars brumæ impatiens, & condita terræ  
 Expectat ver egelidum, flatuſq; fauoni:  
 Pars paſſura hyemem, læta ab radice viſcit,  
 Emittitq; comam, ſiculumq; atq; altera beta,  
 Atq; ari virides, & odoriferæ calamint hæ,  
 Atq; olus, atq; rumex, & ſalſi gramina Crithmi.  
 Quas inter ſuaues mollesq; aſpirat odores

¶ ¶ ¶

ij

Nunc

Nunc, decus hortorum, menta; at, si vera loquuntur,  
 Nympharum quondam pulcherrima graiugenarum.  
 Tum iuuat & frondes Apij, & sisymbria leta,  
 Intubaq; & toto florentes frigore soncos  
 Incolere, atq; hortis aquilonem arcere nocentem.

Nox venit, & pastæ redeunt ad teſta capellæ.  
 Præcaper it, cui barba iubat, cui cornua pendent  
 Intorta, & grandes olido de corpore setæ.  
 Pone gregem reliquum compellit arundine virgo  
 Vpilio, multo armantur cui balthæa fuso.  
 At mater longæua, igni dum brasiſca feruet,  
 Mulctra effert, grauidaq; recens lac vberemulget.  
 Rusticus interea pinguis collector oliuæ,  
 Interea & validus prima de nocte bubulcus  
 Aduenere domum: congestatum focus orno  
 Ingenti, aut fago, vel fragmine roboris, ardet.  
 Tolluntur lætæ flammæ, lateq; relucet.

Aliud incidens ad eundem.

**A**T nemora, & liquidis manantia fontibus arua,  
 Et placidus myrteta inter, laurosq; virentes  
 Vicinus nitido Benacus labitur amne.

At focus, & circum pueri vernæq; canentes,  
 Dum cœna vndanti coquitur syluestris aheni,  
 Grandiaq; exurunt crepitantes robora flammæ,  
 Suspensæ & summis pendent laquearibus vna,  
 Malaq; castaneæq; & passo fistula ventre.  
 Hyberna de nocte, bouum stabula alta petuntur.  
 Vnâ omnes matresq; viriq; omnisq; iuuentus  
 Insomnem exercent noctem: pars pensa fatigat:  
 Pars texit teneros amerino vimine quallos:  
 Atq; anus hîc aliqua interea, dum vellera carpit,  
 Et teretem tremulo propellit pollice fustum,  
 Languentis oculos fabella fallit inani.

Aliud.

**M**Ane domi validos pluuia vt conclusit agrestes,  
 Cœditur iliceo distenta sagimine porca.  
 Lata domus. tum sollicita in farcimine mater

Pingue

*Pingue suis niueum, & dissecti frustra cerebri,  
Et niueum lac purpureo cum sanguine miscet .  
Tum semen maratri, atq; arentis gramina tymbraæ  
Adiicit, inspersoq; coli sale concana complet.*

**B**ATTVS amor Dryadū defunctum pastor IOLAM  
Flebat . eum fontes , Alpinaq; numina circum ,  
Sarcag; , pumiceoq; sedens Benacus ab antro  
Mœrentem lacrymis consolabantur obortis .  
Ille autem nulla accipiens solamina, tantum  
Deserta sub rupe, in littoribus Benaci,  
Talia nequicquam surdas iactabat ad vndas .

*Immites Diui , & crudeles vos quoq; Parcæ,  
Crudeles nimium Parcæ. Vos ibitis amnes ,  
Aëræ stabunt rupes : nusquam amplius ipse  
His terris, nunquam hoc cœlo agnosceretur Iolas .  
Vt cecidit ? semel in pratis vt purpureus flos,  
Quem tetigit vel hyems, vel iniquo Sirius astro .  
Currite iam fluuiorum vnda, & producite vitam ,  
Et rupes durate : tamen non alter Iolas  
Hos pecus in montes, non hæc ad flumina ducet.*

## AD M. ANTONIVM FLAMINIVM

*& Galeatium Florimontium.*

**D**V M vos fatidicos vates , arcanaq; sensa  
Voluitis, atq; animum cœlesti nectare alentes ,  
Alloquijs , magnoq; Dei consuescitis ori  
Fœlices Duce Gibberto, Campense magistro :  
Quid dicam miserum me agere, & quam ducere vitam  
Irequietum animi , & quærentem indagine vana  
Naturam semper fugientem : quæ se vbi paulum  
Ostendit mihi , mox facies in mille repente,  
Ceu Proteus, conuersa sequentem eludit, & angit  
Mœrentem senijq; horas, cassumq; laborem?

*Nuper enim tennes species , simulachraq; rerum ,*

*Quæ*



Quæ fluere ex ipsis dicuntur, perq; meare  
Omnia, dum seëtor meditans, tacitusq; requiro  
Ania sylvarum, & secreta silentia solus,  
Cognoui tamen his spectris illudier ipsis:  
Vt sensus feriant nostros, semperq; lacescant,  
Perq; fores, caulasq; animæ ludantq; meentq;  
Ac remeent, ipsamq; nec inter somnia linquant.

Ergo hoc elusum studio, fessumq; labore  
Tandem me miserata suos abduxit in hortos  
Musa memor, tetricumq; animum somno, atq; quiete  
Curauit, numerisq; & blando carmine fouit.  
Tum mihi. quo tandem ò semper mortalia quærens  
Hanc colere vsque voles terram? nunquàm ne relinques  
Has tenebras, nunquàm ne in lucem lumina tolles?  
An nescis, quæcunq; hic sunt, quæ hac nocte teguntur,  
Omnia res prorsus veras non esse, sed umbras,  
Aut specula, vnde ad nos aliena elucet imago?  
Terra quidem, & maria alta, atque his circumfluit aër,  
Et quæ consistunt ex ijs, hæc omnia tennes  
Sunt umbræ, humanos quæ tanquam somnia quædam  
Pertingunt animos, fallaci & imagine ludunt,  
Nunquàm eadem, fluxu semper variata perenni.  
Sol autem, Lunaq; globus, fulgentiaq; astra  
Cætera, sint quamuis meliori prædita vita,  
Et donata æuo immortalis, hæc ipsa tamen sunt  
Aeterni specula: in quæ animus, qui est inde profectus,  
Inspiciens, patriæ quodam quasi tactus amore  
Ardescit. sed enim, quoniam hîc non perstat, at vltra  
Nescio, quid sequitur auens, tacitusq; requirit,  
Nosse licet \* ipsum consistere verum  
Non finem: verum esse aliud quid, cuius imago  
Splendet in ijs: quod per se ipsum est, & principium esse  
Omnibus æternum, ante omnem numerumq; diemq;  
In quo alium Solem, atq; aliam splendescere Lunam  
Aspicias, aliosq; orbes, alia astra manere,  
Terramq; fluuiosq; alios, atque aëra, & ignem,  
Et nemora, atque alijs errare animalia sylvis:

Deniq;

Deniq; cuncta alia cernas vegetantia vita.

Ergo, vmbra cum iam satis, & specula illa, superq;  
Spectaris, longa iandudum in nocte pererrans,  
Fas tandem lucem, atq; ipsum perquirere verum.

Quod quoniam longe seiunctum est corpore ab omni,  
Nec nexus habet, aut affinem sensibus ullis  
Naturam, scito esse animum tibi dissociandum  
Corpore, purgandumq; omni contage recepta,  
Terrena labe, et mortalis luminis haustu:

Quarendaq; aliæ sylvæ, callesq; tenendi  
Sunt aliq, meliorq; Deum quæ semita monstrat.

Hæc musa. ò si te comitem dent rura beata  
Bardolena mihi, ò qui nos propter amoenum  
Benacum viridi sylvis in littore sistat:

Atq; olea, lauroq; tegat, detq; abdita vatium  
Sensa, et vtrinq; Dei præceptam euoluere legem.

Rura, oro, Gibbert tuo benacea vati  
Da, viridesq; oleas, et multa protege lauro.  
Ille tuas laudes primum canet, et tua facta  
Inclita Mæonijs numeris ad sidera tollet.  
Vt puerum mirata sacro cum Tybride Roma  
Ante annos meritis titulis et honoribus auxit.

Vt res Romana, et sacrorum tradita iussu  
Pontificum tibi summa in te vno sæpe resedit.  
Vt septem fremuere nouis applausibus arces.  
Maçte animis, maçte ingenio, tu trajcis æquor  
Barbaricum, et ferro reges in bella ruentes

Alloquijs frenas, et cœptosore tumultus,  
Armaq; et hostiles animos, et prælia sedas:  
Fœdera, amicitiasq; feris, pacemq; reportas  
Italix, populisq; Dei. nec te tamen ingens  
Terra capit. toto iuuenem tot plausibus orbe  
Exceptum, tua te pietas, tua maxima virtus  
In cœlum vehit, et terræ dat spernere honores:  
Dat contemnere opes, vniq; incumbere olympo,  
Ac solis Diuorum epulis, et nectare pasci.

Hæc vbi perpetuo cantauit carmine, et omnes

Respondent

# C A R M I N V M

*Respondent latè rupes. tunc concitus œstro  
 Fatidico, plenusq; Deo Dauidica vates  
 Ipse etiam pater interpret oracula soluit,  
 Dignus, qui ante omnes citharam pertractet eburnam:  
 Quam quondam Solymæ stupuere \* \* \*.*

F I N I S.

## R E G I S T R V M

\* A B C D E F G H I K L M N O P Q R S T V X Y Z  
 A A B B C C D D E E F F G G H H I I K K L L  
 M M N N O O P P Q Q R R S S T T V V X X  
 Y Y Z Z A A A B B B C C C D D D E E E  
 F F F G G G H H H I I I K K K L L L  
 M M M N N N O O O P P P Q Q Q  
 R R R S S S T T T V V V X X X  
 Y Y Y Z Z Z & & &.

Omnes sunt duerni nator & & & qui est tunc

ENETIIS APVD HAEREDF  
 VCAEANTONII IVNTAE.  
 M D L V.

recuperacione







## A N D R E A E      N A V G E R I I

## P A T R I C I I   V E N E T I

L V S V S.

**A**spice magna Ceres tibi quos semente peracta  
 Ducimus agrestes, rustica turba, choros.  
 Tu face, ne nimio semen putrescat ab imbre:  
 Neu sulcos rapido frigore rumpat hyems.  
 Neu sterilis surgat sylua infœlicis auenæ:  
 Et quæcunq; bonis frugibus herba nocet:  
 Neu terræ prostrata animosi flatibus Euri  
 Decidat: aut densa grandine læsa seges:  
 Neu direpta auide rapiant frumenta volucres:  
 Montræue, quæ terræ plurima sæpe ferunt.  
 Sed quæ credidimus bene cultis semina campis:  
 Vberius largo fœnore reddat ager.  
 Sicerit. interea niuei carchesia lactis  
 Fundite, & annofo mella liquata mero.  
 Terq; satas circum, fœlix eat hostia, fruges:  
 Cæsâq; mox sanctos corruat ante focos.  
 Nunc satis hæc. post messem alijs reddentur honores:  
 Et sacras cingent spiceaserta comas.

Auræ, quæ lenibus percurritis aëra pennis,  
 Et strepitis blando per nemora alta sono:  
 Serta dat hæc vobis: vobis hæc rusticus Idmon  
 Spargit odorato plena canistra croco.  
 Vos lenite æstum, & paleas seiungite inanes:  
 Dum medio fruges ventilat ille die.  
 Ille tuus Pan montiuage venator Iolas  
 Suetus in audaces cominus ire feras:  
 A quo & adhuc rictusq; suum, exuiasq; leonum  
 Sacra tibi agrestis munera pinus habet:  
 Nunc iam annis grauis hæc denicti cornua cerni  
 Dedicat, imbelli congrua dona seni.  
 Cum tamen herculeæ facta inter fortia clauæ  
 Is quoq; sit laudem visus habere labor.



STANB. N. A. V. G.  
Tu Diue hæc inter viridis decora illa inuentæ  
Suscipe : né ne illis esse minora puta.

Hanc vitem, multa quæ semper fertilis vna  
Haud vnquam domini fallere vota solet :  
Nunc etiam large florentem, consecrat ipse  
Vineti cultor Damis Iacche tibi.  
Tu face Diue tua hæc spem non frustretur : & huius  
Exemplo fructum vinea tota ferat.

Longius à pecore errantem per denia taurum  
Dum sequitur nemorum per iuga longa Lycon :  
Errantem scopulo capream conspexit ab alto :  
Continuo certo deiecit hanc iaculo.  
Mox etiam catulos sola sub rupe iacentes  
Inuenit : hos Crocali donat habere suæ.  
E caprea in viridi statuit conuiuia luco :  
Addidit & veteris pocula multa meri.  
Quod reliquum est, Pan semicaper cum cornibus ipsis  
Suspendum è pinu hac tu tibi tergus habe.

Quod tulit optata tandem de Leucade Thyrsis  
Fructum aliquem : has violas dat tibi sancta Venus.  
Post sepem hanc sensum obrepens, tria basia sumpsi :  
Nil ultra potui : nam propè mater erat.  
Nunc violas, sed plena feram si vota : dicabo  
Inscriptam hoc myrtum carmine Diua tibi.  
Hanc Veneri myrtum Thyrsis, quod amore potitus,  
Dedicat, atq; vnà seq; suosq; greges.

Et quercum, & syluam hanc ante omnia Thyrsis amabit :  
Et certo feret his annua vota die :  
Dum poterit memor esse, quod hac primum ille sub vmbra  
Vltima de chara Leucade vota tulit.

Venator celerem mœrens Augona Melampus  
Consoßum rapido dente ferocis apri :  
Hac illi in ripa tumultum, frondente sub vmbra,  
Erigit : hoc ipso concidit ille loco.  
Non impune quidem prædo sceleratus abiuit :  
Procubuit

Procubuit iaculis cæsus & ore canum.  
 Tutamen è cunctis canibus præstantior Augon,  
 Fide Augon, syluis qui modo terror eras:  
 Tu dilecte iaces. sed ab alta hac fascia pinu  
 Millusq; & millo vincula iuncta suo:  
 Quin decisa feri cervix tibi pendeat hostis:  
 Sintq; vnà ex animo signa dolentis heri.

Et gelidus fons est: & nulla salubrior vnda:  
 Et molli circum gramine terra vixet:  
 Et ramis arcent soles frondentibus alni:  
 Et levis in nullo gratior aura loco est:  
 Et medio Titan nunc ardentissimus axe est:  
 Exussusq; gravi sydere fernet ager.  
 Siste viator iter: nimio iam torridus æstus es:  
 Iam nequeunt lassī longius ire pedes.  
 Accubitu langorem, æstum aura, vmbraq; virenti,  
 Perspicuo poteris fonte lenare sitim.

Ante canes omneis pastori charus Amyntæ  
 Nuper ab illyrico littore missus Hylax,  
 Dum solitas agit excubias, & septa tuetur:  
 Nec vigilant socii cætera turba canes:  
 Quæ rapidus se se media inter saxa Timæus  
 Mergit: & inde iterum prosilit amne nouo:  
 Ille quidem sæua vitulos tutatus ab vrsa est:  
 Ipse sed ingenti vulnere cæsus, obit.  
 Constituit viridi tumulum de cæspite Amyntas:  
 Hæc voluit raram præmia habere fidem.  
 Mœsta gemunt armenta: mali furesq; lupiq;  
 Extincto hoc sibi iam cuncta licere putant.

Dat Cereri has Telephon spicas, hæc ferta Lyeo,  
 Hæc niuei lactis pocula bina, Pali.  
 Pro quibus arua Ceres, vites fecundet Iacchus:  
 Sufficiat pecori pabula lata Pales.

Cum primum clauso pecus emittetur ouili:  
 Vrbs mea Leucippe cras adeunda mihi est.  
 Hinc ego venalemq; agnum, centumq;, Chariclo

A N D. N A V G.

*Ipsa mihi mater quæ dedit, onæ fero:  
Affferri tibi vis croceos, niveos'ue cothurnos?  
An'ne colum, qualem nata Lyconis habet?  
Ipse feram quæ grata tibi. tu basia iunge:  
Gaudia Leucippe nec mihi grata nega.  
Cras, ubi nox aderit, odiosæ elabere matri:  
Hasq; inter corylos ad tua dona veni.*

*Illi in amore pares, vicini cultor agelli  
Thyrsis, cumq; suo Thyrside fida Nape.  
Ponimus hos tibi Cypri immortales amaranthos:  
Liliaq; in sacras ferta parata comas:  
Scilicet exemplo hoc, nullo debilis ævo  
Floreat æternum fac dea noster amor.  
Sit purus, talisq; vtriusq; in pectore candor:  
In folijs qualem lilia cana ferunt.  
Vtq; duo hi flores ferto nectuntur in vno:  
Sic animos nectat vna cathena duos.*

*Candida Niconoe viduæ spes vna Terillæ  
Montinagas iaculo figere certa feras,  
Hunc tibi sylvipotens arcum Latonia ponit:  
Atq; hæc in pharetra condita tela sua.  
Illam chara parens tenero sociauit Icasto:  
Ignoti q; iubet iura subire thori.  
Tu dea, si sylvis ægre discedit ab altis:  
Si lacrimas coetus deserit illa tuos:  
Tu bona sis, foelixq; illi: tu numine dextro  
Optata lætam fac dea prole domum.*

*Quæ duo fert collis fecundi vinitor Acmon  
Expressi primum cymbia plena meri:  
Hæc avidis musti satyris, mustiq; parenti  
Dat incunde tibi vitis Iacche sator.  
Illi illæsa suis linquant vineta rapinis:  
Tu tua fac largis auetibus vna fluat.*

AD VVLCANVM.

*Has Vulcane dicat sylvas tibi villicus ACMON:  
Tu sacris illas ignibus vre pater.*

*Crescebant*



Crescebant ducta è STATI propagine syluis:  
 Iamq; erat ipsa bonis frugibus umbra nocens.  
 Vre simul sylvas: terra simul igne soluta  
 Fertior largo fœnore messis eat.  
 re istas, phrygio nuper mihi consita colle  
 Fac pater à flammis tuta sit illa tuis.

Iam telas, calathosq; omnesq; perosa labores,  
 Quos vitæ quæstus pauperioris habet:  
 Palladio radium cum templo appenderet Eufro:  
 Iamq; sequi Venerem constituisset: ait.  
 Hactenus o mihi culta vale dea: & hæc tua multi  
 Instrumenta tibi plena laboris habe.  
 Iam tua perpeßam dudum mala, lenis habebit:  
 Adiungetq; suo me Cytherea choro.  
 Nec mirum, quam prætulit phryx arbiter: à me  
 Si prælata tibi nunc quoq; Cypris erit.

Dum furit Alcippes forma Nonacrius Almo:  
 Crudeli demum tabe peresus obit.  
 Almo capripedi non impar arundine Pani,  
 Quo nullus nymphis gratior Arcas erat.  
 Spargite odorato pastores flore sepulchrum:  
 Et simul infusum lacq; merumq; fluat.  
 Non iacet ille sub hac (vt vos male creditis) Vlmo:  
 In nemus Idaliuum transtulit alma Venus.  
 Hic Veneris pascitq; greges, cantatq; canentis  
 Vnà astant charites versibus: astat amor.  
 Quin etiam hunc Paphij nymphe non vltima coetus  
 Deperit: & parilis feruor vtrunq; tenet.  
 Nimirum foelix Almo: modo perfida virgo  
 Aspera sæuitiæ det documenta suæ.  
 Pastoris pereat succensa informis amore:  
 Respuat assiduas surdior ille preces.  
 Præbeat hinc sæuis tam dura exempla puellis:  
 Formosa vt fastus discat habere modum.

## A C O N.

Candida nymphe olim, & Pani dilecta lyceo  
 Crinibus, & culto conspicienda sinu:

Naugerij.

f

Nunc

Nunc vox flebilibus quæ semper mœsta querelis  
 Desertos scopulos, deniq; antra colis:  
 Salve Echo officiosa. tibi sub rupe canata  
 Ipse ego lanigeri ductor Acon pecoris  
 Constituam umbrifum frondenti ex ilice lucum:  
 Molliq; ex hœdera sarta virente feram.  
 Tu lenibus alle&ta modis sylvestris auenæ  
 Excipis è summo carmina nostra iugo:  
 Tu quoties querimur, duos miserata dolores  
 Nescio quid tristi flebile voce gemis.  
 Nec mirum, quod tu lacrimis mouearis amantum:  
 Perdidit infœlix te quoq; durus amor.  
 Ah misera, ipsa quidem & strophio subnectis olenti,  
 Et longa molles excolis arte comas.  
 Ipse puer cultus, ipse omnes odit amores:  
 Insequiturq; vagas per iuga summa feras.  
 Quin humiles addis voces: & verba precantis  
 Effugit: atq; omnes negligit ille preces.  
 Siste gradum immitis, non te violenta leana,  
 Non curuo sequitur dente timendus aper:  
 Sed quæ candenti facie, niveisq; papillis  
 Vel magno possit nympha placere Ioui.  
 Hæc aget & celeres tecum per saxa lacenas:  
 Eq; suis tendet retia rara plagis.  
 Siste gradum immitis, & quas nunc tendis ad vndas  
 Effuge: causa tuæ fons erit ille necis.  
 Heu miserande puer, tales ten soluere pœnas.  
 Ten decuit tam crudelia fata pati?  
 Magna parens, quæ cuncta leues producis in auras:  
 Totaq; diuerso germine picta nites:  
 Quæ passim arboribus, passim surgentibus herbis  
 Sufficis omnifero larga alimenta sinu:  
 Excipe languentem puerum, moribundaq; membra:  
 Aeternumq; tua fac dea viuat ope.  
 Viuet, & ille vetus Zephyro redeunte quotannis  
 In niveo candor flore perennis erit.  
 Tu mecum socias Echo coniunge querelas:  
 Et percussa nouis fletibus antra sonent.  
 Crudelis Telaira, meos quid spernis amores:  
 Quid miseras surda despicias aure preces.

*Hei mihi nulla ouium tangit me cura mearum:*

*Ex quo me iste tuus perfida torret amor.*

*It miserum pecus: & seri sub vespere umbras,*

*Per se ipsi redeunt in sua tecta greges.*

*Nec mihi iam niueo complent mulctralia lacte:*

*Densaq; permissa vellere terga gerunt.*

*Quin etiam aucupij studium, quo clarus habebat:*

*Languenti penitus excidit ex animo.*

*Ite leues passim syluis impune volucres:*

*Cuncta nouus nostra è mente fugauit amor.*

*Ocia agunt pedicæ, & lento lita vimina visco*

*In tenebris amites, nexaq; lina iacent.*

### D A M O N.

*Vos mecum è vitreis nymphæ Naucelides antris;*

*Vos mecum viridi paulum considite in herba:*

*Atq; hoc, quem canimus, dignum concedite carmen.*

*Sic vobis patrias circum vernantia ripas*

*Prata, neq; hybernis niuibus viduata, neq; æstu,*

*Sufficiant varios inserta nitentia flores.*

*Quis dolor ó syluæ, quæ vos è tenebat*

*Mœstities? quanto squalabant omnia luctu?*

*Cum ferus è gelidis descenderet alpebus hostis*

*Assidue: & Latias in prædam verteret oras.*

*Tum (reor) inuita creuerunt pabula terra:*

*Inuitæ è densis ceciderunt frondibus umbræ.*

*Quippe abigi raptas pecudes, passimq; videbant*

*Pastorum rapidos tectis innoluer ignes.*

*Ipsi etiam hyrcipedes fauni, satyriq; bicornes,*

*Ipsæ etiam in solos nymphæ fugere recessus:*

*Et se se ignotis occultauere latebris.*

*Et furor is fines prope iam peruaserat omnes:*

*Iamq; fugæ deerat nobis locus: undiq; senos*

*Cernere erat latis hostes discurrere campis.*

*Nulla vsquam tam secretis lustra abdita syluis,*

*Nulla aditu est tam difficili, tamq; inuia rupes:*

*Quò non sæpe greges subitis incurfibus acti*

*Fessa reclinarint in nudo corpora saxo.*

*Et tamen hinc etiam crebri eiecere tumultus.*

*Insuetæq; maris pecudes (miserabile visu)*



Qua pelagi medijs iter intercluditur vndis:  
 Adriacos videre sinus: & littore curuo,  
 Pro viridi cytiso, pro molli graminis herba,  
 Et spinis paliuri, & acuta carice pasta  
 Potarunt salsas nitidis pro fontibus vndas:  
 Et saepe irati timuerunt murmura ponti.  
 Quod si non nouus ex alto demissus olympo  
 Hanc cladem nostris deus auertisset ab oris:  
 Ausonijs esset nullus iam pastor in agris.  
 Nos miseri patria extorres, verum omnium egeni  
 Ah dolor, externas longe erraremus ad vrbes.  
 Hic nobis dulces saltus, hic pascua nota  
 Restituit, tutiq; inquit iam pascite tauros:  
 Iam solitas tuti collo suspendite auenas:  
 Et desueta diu responsent carmina colles.  
 Ergo omnes, veluti & Phoebo, Paniq; quotannis  
 Pastores certis statuent tibi sacra diebus  
 Magne pater: nostrisq; diu cantabere syluis.  
 Te rupes, te saxa, caue te maxime Iuli  
 Conualles, nemorumq; frequens iterabit imago.  
 At vero in nostris quaecunq; in saltibus vsquam  
 Quercus erit: vt quæq; suos dant tempora flores:  
 Semper erit varijs ramos innexa coronis:  
 Inscriptumq; geret foelici nomine truncum:  
 Tum quoties pastum expellet: pasta'sue reducet  
 Nostrum aliquis pecudes: toties id mente reuoluens,  
 Vt liceat factum esse tuo pater optime ductu:  
 Nullus erit, qui non libet tibi lacte recenti:  
 Nullus erit, qui non teneros tibi nutriat agnos.  
 Quin audire preces nisi dedignabere agrestes:  
 Tu nostra ante deos in vota vocaberis omnes.  
 Ipse ego bina tibi solenni altaria ritus  
 Et geminos sacra è quercu lauroq; virenti  
 Vicino lucas Nauceli in littore ponam.  
 Hic ripa passim in molli viridante sub vmbra,  
 Vere nouo dum floret ager: dum germinat arbor:  
 Dum vario resonant volucrum nemora ania cantu:  
 Annua constituam festis conuiuia ludis.  
 Ductores pecudum hic omnes, rurisq; coloni  
 Contendent iaculo, & rapidi certamine cursus  
 Horridaq;

Horridaq; agresti nudabunt membra palaestra.  
 Ipse pecu & tenero victor donabitur hoedo.  
 Præterea dulci cantabit harundine Damon  
 Carmina, quæ puerum docuit Sebethæius Aegon:  
 Olim cum procul hinc illis habitaret in oris.

Scilicet ut quondam Assyrij pastoris amore  
 Capta dea, & cœlum, & fulgentia sydera linquens,  
 Omnibus his chari præferret Adonidis ignes.  
 Fortunatè puer tecum formosa Dione,  
 Vnà tondet oues: Vnà ad mulctralia ducit:  
 Atq; immunda premit cœlestibus vbera palmis.  
 Dum te complexu teneat, non illa recusat:  
 Tecum inter pecudes vili requiescere culmo.  
 At Mars ipse deæ cura tabescit inani.  
 Fortunatè puer, medijs pecus errat in agris:  
 Tu viridi deiectus in vmbra, aut carmina cantas:  
 Aut posita in Veneris gremio ceruice recumbis.  
 Illa tibi amplexus molles, illa oscula iungit:  
 Charaq; odoratis exornat tempora sertis.  
 Sed tu nimirum, sed foelix tu quoq; Damon,  
 Cui licuit toties Aegonem audire canentem:  
 Diuiniq; senis sacros ediscere cantus.  
 Quod mihi magne pater, diuum si fata dedissent.  
 O quales tibi cantaret mea fistula laudes.  
 Et quodcunq; tamen foelix concedet Apollo,  
 Hoc te vnum canet, hoc vni tibi seruiet omne.  
 Nec quicquam magis optarim, quàm digna triumphis  
 Posse tuis: videorq; canens tua maxima facta,  
 Inferior nullo, non ipso Aegone futurus.  
 Ipse suo certet mecum si carmine Daphnis:  
 Ipse suo Daphnis cum carmine victus abibit.  
 Interea agrestis dignatus sibila cannæ,  
 Dexter ades nobis: & quæ facis, ocia serua.

Florentes dum forte vagans mea Hyella per hortos  
 Texit odoratis lilia cana rosis:  
 Ecce rosas inter latitantem inuenit amorem:  
 Et simul annexis floribus implicuit.  
 Luctatur primo: & contra nitentibus alis  
 Indomitus tentat soluere vincla puer.

311 B. IV XV G.  
Mox ubi lacteolas, & dignas matre papillas  
Vidit, & ora ipsos nata mouere deos:  
Impositosq; comæ ambrosios vt sensit odores:  
Quosq; legit diti messe beatus Arabs:  
I dixit mea, quære nouum tibi mater amorem,  
Imperio sedes hæc erit apta meo.

Nox bona, quæ tacitis terras amplexa tenebris  
Dulcia iucundæ furta tegis Veneris.  
Dum propero in charæ amplexus, & mollia Hyellæ  
Oscula: tu nostræ sis comes vna viæ.  
Ne ue aliquis nostros possit deprehendere amores:  
Aëra coge atras densius in nebulas.  
Gaudia qui credit cuiquam sua: dignus, vt vnquam  
Dicier illius nulla puella velit.  
Non sola occultanda cauis sunt orgia cistis:  
Solâ ne Eleusina sacra silenda deæ.  
Ipse etiam sua celari vult furta Cupido:  
Sæpius & pœnas garrula lingua dedit.  
Vna meos, quos & miserata est, nouit amores  
Officijs nutrix cognita fida suis.  
Hæc quæ me foribus vigilans expectat in ipsis:  
Inq; sinum dominæ sedula ducit anus.  
Hanc præter, tu sancta, latent qua cuncta, silentq;  
Tu dea sis flammæ conscia sola meæ:  
Quæq; libens astat nostrorum testis amorum  
Nobiscum tota nocte lucerna vigil.

Iam tristi canos glacie concreta capillos  
Afflatu tepidi fugit hyems Zephyri.  
Iam nitidum os ver molle auras in luminis audet  
Proferre: & teneros ferre per arua pedes:  
Tempora diuersis tollens halantia sertis  
Purpureo matris Cloridos è gremio.  
Summittit varios tellus fœcunda colores:  
Conuertit molles quò puer ipse gradus.  
Et passim, quacunque vagos deflectit ocellos:  
Diffugiunt toto nubila cuncta polo.  
It prope, & incutiens blandas in pectora flammis,  
Omnia iucundo accendit amore Venus.

Quam



Quam circum vario texunt è flore coronas  
 Perfusæ assyrio rore comam Charites.  
 Hinc atq; hinc mille aligeri pueri assultantes  
 Coniungunt certa spicula acuta manu.  
 Concipiunt dulces animalia cuncta calores:  
 Persultantq; vagi pabula læta greges.  
 Ipse suam de colle canens Amaryllida pastor  
 Pascentes tenui carmine mulcet oves:  
 Percussæq; noua dulcedine corda volucres  
 Dant letos passim per nemora alta sonos.  
 Sola gemit, ramoq; sedens miserabilis alto  
 Absumptum mater Thracia plorat Itym.  
 Di bene, quod nostræ tam longe à finibus oræ  
 Exactum hoc dira est in regione scelus.  
 Heu puer infelix, matri dum brachia tendit  
 Assueto cupiens se implicuisse sinu:  
 Illa ferox animi, cæcoq; agitata furore  
 Auulsum duro diripit ense caput.  
 Quid facis ah demens? ferro quem perdis iniquo;  
 Is lac dulce tuis hausit ab vberibus.  
 Huic tu longinquam votis optare senectam,  
 Huic solita es teneras dicere blanditias.  
 Heu miserum genitor nati, infelixq; sepulchrum;  
 Vt tibi nunc toto pectore sensus abit:  
 Infandæ nosti cum coniugis impia facta,  
 Atq; epulas mensis tristibus appositas:  
 Nempe furis: strictoq; ruis violentior ense:  
 Sed sublata alis effugit illa nouis.  
 Perpetuum fleat, Vt merita est: longisq; querelis  
 Antiqui poenas persoluat sceleris.  
 Nos TVRRI, dum florifero vere omnia rident:  
 Spirat & è summis gratior aura iugis:  
 Nos hic, qua nitida pellucens riuulus unda  
 Labitur: & leni murmure dulce sonat:  
 Cantemus molles formosæ Amathusidos ignes:  
 Quidq; ferox arcu, quid face possit amor.  
 Armenias domat hic tygres, sæuasq; læanas:  
 Eripit hic summo, cum libet, arma Ioni.  
 Hoc duce pallentes vmbrae cæagrius Orpheus,  
 Tristiaq; horrendi limina regis adit.

*Nec timuit, seuæue Hecates immania monstra,  
 Armatas ue atris Eumenidas facibus.  
 Hoc cogente, omni cum pectore consternatus  
 Abrupto nollet viuere coniugio.  
 Paulatim Euridices, veterumq; oblitus amorum  
 In Calaim tota mente Boreiadem  
 Exarsit: penitusq; insano perditus igne  
 Sensit feruentes intima ad ossa faces.  
 Formose ó Calai pulchræ genus Orythiæ  
 Te virides syluæ, te caua saxa sonant.  
 In te suspirat: solum te cogitat Orpheus:  
 Per te sollicito nulla quies animo est.*

*Dum te blanda tenent æstiuas rura per umbras:  
 Delitij; nimium rura beata tuis:  
 Ecqua tui mea lux tangit te cura poetæ:  
 An meus è toto pectore cessit amor?  
 Cessit amor certe: soluti cessere calores:  
 Absentis meminit nulla puella viri.  
 Non ita concussæ versantur in arbore frondes,  
 Cum grauis aduersum verberat aura nemus:  
 Quàm facile instabilem permutat foemina mentem,  
 Exclusus queritur, qui modo charus erat.  
 Non sic Penelope, non sic Capneia coniux  
 Antiqui meruit temporis esse decus.  
 Altera defuncti mœrens ad busta mariti,  
 Noluit abrepto viuere sola viro.  
 Altera bis denos potuit durare per annos:  
 Dum cupidos cauta detinet arte procos.  
 Foemina nunc varias tantum connectere fraudes  
 Nouit, & in nulla certa manere fide.  
 Quid queror hæc demens? duræ procul ite quere læ:  
 Ite: decent tristes tristia verba viros.  
 Latus ego: hos neq; enim sequitur mea Gellia mores:  
 Mutare incertos nec solet illa thoros.  
 Quin & mansit amor: soliti mansere calores:  
 Absentis meminit nostra puella viri.  
 Multa tamen timeo: tu multa ignosce timenti.  
 Hei mihi pars nostro nulla timore vacat.  
 Ah quoties vereor, dum picta per arua vagaris:*

*Dum*

*Dum rutilæ texis florida ferta comæ:*  
*Ne ruat è summis in te Saturnius astris:*  
*Sis uel alij cui uis grata rapina deo.*  
*Præsit Amimōnen medijs Neptunus in aruis:*  
*Dum premeret summum virginis urna caput.*  
*In medijs Io campis perpeffa tonantem est:*  
*Horridaq; hirsuta cornua fronte tulit.*  
*Hinc quoq; tartareo raptam Deoida curru*  
*Abstulit infernus in sua regna pater.*  
*Sydonis errabat nitidos Europa per agros:*  
*Cum medium fîcto per mare vecta boue est.*  
*Non tamen hos tantum causantur prata timores:*  
*Hei mihi quàm multos dat quoq; sylua metus?*  
*Hic habitant Satyriq; & agrestia numina Panes:*  
*Et timor errantum Faunus Hamadriadum.*  
*Hic versa in virides Daphne peneia frondes:*  
*Hic fera mutato Parrhasis ore fuit.*  
*Hic & semicaper spreta Nonacrius Aegla*  
*Arcadicæ forma virginis incaluit.*  
*Quod si tecum iisdem pariter versarer in aruis:*  
*Et domus vnanimes clauderet vna duos.*  
*Non ego coelicolum fraudes, non furta timerem:*  
*Vndique me socio Gellia tuta fores.*  
*Si versa est Daphne: Sicala Proserpina ab Aethna*  
*Si vecta est stygijs in noua regna rotis:*  
*Quid mirum? facile est deceptas fraude puellas*  
*Fallere, nullius quas tueatur Amor.*  
*Ipse ego perpetuo tecum mea vita manerem:*  
*Sic possem nullos extimuisse deos.*  
*Sæpe pererrabat tacitos Atalanta recessus:*  
*Tuta tamen fido Mimalione fuit.*  
*Cingeret obsessos seu curua indagine colles:*  
*Seu cuperet seuas cominus ire feras:*  
*Hærebat lateri semper comes ille: nec vnquam*  
*A domina lato longius vngue fuit.*  
*Ergo huic non summi fraudes nocuere tonantis:*  
*Inq; suo nullos sensit amore dolos.*  
*Sic ego per syluas tecum, & per prata vagarer:*  
*Grata essent sine te gaudia nulla mihi.*  
*Nunc pariter nitida recubare iuuaret in vmbra:*  
*Naugerij. g Et capere*



Et capere in viridi somnia grata thoro.  
 Nunc pariter nuda fontes innuadere fura:  
 Torrida dum siccus finderet arua canis.  
 Sæpius in syluis lepores captare fugaces:  
 Et volucres fictis fallere carminibus.  
 Sæpius in denso conuicia dicere luco:  
 Et madidas uerno flore ligare comas.  
 Sæpius umbroso choreas ductare sub antro,  
 Cum daret agrestes tibia pulsa sonos.  
 Ah quoties tales inter mea Gellia lusus  
 Inijcerem cupidas in tua colla manus:  
 Dulciaq; è roseis furarer basia labris,  
 Basia mi cunctis anteferenda bonus.  
 O niueam, siqua hæc referet mihi gaudia, lucem:  
 Gravior optatis non erit ulla meis.  
 Semper Erythræis signabitur illa lapillis:  
 Semper erit sacros inter habenda dies.  
 Nunc, quoniam tecum me non licet esse, caueto  
 Mutuus extincto ne cadat igne calor.

I O L A S.

Pascite oues teneras herbas per pabula lata,  
 Pascite, nec plenis ignauæ parcite campis:  
 Quantum vos tota minuetis luce, resectum  
 Fœcundo tantum per noctem rore resurget:  
 Hinc dulci distenta tumescunt vbera lacte:  
 Sufficiensq; simul fiscellæ, & mollibus agnis.  
 Tu vero vigil, atq; canum fortissime Teucon,  
 Dum pascent illæ late per prata, luporum  
 Incursum subitos, sæuasq; auerte rapinas.  
 Interea hic ego muscoso prostratus in antro  
 Ipse meos solus mecum meditabor amores:  
 Atque animi curas dulci solabor auena.  
 O formosa Amarylli, nihil te absente videtur  
 Dulce mihi: nunc & nitido vere omnia rident:  
 Et vario resonant volucrum nemora ania cantu:  
 Exultant virides ludunt armenta per herbas:  
 Lasciuq; agni, infirmisq; artubus hœdi  
 Cornigeras matres per florida prata sequuntur.  
 Non tamen ista magis sine te mihi lata videntur:

Quam

Quàm si trīstis hyems, nymbisq; rigentibus horrens.  
 Agglomeret gelido canas aquilone pruinas.  
 Dulce apibus flores, vini sitientibus herbis,  
 Gramen oui, capræ cythisus, Amaryllis Iolæ.  
 Non ego opes mihi, non cursu præuerrere ventos  
 Optarim magis, aut pecoris quodcunque per orbem est,  
 Quàm te Amarylli meis vinctam retinere lacertis:  
 Et tecum has inter vitam deducere syluas.  
 Est mihi præruptis ingens sub rupibus antrum,  
 Quod croceis hæderæ circum sparsere corymbis:  
 Vestibulumq; ipsum syluestris obumbrat oliua:  
 Hanc propè fons, lapide effusus qui desilit alto,  
 Defertur rauco per læuia saxa susurro:  
 Hinc late licet immensi vasta æquora ponti  
 Despicere, & longe venientes cernere fluctus.  
 Hoc mecum simul incoleres Amarylli: simulq;  
 Mecum ageres primo pecudes in pascua sole:  
 Mecum abeunte die pecudes caua in antra vocares.  
 Sæpe etiam denso in nemore, aut conualle virenti  
 Dum tenue arguta modularer harundine carmen:  
 Tu mecum ipsa esses simul, astaresq; canenti:  
 Quin & nunc pariter caneres: nunc dulcia nostro  
 Basiaq; & veneris misceres gaudia cantu:  
 O solum hoc superi misero concedite amanti.  
 Tum licet & rapiantur oues, rapiantur & agni,  
 Ipse tamen Cræso mihi ditior esse videbor.  
 Mollibus in pratis Lycidæ post Daphnidis hortos,  
 Purpureos flores texenda inserta legebas:  
 Cum te succincta tunica, fuscisq; capillis,  
 Et vidi simul, & totis simul ossibus arsi.  
 Ponè sequebatur Gorge soror, & tamen audax  
 Acceßi: sumq; ipse meos tibi fassus amores.  
 Risißti, & sertum, nitida quod fronte gerebas,  
 Tanquam ex se cecidißet humi, iecißti, abiensq;  
 Liqueßti, aduertens collegi protinus ipse:  
 Seruaniq; & adhuc tanquam tua munera seruo.  
 Et quamuis dudum folijs languentibus aret:  
 Non tamen est serto quicquam mihi charius illo.  
 Ex illo, semperq; fui tibi deditus vni,  
 Pulchraq; nulla meis oculis te præter habetur.

*Sape mihi Alcippe vicina & munera misit :*  
*Et dixit, formose puer, quæ munera mittit,*  
*Mittit & ipsum animum: tu & munera suscipe, & illum.*  
*Sed potius Amarylli alio quàm tangar amore,*  
*Sudabunt humiles flauentia mella genistæ:*  
*Et molles violæ dura nascentur in orno:*  
*Incultiq; ferent candentia lilia vepres.*  
*Et moestis vlulæ cædet philomela querelis.*  
*Quantum ver formosum hyeme est iucundius atra:*  
*Quantum mite pirum sorbis est dulcius ipsis:*  
*Quantum hirsuta capella suo setosior hædo:*  
*Quantum nocturnis obscuri vespers umbris,*  
*Puniceo exurgens aurora nitentior ortu est:*  
*Tantum Amarylli alijs mihi charior ipsa puellis.*  
*Hæ testes mihi sunt solæ, vicinaq; solis*  
*Populus hæc: cuius tale est in cortice carmen.*  
*Vellera cum setis aries mutarit, & hyrcus*  
*Velleribus setas, Amaryllida linquet Iolas.*  
*Sed nos dum longum canimus, iam roscida luna*  
*Apparet cælo: & rapidus deferbuit ardor*  
*Demerso iam sole: tamen miser ardet Iolas.*  
*Nimirum nostros nequeunt lenire calores,*  
*Nec quæcunque rigent Rhodæ in monte pruina,*  
*Nec quæcunque simul gelido durantur in Hebro:*  
*Fors tamen hos illa ipsa, potest quæ sola, leuabit.*  
*Sperando interea duros solabimur ignes.*  
*At vos, ne sero dum nox insurgit Olympo,*  
*Præsidio umbrarum fretus malus ingruat hostis,*  
*Iam pasto secura greges in ouilia abite.*

*Quam tibi nunc Iani donamus Hyella calendis*  
*Exprimit hæc vultus parua tabella meos:*  
*Nulla fuit cuiquam similis mage, pallet imago,*  
*Assiduus nostro pallor in ore sedet.*  
*Est excors: sine corde & ego, quod pectore nostro*  
*Ipsæ amor ereptum sub tua iura dedit.*  
*Non loquitur, mihi sic tua cum datur ora tueri:*  
*Torpet nescio quo lingua retenta metu:*  
*Vnum dissimile est nobis: foelicior vno est.*  
*Tam fæua quod non vritur illa face.*

Quod



Quod si etiam vretur, tuo enim sub lumine quicquam  
 Illasum flammis non licet ire tuis:  
 Non ut ego assiduo infœlix torrebitur igne:  
 In cinerem primo corruet illa foco.

Beate somne, nocte qui hesternâ mihi  
 Tot attulisti gaudia:  
 Utinam deorum rector ille cœlitum  
 Te è cœtu eorum miserit:  
 Quæ sæpius mortalibus vera assolent  
 Mitti futuri nuntia.  
 Tu, quæ furenti surdior freto meas  
 Superba contemnit preces:  
 Facilem Nearam præbusti: quin mihi  
 Mille obtulit sponte oscula:  
 Oscula, quæ Hymeti dulciora sint fanis:  
 Quæ suauiora nectare.  
 Vere beate somne, quod si sæpius  
 His diue me afficias bonis:  
 Fœlicior cœlestibus Deis ero,  
 Summo nec inferior Ioue.  
 At tu proterua quolibet fuge: eripe  
 Complexibus te te meis:  
 Si somnus iste me frequens reniserit:  
 Tenebo te, inuitam licet.  
 Quin dura sis, sis quamlibet ferox: eris.  
 Et mitis, & facilis tamen.

CANALE optime, tuq; BEMBE, nostri  
 Amantissimi Vtrique, amati Vtrique  
 A me non minus atque Vtrique ocelli,  
 Quid rerum geritis? valetis? atque  
 Absentis memores sodalis estis?  
 Quid vestra faciunt bonæ camœnæ?  
 Scripserunt ne aliquid noui, meum post  
 Discessum? puto: nanque quicquid oci  
 Per vestras datur occupationes,  
 Id vos in studijs bonis locatis.  
 Ad me mittite siquid edidistis,  
 Oro: nec socium bonum negate

Vestri

Vestri participem leporis esse.  
Sed quid cum Venere ipsa, amoribusq;  
Quàm vobis bene conuenit? caletis?  
Amatis ne? dei deaq; faxint  
Et foeliciter, & bene ipsi ametis,  
Quamq; ego leniusq; , leniusq; .  
Heu heu me miserum mei sodales  
Quàm sæuo teneor furore: quàm mi  
Totus, quàm grauis incubat Cupido.  
Non quod non amer: intimis medullis  
Ardet me mea Hyella, perditèq;  
Quantum quid pote perditissimum esse.  
Verum hoc me excruciat magis: potius  
Mea nam vetitum mihi puella.  
Quod si quando licet: nihil leuatur,  
Sed ferus magis excitatur ardor:  
Nam cum nec saturum recedat inde  
Cor mi: nec furor expleatur vnquam  
Charis basioli, papillulisq;  
Atque his, qui miserum necant, ocellis:  
Augescit magis, & magis. quid heu heu  
Aduerso paterer deo, atque iniquo:  
Si hæc incommoda sunt secundo amore?

Quamuis te peream æque Hyella totam:  
Nec pars sit mea lux tui vlla, quæ me  
Sæuo non penitus perurat igne:  
Fulgentes tamen illi, amabilesq;  
Illi, syderibus pares ocelli  
Nostri maxima causa sunt furoris.  
O chari nimis, ò benigni ocelli,  
O dulci mihi melle dulciores,  
Quando vos misero mihi licebit  
Vsque ad millia millies trecenta,  
Aut vltra hæc etiam, suauari?  
Di concedite mi, hoc misello amanti:  
Dein nil graue perpeti recuso:  
Quin & si peream, lubens peribo.

Dispeream nisi tu vita mihi charior ipsa,

Atque

Atque anima, atque oculis es mea Hyella meis.

Dispercam nisi ego vita tibi charior ipsa,

Atque anima, atque oculis sum mea Hyella tuis.

Nec satis hoc: vellem pote quicquam his esset haberi

Charius, ut posses charior esse mihi.

Tu quoque idem velles, pote quicquam his esset haberi

Charius, ut possem charior esse tibi.

Di facite hæc longos concordia duret in annos,

Tamq; bonos mutant secula nulla animos.

Iam cœli referat fores

Aurato è thalamo exiens

Mater Memnonis, & diem

Læto pronocat ore.

Nos te maxime m. ni

Minister canimus patris:

Quo nullus qui hominum genus

Iam præsens inuuet, usquam est.

Tu nostras celer ad preces,

Aures protinus ad Deum has

Defers: nec tenues sinis

Euanescere in auras.

Tu, dum fers noua nuntia

VIRGINI ætherio patri

Dilectæ, quibus indicas

Magni vota tonantis:

Nobis fers noua nuntia:

Quis è faucibus impij

Erepti hostis, in aurea

Cœli templa vocamur.

Adsis ò bone: & in dies

Semper nos propius iunna:

Nec patrocínio tuo

Vnquam mitte tueri.

Vrbs, quam vetusto vectus ab Ilio

Post fata Troum tristitia, post graues

Tot patriæ exhaustos iniquo

Tempore, tot pelago labores,

Ducente demum Pallade, qua rapax



Cultos per agros Medoacus fluit,  
 Dijs fretus Antenor secundis  
 Condidit, Euganeis in oris.  
 Tu nuper flos, & decus vrbiū,  
 Quasunque tellus Itala continet:  
 Magnas tot artes, tot virorum  
 Ingenia, & studia vna alebas,  
 Te septicornis Danubij accola,  
 Te fulua potant flumina qui Tagi,  
 Longeq; semoti Britanni  
 Cultum animi ad capiendum adibant.  
 At nunc, acerbi heu sæua nece? tas  
 Fati, seueras vt pateris vices:  
 Vt te ipse vastatam vel hosti  
 Conspicio miserandam iniquo.  
 Quid culta tot pomaria conquerar?  
 Tot pulchra flammis hausta suburbia?  
 Quid glande deturbata ahena  
 Moenia? præcipitemq; sæui  
 Mauortis iram? bellaq; persequar  
 Horrenda? squammis ille adamantinis,  
 Ferroq; consertam rigenti  
 Induerat clamydem trilicem.  
 Fremensq;, & atrum lethifera manu  
 Telum coruscans, secum odia, & necis  
 Contemptum, & insanos tumultus,  
 Secum animos, rabiemq; agebat.  
 Ille vrbe ab imis sedibus eruta  
 Impleffet omnes funeribus domos:  
 Non ille vel sexu, vel vllō  
 Efferus abstinuisset æuo.  
 Qui modo ingentes animo parabam  
 B E M B E bellorum strepitusq;, & arma  
 Scribere, hoc vix exiguo r. le audax  
 carmine sc. po.  
 Nempe amor magnos violentus ausus  
 Fregit iratus: velut hic tonantem  
 Cogit, & fulmen trifidum rubenti  
 ponere dextra.

Sic eat,

Sic eat, fors & sua laus sequetur  
 Candidæ vultus Lalages canentem, &  
 Purius claro radiantis astro  
 frontis honores.

Nota Lesboæ lyra blanda Sapphus:  
 Notus Alcæi Lycus, altiori  
 Scripserit quamvis animosum Homerus  
 pectine Achillem.

Dia Tithoni senioris vxor,  
 Quæ diem vultu radiante pandis:  
 Cum genas effers roseas rubenti  
 præmia soli:

Roscidos vt nunc per agros vagari  
 Sub tuo aduentu inuat: & recenteis,  
 Quæ tuos semper comitantur axes,  
 excipere auras.

Sicca iam sæuus calor vret arua:  
 Iam vagi aurarum lenium silescunt  
 Spiritus: iam sol rapidus furentes  
 exeret ignes.

Dum licet, lati simul ite amantes:  
 Dum licet, molles pariter puellæ  
 Ite, flauentes vario capillos  
 ne tite seruo.

Nunc simul telis positis amores  
 Matris hærentes lateri, & decentes  
 Gratia plenos referunt resecto  
 flore quasillos.

Per feros saltus, per iniqua lustra  
 Vndique occultas agitans latebras  
 Fertur, & sylvas varia ferarum  
 strage cruentat,

Clara Latonæ soboles: nitenti  
 Huic comæ in nodum religantur auro:  
 Pendet aurata ex humeris pharetra:  
 pendet & arcus.

Circum eunt nymphæ simul: illa cursu  
 Gaudet effusos agitare cernos:

Naugerij.

h Hanc

Hanc inuat certis iaculis fugaces  
figere lyncas.  
Nunc ab umbroso simul esculeto  
Dantias late queritur: querelas  
Consonum circa nemus, & iocosa  
reddit imago.

Nil tecum mihi iam Phœbe est, nil Nox mihi tecum:  
A vobis non est nox ue, dies ue mihi.  
Quantum ad me, vt libet, auricomæ Sol igneus axe  
Exeat eorum Thethyos è gremio:  
Vt libet, inducat tacitas Nox atra tenebras:  
Fert mihi noctem oculus, fert mihi Hyella diem.  
Nam quoties à me nitidos auertit ocellos:  
Ipsa in luce etiam nox tenebrosa premit.  
At quoties in me nitidos conuertit ocellos  
Candida & in media fit mihi nocte dies.

Dina, quæ has cœli generatim in auras  
Cuncta producis: cupidumq; amorem  
Vndique infundens, facis, vt perenne  
sæcla propagent:  
Quam nihil lætum sine, amabile est nil:  
Nilq; iucundum: sine qua nec ipsæ  
Gratæ erunt cuiquam Charites, nec ipsa  
blanda voluptas:

Dum tibi lætus reparatur orbis:  
Dum per herbosos pecus omne campos  
Vim tuam sentit: tibi plaudit omnis  
Dina volucris:

Dum nihil, quamuis rigidum, feroxq; est,  
Ossibus quod non penitus sub imis  
Sit tua tactum face: quod tuos non  
sentiat ignes:

Vna erit flammæ, & amoris expers?  
Vna secuta his Lalage resistet?  
Tange age Vltrici Dea, pertinacem  
tange flagello.

Quod si ita tanges, fera vt obstinatum  
Applicet nostris animum querelis,

Nec



*Nec preces ultra miseras, superba  
negligat aure.*

Conferam letam tibi Diva myrtum,  
Vancius qua se rosifer revolvit:

*Hanc mero supplex, niueo & rigabo  
lacte quotannis.*

*Hanc & immistæ pueris puellæ*

*Circum agent lætas pariter choreas:*

Teq; prima vnam, simul vltima vnam  
voce canent te.

*Te canent vnam, volucremq; natum:*

*Qui ferox, duro & similis parenti,*

Acer & flamma est, & agente certum  
cuspide vulnus.

*Spargam odoratas violas, rosasq;*

*Ipse ego, votiꝑ; reus secabo*

Grata torquata ante tuas columbae  
guttura flammæ.

*Borgettus lepidus catellus ille,*

*Cuius blanditias proterniores,*

*Et lusus herus ipse tantum amabat.*

*Quantum tale aliquid potest amari.*

*Nec mirum dominum suum ipse norat,*

Charam bima velut puella matrem:

*Et nunc illius in sinu latebat :*

*Nunc blande assiliebat huc & illuc*

Ludens, atque avido appetebat ore

*Erectis modo cruribus, bipesq;*

*Mensæ astabat herili, heroq; ab ipso*

*Latratu tenero cibum petebat.*

*Nunc raptus rapido maloq; fato*

*Ad manes abiit tenebricosos,*

*Miselle ò canis, ò miser catelle*

*Nigras paruulus vt timebis vmbra*

Vt sepe & dominum tuum requires :

Cui pro delitijs, iocisq; longum

*Heu desiderium tu. dū inquis.*

*Vos mihi nunc magnos partus, ortusq; beatos*

h ij Foelicis

Fœlicis pueri, quo pingua culta vetustū  
 N A O N I S exultant, quo Carnia tota superbit:  
 Dicite pierides. vos illum è matre cadentem  
 Exceptisq; sinu: & vestris fouistis in vlnis:  
 Et teneram molli cinxistis baccare frontem.  
 Nec vero vos tantum has acceßistis adoras,  
 Nec solæ venistis ad hæc vos munera musæ:  
 Affuit ipsa etiam pariter, spagensq; salubres  
 Pyxidos arcanae succos, partusq; dolores  
 Lenijt: & matrem foetu Lucina leuauit.  
 Affuit Idalio veniens è colle Dione:  
 Nectare odorato crines perfusa fluentes.  
 Assuetæq; leues Charites ductare choreas.  
 Hæ simul ambrosia puerum lauere liquenti:  
 Et paruas tenui cunas strauere hygistro.  
 Venit & undifluis properans Naucelus ab antris:  
 Quem propè cœruleo è fluctu formosa Metune  
 Ibat: eos circum violasq; rosasq; rubentes  
 Vimineis nymphæ calathis, &serta ferebant  
 Purpureo è narcisso, eq; auricomò chrysantho.  
 Quæ postquam totas passim sparsere per ædes:  
 Incundoq; domus late fragrauit odore:  
 Protinus ecce Iouis magni de limine parca,  
 Antiquæ parca, niueo queis corpora amictu,  
 Canaq; chaonia velantur tempora quercu.  
 Hæ postquam & matrem complexæ, & fronte serena  
 Oscula iunxerunt paruo fœlicia nato:  
 Candida versato torquentes vellera fuso,  
 Fatidico tales fuderunt pectore voces:  
 O fausto nimium cœlo, diuisq; benignis,  
 Nate puer, cresce, & dulces solare parentes:  
 Et fatis letare tuis. tuq; optima mater,  
 Tuq; boni genitor pueri, quos omine dextro  
 Castus Hymen quondam thalamo sociauit in vno:  
 Accipite hæc lætis animis, neu posse moueri  
 Credite quæ vero concordēs ore canemus.  
 Qualis in aprico se tollit anacardus horto:  
 Quam studio solers omni formosa puella  
 Ipsa suos alit in lufus: & lenibus vndis  
 Irrigat: illa leuis paulatim surgit in auras

Pulchrior:



Pulchrior : & dulcem late diffundit odorem .  
 Sic puer augeſcens primo ſe tollet in ævo :  
 Nec ſe quiſquam illi formoſo conferet ore .  
 Mox ubi iam validus teneris exceſſerit annis :  
 Tunc illum ſacras artes , doctæq; docebunt  
 Aonides , princepsq; chori formoſus Apollo .  
 Illi & diuini latices Aganippidos vnde ,  
 Et virides Hemi ſaltus , Pindi q; patebunt .  
 Mars quoq; bellipotens ſimul , & Tritonia Virgo  
 Muneribus bellorum , & ſænis inſtruet armis .  
 Doctior haud illo quiſquam ſeu cominus enſe ,  
 Seu ſit opus valida concurrere longius hæſta :  
 Sine inflectere equum , atq; arctis compeſcere habenis :  
 Seu libeat laxare , & aperto currere campo .  
 O quoties medio ſeruentem in turbine belli  
 Conuerſæ fugient acies : at percitus ille  
 Obuia quæq; metet infeſto corpora ferro .  
 Non ſecus ac præceps hyberno flumine torrens ,  
 Cum tumidus late , ac pluuijs hyemalibus auctus  
 Proruit aduerſas inſano vortice ſylvas :  
 Obſtantesq; trahit ripas : camposq; per omnes  
 Cum ſonitu ruit : & rapido rotat omnia fluctu .  
 Fortunate puer : nunquam non victor in hoſtem  
 Bella gerēs : magniq; æquabis facta P A R E N T I S .  
 Ille olim magnos Gallorum ſtrauit acervos :  
 Italaq; hoſtili manarunt arua cruore :  
 Tum , cum caſa virum ſerpens per corpora Lyris  
 Aequoreas curſum vix tandem inuenit in vndaſ .  
 Ille idem gelida cum gens immanis ab arcto  
 Auſonios paſſim ſe ſe effudiſſet in agros :  
 Audaces animos ingenti ſtrage repreſſit :  
 Alpinasq; nives Germano ſanguine tinxit .  
 Nunc quoq; fallaces abrupto foedere Gallos  
 In latios iterum fines , prædamq; ruentes  
 Proteret : & victi ( diuinis credite parciſ )  
 Italia expellet : coeloc; æquabit honores .  
 At tu ſiqua tuo reſtaſunt bella parenti :  
 Auſoniam inſenſo nec diſcedat ab hoſte :  
 Ipſe tua fidens animi viſente ſubibis  
 Hæc primum : mox externas egreſſus in oraſ  
 Implebis



Implebis totum factis audacibus orbem,  
 Te duce & Ausoniae rursum rediuiua resurget  
 Gloria: & antiquum late victricibus armis  
 Reddetur Latio imperium. tua signa timebunt  
 Vnà omnes passim populi, quaq; incidit alto  
 Aequore, & oceano feruentes abluat axes,  
 Quaq; coloratis effert se Phœbus ab Indis.  
 Tum demum placida contentus pace quiesces:  
 Senuq; mitescet posito discordia ferro.  
 Aurea tum veniet sæclis melioribus ætas:  
 Fœlicesq; anni, & Saturnia regna redibunt:  
 Tum pax alma colet terras, Astreaq; virgo:  
 Immersumq; gemet stygio scelus omne baratro.  
 Fœlices, qui tam leto nascentur in æuo.  
 Tu vero ante alias superis gratissima tellus,  
 Quam tanto Diuum genitor dignatur alumno,  
 Tu nitidas passim fruges, arbutaq; læta,  
 Sponte tua, nulloq; hominum cogente labore  
 Produces: humiles sudabunt mella genistæ:  
 Incultiq; ferent candentia lilia vepres:  
 Finierant parca. tum Iuppiter æthere ab alto  
 Intonuit læuum: & cœli de parte serena  
 Perspicuus multo fulgor cum lumine fulsit.

## EX PHILEMONE.

Siquid remedi lacrymæ afferrent malis:  
 Minorq; semper fieret lugenti dolor:  
 Auro parandæ lacrymæ nobis forent,  
 Sed nil here istæc prosunt: res ipsæ nihil  
 Mouentur istis: siue tu semper fleas,  
 Seu nunquam, eandem pergere insistens viam.  
 Quid his iuuamur ergo? nil certe: at dolor  
 Vt ipsa fructus arbor, sic lacrymæ habet.

## EX MÆD ANDRO.

Nam si te alumne genitor cum peperit tua  
 Hac sorte es vixisti in læm ætate:  
 Tibi cuncta vt evenirent quæ velles bona:  
 Idq; annuit magnorum quispiam Deum:  
 Iure optimo indignaris: valde enim is tibi



Fallax repertus, quod, si eisdem legibus  
 Quibus nos omnes (tragicis ut verbis loquar)  
 Aequè patentem cunctis aërem trahis:  
 Ferenda sunt hæc leuius, & omnis rectius  
 Ratio habenda. deniq; hæc summa est, puta  
 Hominem esse te, quo nullum animantium omnium  
 Extolli, itemq; deprimi citius solet.  
 Ipsumq; id haud iniuria, minimarum enim  
 Id virium est: & maximis semper studet:  
 Plurimaq; secum commoda conterit cadens  
 Tu vero & magna non amisisti bona,  
 Et mediocria sunt ipsa ea, quæ pateris mala.  
 Ergo & modeste alium quod reliquum est feras.  
 Quum ex Hispanica legatione in Italiam reuenteretur.

Salue cura Deum, mundi foeliciores ora,  
 Formosæ Veneris dulces saluete recessus.  
 Ut vos post tantos animi, mentisq; labores  
 Aspicio, lustroq; libens: ut munere vestro  
 Sollicitas toto depello è pectore curas.  
 Non alijs Charites perfundunt candida lymphis  
 Corpora: non alios contextunt ferta per agros.

Desunt nonnulla quæ erant in litura.

## R E G I S T R V M.

abcdefghijklmnopqrstuvwxyz aa bb cc dd ee ff gg hh  
 ii kk ll mm nn oo pp qq rr ss tt uu xx yy zz aa bbb  
 ccc d e f f g g g h h h i i i k k k l l l m m m n n n o o o p p p  
 q q q r r r u u x x x y y y z z z & & & a b c d e f g h.

Omnes

præter

& &, qui sunt terni.

V E N E T

L V C A

E D E S

A E.

P L V.



X 7-5323517